

ЎЗБЕКИСТОН РЕСПУБЛИКАСИ 46-47-сон
ҚОНУН ҲУЖЖАТЛАРИ (286-287)
ТЎПЛАМИ 2007 й.
ноябрь

Ўзбекистон Республикаси қонун ҳужжатлари тўплами беш бўлимдан иборат:

тўпламнинг биринчи бўлимида Ўзбекистон Республикаси қонунлари ва Ўзбекистон Республикаси Олий Мажлиси палаталарининг қарорлари эълон қилинади;

иккинчи бўлимда Ўзбекистон Республикаси Президентининг фармон, қарор ва фармойишлари эълон қилинади;

учинчи бўлимда Вазирлар Маҳкамасининг қарор ва фармойишлари эълон қилинади;

тўртинчи бўлимда Ўзбекистон Республикаси Конституциявий судининг қарорлари эълон қилинади;

тўпламнинг бешинчи бўлимида вазирликлар, давлат қўмиталари ва идораларининг Ўзбекистон Республикаси Адлия вазирлигида давлат рўйхатидан ўтказилган норматив-ҳуқуқий ҳужжатлари эълон қилинади.

+

—

МУНДАРИЖА

Иккинчи бўлим

463. «Ички тармоқ ва тармоқлараро саноат кооперациясини янада кучайтириш чоратадбирлари тўғрисида» Ўзбекистон Республикаси Президентининг 2007 йил 12 ноябрдаги ПФ-3937-сон Фармони
464. «Ўзбекистон Республикаси Бош прокуратурасининг Олий ўқув курсларини ташкил этиш тўғрисида» Ўзбекистон Республикаси Президентининг 2007 йил 7 ноябрдаги ПҚ-727-сон қарори
465. «2011 йилгача бўлган даврда фармацевтика тармоғи корхоналарини модернизация қилиш, техникавий ва технологик қайта жиҳозлаш Дастури тўғрисида» Ўзбекистон Республикаси Президентининг 2007 йил 19 ноябрдаги ПҚ-731-сон қарори
466. «Ўзбекистон Республикаси Президенти ва Ўзбекистон Республикаси Вазирлар Маҳкамасининг айрим қарорларини ўз кучини йўқотган деб ҳисоблаш тўғрисида» Ўзбекистон Республикаси Президентининг 2007 йил 20 ноябрдаги ПҚ-732-сон қарори

467. «Пахта толасини республиканинг ички истеъмолчиларига сотишни такомиллаштириш ва тўқимачилик саноатини ривожлантириш чора-тадбирлари тўғрисида» Ўзбекистон Республикаси Президентининг 2007 йил 21 ноябрдаги ПҚ-733-сон қарори

Учинчи бўлим

468. «Саноат учун аҳамиятини йўқотган ёки кейинчалик ўтказилган геология-қидирув ишларида ёхуд конни ишга солишда тасдиқланмаган фойдали қазилма захираларини ер ости бойликларидан фойдаланувчининг ҳисобидан чиқариш тартиби тўғрисидаги низомни тасдиқлаш ҳақида» Ўзбекистон Республикаси Вазирлар Маҳкамасининг 2007 йил 9 ноябрдаги 232-сон қарори
469. «ЎЗМЕД-лизинг» очик акциядорлик жамияти ихтисослаштирилган лизинг компаниясини ташкил этиш тўғрисида» Ўзбекистон Республикаси Вазирлар Маҳкамасининг 2007 йил 13 ноябрдаги 236-сон қарори
470. «Ўзбекистон Республикаси Вазирлар Маҳкамасининг «Мехнатга ҳақ тўлашнинг ягона тариф сеткасини янада такомиллаштириш тўғрисида» 2006 йил 26 октябрдаги 218-сон қарорига ўзгартириш киритиш ҳақида (Ўзбекистон Республикаси Президентининг «Иш ҳақи, пенсиялар, стипендиялар ва ижтимоий нафақалар миқдорини ошириш тўғрисида» 2007 йил 23 октябрдаги ПФ-3931-сон Фармони)» Ўзбекистон Республикаси Вазирлар Маҳкамасининг 2007 йил 19 ноябрдаги 239-сон қарори
471. «Ахборотнинг криптографик ҳимоя воситаларини лойиҳалаштириш, тайёрлаш, ишлаб чиқариш, реализация қилиш, таъмирлаш ва улардан фойдаланиш фаолиятини лицензиялаш тўғрисидаги низомни тасдиқлаш ҳақида» Ўзбекистон Республикаси Вазирлар Маҳкамасининг 2007 йил 21 ноябрдаги 242-сон қарори
472. «Юридик хизматлар ходимларини аттестациядан ўтказиш ва уларнинг малакасини ошириш тартиби тўғрисидаги низомни тасдиқлаш ҳақида» Ўзбекистон Республикаси Вазирлар Маҳкамасининг 2007 йил 22 ноябрдаги 244-сон қарори
473. «Саноат аҳамиятига эга бўлган фойдали қазилмалар янги конларини очганлик ёки илгари маълум бўлган конларни (конларнинг участкаларини) тубдан қайта баҳолаганлик учун пул мукофотлари тўғрисидаги низомни тасдиқлаш ҳақида» Ўзбекистон Республикаси Вазирлар Маҳкамасининг 2007 йил 22 ноябрдаги 245-сон қарори

Бешинчи бўлим

474. «Товар келиб чиққан жой номини ва товар келиб чиққан жой номидан фойдаланиш ҳуқуқини беришни рўйхатдан ўтказишга доир талабнома тузиш, топшириш ва кўриб чиқиш қоидаларига ўзгартириш ва қўшимчалар киритиш тўғрисида»ги Ўзбекистон Республикаси Давлат патент идораси директорининг 2007 йил 17 октябрдаги 72-сонли буйруғи. (*Ўзбекистон Республикаси Адлия вазирлиги томонидан 2007 йил 13 ноябрда 1185-1-сон билан давлат рўйхатидан ўтказилди*)

475. «Уруғлик пахта хом ашёси етиштириш миқдорини аниқлаш ва унга асосан шартномалар тузиш тартиби тўғрисидаги низомни тасдиқлаш ҳақида»ги Ўзбекистон Республикаси Молия вазирлиги, Қишлоқ ва сув хўжалиги вазирлигининг 2007 йил 2 октябрдаги 89, 3/11-сонли қарори. (*Ўзбекистон Республикаси Адлия вазирлиги томонидан 2007 йил 14 ноябрда 1738-сон билан давлат рўйхатидан ўтказилди*)
476. «Давлат активлари иштирокида ташкил этилган қўшма корхоналарнинг ҳисоби ва фаолияти мониторингининг ягона тартиби»ни ўз кучини йўқотган деб топиш тўғрисидаги Ўзбекистон Республикаси Давлат статистика қўмитаси, Давлат мулкни бошқариш давлат қўмитасининг 2007 йил 5 ноябрдаги 15, 01/16-18/15-сонли қарори. (*Ўзбекистон Республикаси Адлия вазирлиги томонидан 2007 йил 16 ноябрда 797-1-сон билан давлат рўйхатидан ўтказилди*)
477. «1-МОН «Маҳсулотни ишлаб чиқариш ва жўнатиш бўйича ҳисобот»ни тўлдириш тартиби тўғрисида йўриқномани тасдиқлаш ҳақидаги қарорни ўз кучини йўқотган деб топиш ҳақида»ги Ўзбекистон Республикаси Давлат статистика қўмитаси, Монополиядан чиқариш, рақобат ва табдиркорликни қўллаб-қувватлаш давлат қўмитасининг 2007 йил 6 ноябрдаги 18, 13-сонли қарори. (*Ўзбекистон Республикаси Адлия вазирлиги томонидан 2007 йил 16 ноябрда 1066-1-сон билан давлат рўйхатидан ўтказилди*)
478. «Ўзбекистон Республикаси банк тизимида дастурий таъминотлардан фойдаланишга рухсат бериш тартибини тасдиқлаш тўғрисидаги қарорни ўз кучини йўқотган деб ҳисоблаш ҳақида»ги Ўзбекистон Республикаси Марказий банки Бошқарувининг 2007 йил 29 сентябрдаги 25/3-сонли қарори. (*Ўзбекистон Республикаси Адлия вазирлиги томонидан 2007 йил 20 ноябрда 856-1-сон билан давлат рўйхатидан ўтказилди*)
479. «Ўзбекистон Республикаси банк тизимида дастурий маҳсулотлардан фойдаланиш учун рухсатнома бериш тартиби тўғрисидаги низомни тасдиқлаш ҳақида»ги Ўзбекистон Республикаси Марказий банки Бошқарувининг 2007 йил 29 сентябрдаги 25/4-сонли қарори. (*Ўзбекистон Республикаси Адлия вазирлиги томонидан 2007 йил 20 ноябрда 1739-сон билан давлат рўйхатидан ўтказилди*)
480. «Электрон шаклдаги контрактлар ва электрон тижоратда қўлланиладиган ҳужжатларнинг бошқа намунавий шакллари тайёрлаш тартиби тўғрисидаги низомни тасдиқлаш ҳақида»ги Ўзбекистон Республикаси Ташқи иқтисодий алоқалар, инвестициялар ва савдо вазирлиги, Давлат божхона қўмитаси, Давлат солиқ қўмитасининг 2007 йил 5 октябрдаги ЭГ-01/10-5248, 01-02/6-28, 2007-55-сонли қарори. (*Ўзбекистон Республикаси Адлия вазирлиги томонидан 2007 йил 21 ноябрда 1740-сон билан давлат рўйхатидан ўтказилди*)
- Вазирликлар, давлат қўмиталари ва идораларининг умумий мажбурий тусдаги норматив ҳужжатларини давлат рўйхатидан ўтказиш ҳолати тўғрисида 2007 йил 10 ноябрдан 23 ноябргача бўлган маълумот

ИККИНЧИ БЎЛИМ

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

463 Ички тармоқ ва тармоқлараро саноат кооперацияси- ни янада кучайтириш чора-тадбирлари тўғрисида

Қайд этиб ўтилсинки, Ўзбекистон иқтисодиётида амалга оширилаётган чуқур, аниқ мақсадга йўналтирилган таркибий ўзгартиришлар кейинги йилларда иқтисодий ривожланишнинг юксак суръатларини ва саноатнинг илдам ўсишини таъминлади. Саноатнинг ялпи ички маҳсулотдаги улуши 90-йиллар бошидаги 11 фоиздан 2007 йилга келиб 24 фоизгача кўпайди.

Мустақиллик йиллари мобайнида нефть-газ, машинасозлик, электр техника, кимё, металлургия саноатида ўнлаб янги йирик саноат корхоналари барпо этилди. Иқтисодиётнинг янги тармоғи — ривожланган инфратузилмага эга бўлган автомобиль саноати яратилдики, унда ишлаб чиқаришни маҳаллийлаштириш даражаси бугунги кунда 60 фоиздан кўпроқни ташкил этади.

Ватанимиз саноати томонидан енгил, юк автомобиллари ҳамда йўловчи автобуслари, полиэтилен, сиқилган ва суюлтирилган газ, кальцийлаштирилган сода, электр техника ва кабел-ўтказгич маҳсулотлари, эластик темир йўл шпаллари, машинасозлик ҳамда бошқа саноат тармоқлари учун эҳтиёт қисмлар ва бутловчи буюмлар каби янги юқори технологик маҳсулот турларини ишлаб чиқариш ўзлаштирилди.

Шу билан бирга, вужудга келтирилган саноат салоҳиятидан ҳали етарлича самарали ва тўлиқ даражада фойдаланилмаяпти. Ишлаб чиқариш қувватлари, юқори малакали ишчи кучи, қулай иқлим шароитлари мавжуд бўлгани ҳолда, тайёр саноат маҳсулотининг кўпгина турлари, хом ашё ва материаллар, етарли даражадаги манфаатдорлиқнинг йўқлиги сабабли кўпинча хориждан қўшимча транспорт харажатлари ва валюта сарфлаб олиб келинади, ваҳоланки уларни маҳаллий корхоналарда муваффақиятли ишлаб чиқариш мумкин бўлур эди.

Хусусан, қишлоқ хўжалик машинасозлиги, рангли металлургия, пахта тозалаш ва тўқимачилик саноатида ички тармоқ ва тармоқлараро саноат кооперацияси имкониятларидан етарлича фойдаланилмаяпти. Маҳаллийлаштирилаётган ишлаб чиқаришга кичик бизнес корхоналари суист жалб этилмоқда.

Ишлаб чиқаришни макбуллаштиришда, ички тармоқ ва тармоқлараро кооперацияни мустаҳкамлаш ҳамда ривожлантиришда хўжалик юритувчи субъектларга ёрдам бериш, маҳаллийлаштириш жараёнларини кенгайтириш учун қўшимча шарт-шароитлар яратиш, ишлаб чиқариш самарадорлигини, аҳолининг иш билан бандлигини ва саноат маҳсулоти ҳажмларини оширишда мавжуд захиралардан фойдаланиш мақсадида:

1. Республика саноатининг тез ривожланиб бораётган тармоқлари учун зарур бўлган, экспорт салоҳиятини кенгайтириш, савдо ва тўлов балансини макбуллаштириш имконини берадиган бутловчи буюмлар, эҳтиёт қисмлар, сарфланадиган материаллар ва қайта ишланган хом ашё захиралари ишлаб чиқарадиган ватанимиз корхоналарини ҳар томонлама қўллаб-қувватлаш, валюта маблағларини биринчи

навбатда илғор технологиялар ва машина-ускуналарни импорт қилишга йўналтириш узоқ муддатли истиқболни кўзлаб саноатни янада ривожлантиришнинг энг муҳим устувор вазифаси деб ҳисоблансин.

Қуйидагилар ички тармоқ ва тармоқлараро саноат кооперациясини янада ривожлантиришнинг асосий йўналишлари этиб белгилансин:

саноат корхоналарининг ички тармоқ ва тармоқлараро кооперацияси доирасида узоқ муддатли ҳўжалик алоқаларини шакллантириш ҳамда кенгайтириш учун зарур қонунчилик базасини ва бозор инфратузилмасини яратиш;

ускуналар, бутловчи буюмлар, хом ашё ва материаллар ишлаб чиқаришни маҳаллийлаштиришни амалга ошираётган корхоналарнинг зарур хом ашё ва кредит захираларидан эркин фойдаланишини таъминлаш;

маҳаллий хом ашё негизида тайёр маҳсулот, бутловчи буюмлар ва материаллар ишлаб чиқаришни маҳаллийлаштириш борасида ҳар йили қабул қилинадиган Дастурларнинг саноат кооперациясини ривожлантиришдаги роли ва аҳамиятини ошириш, шунингдек дастурларга киритилган маҳаллийлаштириш лойиҳаларининг ўз вақтида бажарилиши учун ижрочиларнинг жавобгарлигини кучайтириш;

янги технологияларни ишлаб чиқиш ҳамда уларни йирик ва кичик корхоналарда жорий этиш имконини берадиган инновация лойиҳаларини қўллаб-қувватлаш ва амалга ошириш учун венчур жамғармаларини, шунингдек инфратузилма объектларини ташкил этиш;

мамлакатимиз корхоналарининг эҳтиёжлари учун, шунингдек экспортга етказиб бериш учун ускуналар, бутловчи буюмлар, қайта ишланган хом ашё ва материаллар ишлаб чиқаришни таъминлаётган корхоналарга маҳаллийлаштириш дастури доирасида солиқ ҳамда божхона соҳасида имтиёз ва преференциялар бериш.

2. Ўзбекистон Республикаси Иқтисодиёт вазирлиги, Ташқи иқтисодий алоқалар, инвестициялар ва савдо вазирлиги, Савдо-саноат палатасининг Республика саноат ярмаркаси ва Кооперация биржасини мунтазам асосда ўтказиб туришни ташкил этиш тўғрисидаги таклифи қабул қилинсин.

Ички тармоқ ва тармоқлараро кооперацияни ривожлантириш, республикада ишлаб чиқарилаётган маҳсулот тўғрисида кенг хабардор қилиш, шерикларни излаб топиш ҳамда ўзи ишлаб чиқарган маҳсулотни етказиб бериш тўғрисида маҳаллий ишлаб чиқарувчилар ўртасида ҳўжалик шартномалари тузишда ёрдам кўрсатиш саноат ярмаркаси ва Кооперация биржасининг асосий вазифаси этиб белгилансин.

3. Доимий фаолият кўрсатувчи Республика саноат ярмаркаси ва Кооперация биржасининг ташкилий қўмитаси таркиби иловага* мувофиқ тасдиқлансин.

4. Белгилансинки, маҳаллий корхоналар томонидан ишлаб чиқарилган асбоб-ускуналар, бутловчи буюмлар, қайта ишланган маҳсулотлар ва материалларни Кооперация биржаси доирасида харид қилиш мамлакатимизнинг барча истеъмолчилари учун қўшимча тендерлар ўтказмай тўғридан-тўғри шартномалар асосида амалга оширилади.

5. Ўзбекистон Республикаси Иқтисодиёт вазирлиги, Молия вазирлиги бир ой муддатда, 2008 йилги маҳаллийлаштириш Дастуридан бошлаб, маҳаллий хом ашё негизида тайёр маҳсулот, бутловчи буюмлар ва материаллар ишлаб чиқаришни маҳаллийлаштириш Дастурига киритилган корхоналар учун қўшимча солиқ имтиёзлари ва преференциялар бериш тўғрисида Вазирлар Маҳкамасига таклифлар киритсин.

6. Ўзбекистон Республикаси Иқтисодиёт вазирлиги Ташқи иқтисодий алоқалар, инвестициялар ва савдо вазирлиги, бошқа манфаатдор идоралар билан бирга-

* Илова берилмайд.

ликда ҳар чоракда ҳамда йил якунлари бўйича маҳаллий хом ашё негизида тайёр маҳсулот, бутловчи буюмлар ва материаллар ишлаб чиқаришни маҳаллийлаштиришнинг тасдиқланган Дастури ижроси натижаларини кўриб чиқиш учун Вазирлар Маҳкамаси йиғилишларига киритиб борсин.

7. Ўзбекистон стандартлаштириш, метрология ва сертификатлаштириш агентлиги 2008 йилнинг биринчи ярми давомида Агентликнинг кооперация алоқалари доирасида техникавий аудит ҳамда ишлаб чиқарилаётган ва ўзлаштирилаётган маҳсулотлар сифатини бошқариш тизимини кенг қўллаш борасида хўжалик юритувчи субъектларга жойларда хизматлар кўрсатиш филиаллари билан ихтисослаштирилган тузилмалари тармоғи ташкил этилишини таъминласин.

8. Ўзбекистон Республикаси Ташқи иқтисодий алоқалар, инвестициялар ва савдо вазирлиги Давлат божхона қўмитаси ҳамда Иқтисодиёт вазирлиги билан биргаликда кейинчалик айнан нархи ва сифати бўйича рақобатбардош маҳсулотлар ишлаб чиқаришни таъминловчи маҳаллий ишлаб чиқарувчиларни қўллаб-қувватлаш чоратадбирларини ишлаб чиққан ҳолда, асбоб-ускуналар, бутловчи буюмлар, хом ашё ва материалларни импорт қилишнинг доимий мониторинги ва таҳлилини амалга оширсин.

9. Мазкур Фармоннинг ижросини назорат қилиш Ўзбекистон Республикаси Бош вазири Ш.М. Мирзиёев зиммасига юклансин.

**Ўзбекистон Республикаси
Президенти**

И. КАРИМОВ

Тошкент ш.,
2007 йил 12 ноябрь,
ПФ-3937-сон

+

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРИ

464 Ўзбекистон Республикаси Бош прокуратурасининг Олий ўқув курсларини ташкил этиш тўғрисида

Ўзбекистон Республикаси прокуратураси органлари раҳбар кадрларини қайта тайёрлаш ва ходимларининг малакасини ошириш тизимини янада такомиллаштириш мақсадида, шунингдек, Кадрлар тайёрлаш миллий дастурига мувофиқ:

1. Ўзбекистон Республикаси Бош прокуратурасининг Қонунчиликни мустаҳкамлаш муаммолари ва прокурор-тергов ходимлари малакасини ошириш маркази тугатилсин ва унинг негизида Ўзбекистон Республикаси Бош прокуратурасининг Олий ўқув курслари ташкил этилсин.

2. Олий ўқув курсларининг асосий вазифалари этиб қуйидагилар белгилансин:

юридик фани, прокурор-тергов амалиёти, меҳнат ва бошқарувни илмий ташкил этишнинг энг янги ютуқларини ўргатиш мақсадида прокуратура органларининг раҳбар кадрларини қайта тайёрлаш ва ходимларининг малакасини ошириш;

Ўзбекистон Республикаси қонун ҳужжатлари тўплами, 2007 й.

мунтазам равишда тингловчиларнинг назарий билимлари ва амалий кўникмаларини ошириш, ишчанлик ва касбий фазилатларини такомиллаштириш;

ахборот-таҳлил ишлари кўникмаларини ривожлантириш, Ўзбекистон Республикаси ташқи ва ички сиёсатининг асосий йўналишларига доир билимларни чуқурлаштириш;

профессионал вазифаларни ҳал этишда замонавий компьютер технологияларидан, глобал ахборот тармоқлари ресурслари имкониятларидан фойдаланиш борасидаги билимларни чуқурлаштириш ва амалий кўникмаларни такомиллаштириш;

демократик ҳуқуқий давлат барпо этиш, фуқаролик жамиятини шакллантириш ва қонунчиликни мустаҳкамлаш соҳасида тингловчиларнинг ҳуқуқий билимларини ошириш;

тингловчиларда ташкилотчилик қобилияти ва раҳбарлик маҳоратини такомиллаштириш;

тингловчиларни ватанпарварлик, Ватанига ва хизмат бурчига садоқат руҳида тарбиялаш, уларда ахлоқий-иродалик фазилатларни шакллантириш;

прокурор-тергов ва суд амалиётини ўрганиш ҳамда таҳлил қилиш;

қонунийликни таъминлаш, ҳуқуқ-тартиботни мустаҳкамлаш ва жиноятчиликка қарши кураш муаммолари бўйича тадқиқотларни амалга ошириш ҳамда амалий таклифлар, тавсиялар ва қўлланмаларни ишлаб чиқиш.

3. Ўзбекистон Республикаси Бош прокуратурасининг Олий ўқув курсларини бошқарув ходимларининг чекланган сони 11 кишидан иборат ташкилий-штат тузилмаси иловага мувофиқ тасдиқлансин.

Ўзбекистон Республикаси Бош прокурорига Ўзбекистон Республикаси Бош прокуратурасининг Олий ўқув курслари тузилмасига белгиланган умумий штатлар сони доирасида ўзгартиришлар киритиш ҳуқуқи берилсин.

4. Раҳбар кадрларни қайта тайёрлаш дастури бўйича ўқиш муддати — 6 ой ва малака ошириш дастури бўйича — 1 ой этиб белгилансин.

5. Ўзбекистон Республикаси Бош прокурори икки ҳафталик муддатда Ўзбекистон Республикаси Бош прокуратурасининг Олий ўқув курслари тўғрисидаги нозомни ишлаб чиқсин ва тасдиқласин.

6. Бош прокуратуранинг Олий ўқув курслари ходимларига прокуратура органлари ходимлари учун белгиланган меҳнатга ҳақ тўлаш ва моддий таъминлаш шартлари татбиқ этилсин.

7. Ўзбекистон Республикаси Молия вазирлиги ҳар йили Давлат бюджети параметрларини шакллантиришда ушбу қарорга мувофиқ Олий ўқув курсларига зарур маблағ ажратилишини назарда тутсин.

8. Ўзбекистон Республикаси Адлия вазирлиги Ўзбекистон Республикаси Бош прокуратураси билан биргаликда бир ой муддатда қонун ҳужжатларига мазкур қарордан келиб чиқадиган ўзгартириш ва қўшимчалар киритиш тўғрисида таклифлар тайёрласин.

9. Ушбу қарор ижросини назорат қилиш Ўзбекистон Республикаси Президентининг Давлат маслаҳатчиси И. Абдуллаев зиммасига юклатилсин.

**Ўзбекистон Республикаси
Президенти**

И. КАРИМОВ

Тошкент ш.,
2007 йил 7 ноябрь,
ПҚ-727-сон

Ўзбекистон Республикаси Бош прокуратурасининг Олий ўқув курсларини ташкилий-штат тузилмаси



Изоҳ: Профессор-ўқитувчилар ва ёрдамчи ходимларнинг сони амалдаги меъёрларга мувофиқ белгиланади.

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРИ

465 2011 йилгача бўлган даврда фармацевтика тармоғи корхоналарини модернизация қилиш, техникавий ва технологик қайта жиҳозлаш Дастури тўғрисида

Фармацевтика тармоғи корхоналарининг ишлаб чиқариш қувватларидан самарали ва оқилона фойдаланиш, экспортга йўналтирилган рақобатбардош фармацевтика маҳсулотлари ишлаб чиқаришни кўпайтириш, шунингдек республика аҳолисининг маҳаллий дори воситалари ва тиббиёт буюмларига бўлган талаб-эҳтиёжини янада тўлиқ қондириш мақсадида:

1. Қуйидагилар 2011 йилгача бўлган даврда фармацевтика тармоғи корхоналарини модернизация қилиш, техникавий ва технологик қайта жиҳозлаш Дастурининг энг муҳим вазифалари деб ҳисоблансин:

республика аҳолиси, даволаш-профилактика ва дорихона муассасаларининг маҳаллий дори-дармон ва тиббиёт буюмларига бўлган эҳтиёжини ўрганиш асосида уларни ишлаб чиқаришнинг устувор йўналишларини белгилаш;

ишлаб чиқариш жараёнига замонавий технологияларни жорий этиш йўли билан, шу жумладан, хорижий инвестицияларни жалб этиш, шунингдек тармоқ корхоналарининг мавжуд ишлаб чиқариш қувватларидан янада самарали фойдаланиш ҳисобига ишлаб чиқариладиган дори воситалари ва тиббиёт буюмлари сарф-харажатларини камайтириш ва рақобатбардошлигини ошириш;

республика корхоналарида янги дори субстанциялари ва тайёр дори воситаларининг саноат миқёсида ишлаб чиқарилишини таъминлаш, энг аввало ижтимоий аҳамиятга молик касалликларни даволаш учун уларни маҳаллий хом ашёдан тайёрлаш бўйича илмий тадқиқотлар ва инновация ишланмаларини амалга ошириш.

2. «Ўзфармсаноат» ДАК томонидан Ўзбекистон Республикаси Соғлиқни сақлаш вазирлиги, Иқтисодиёт вазирлиги, Фанлар академияси, фармацевтика тармоғи корхоналари билан биргаликда ишлаб чиқилган 2011 йилгача бўлган даврда фармацевтика тармоғи корхоналарини модернизация қилиш, техникавий ва технологик қайта жиҳозлаш Дастури маъқуллансин, унда қуйидагилар назарда тутилади:

2007—2011 йиллардаги даврда фармацевтика саноати корхоналарини модернизация қилиш, техникавий ва технологик қайта жиҳозлаш Дастурининг мақсадли параметрлари 1-иловага* мувофиқ;

маҳсулот ишлаб чиқаришнинг прогноз параметрлари ҳамда фармацевтика тармоғи корхоналарини модернизация қилиш, техникавий ва технологик қайта жиҳозлаш бўйича инвестиция таклифлари рўйхати 2 ва 3-иловаларга* мувофиқ.

«Ўзфармсаноат» ДАК бошқаруви раиси, Қорақалпоғистон Республикаси Вазирлар Кенгаши раиси, вилоятлар ва Тошкент шаҳар ҳокимлари зиммаларига фармацевтика тармоғи корхоналарини модернизация қилиш, техникавий ва технологик қайта жиҳозлаш Дастурининг мақсадли прогноз параметрлари тўлиқ ҳажмда ва белгиланган муддатларда бажарилишини таъминлаш бўйича шахсий жавобгарлик юклансин.

3. «Ўзфармсаноат» ДАК, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари:

ишлаб чиқарилаётган дори воситаларининг сифатини яхшилаш, уларнинг аҳолига, биринчи навбатда пенсионерлар, ногиронлар ва қариялар учун мақбул нархлар-

* 1—3-иловалар берилмайди.

да ишлаб чиқарилишини таъминлашга алоҳида эътибор берган ҳолда, чора-тадбирлар комплексини амалга оширсин;

аҳолига ҳамда даволаш-профилактика ва дорихона муассасалари ходимларига маҳаллий корхоналар томонидан ишлаб чиқарилаётган дори воситаларининг турлари тўғрисида мунтазам ва тизимли асосда ахборот бериб борилишини, шунингдек маҳаллий дори воситалари ва тиббиёт буюмларининг ҳар йилги савдо-ярмаркалари ўтказилишини таъминласин;

Ўзбекистон Республикаси Соғлиқни сақлаш вазирлиги, «Дори-дармон» АК билан биргаликда бир ой муддатда маҳаллий фармацевтика маҳсулотларига бўлган талабни ўрганишга йўналтирилган маркетинг сиёсатини доимий асосда олиб боришни назарда tutuvchi чора-тадбирлар комплексини тасдиқласин;

Ўзбекистон Республикаси Фанлар Академияси ва тармоқ илмий-тадқиқот институтлари билан биргаликда республика корхоналарида янги дори субстанциялари ва тайёр дори воситаларини саноат миқёсида ишлаб чиқаришни таъминлаш учун уларни маҳаллий хом ашёдан тайёрлаш бўйича тизимли илмий тадқиқотлар ўтказсин ва инновация ишланмаларини яратсин.

4. Ўзбекистон Республикаси Соғлиқни сақлаш вазирлиги уч ой муддатда энг кўп тарқалган касалликлар турлари бўйича маҳаллий корхоналар томонидан ишлаб чиқариладиган препаратлар ва тиббиёт буюмларини ҳисобга олган ҳолда 2008 — 2011 йилларда республика даволаш-профилактика муассасалари ва аҳолисини таъминлаш учун зарур бўлган дори воситалари ҳажми ва турларини аниқлаш мақсадида даволаш стандартларининг тизимлаштирилишини яқунласин.

5. Мазкур қарорнинг ижросини назорат қилиш Ўзбекистон Республикаси Бош вазирининг ўринбосарлари Р.С. Азимов ва Р.С. Қосимов зиммаларига юклансин.

**Ўзбекистон Республикаси
Президенти**

И. КАРИМОВ

Тошкент ш.,
2007 йил 19 ноябрь,
ПҚ-731-сон

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРИ

466 Ўзбекистон Республикаси Президенти ва Ўзбекистон Республикаси Вазирлар Маҳкамасининг айрим қарорларини ўз кучини йўқотган деб ҳисоблаш тўғрисида

Ўзбекистон Республикаси Президентининг «Акциз солиғига тортиладиган айрим турдаги товарларнинг Ўзбекистон Республикаси ҳудуди орқали транзит йўли билан олиб ўтилишини янада тартибга солиш чора-тадбирлари тўғрисида» 2007 йил 4 октябрдаги ПҚ-703-сонли қарoriga мувофиқ:

1. Қуйидагилар:

Ўзбекистон Республикаси Вазирлар Маҳкамасининг «Алкоголли ва тамаки

маҳсулотларини четдан келтириш, ишлаб чиқариш ва сотиш устидан давлат назоратини кучайтиришга доир қўшимча чора-тадбирлар тўғрисида» 1998 йил 4 августдаги 331-сонли қарорининг 1-банди;

«Ўзбекистон Республикаси Вазирлар Маҳкамасининг «Алкоголли ва тамаки маҳсулотларини четдан келтириш, ишлаб чиқариш ва сотиш устидан давлат назоратини кучайтиришга доир қўшимча чора-тадбирлар тўғрисида» 1998 йил 4 августдаги 331-сонли қарорига қўшимча киритиш ҳақида» Ўзбекистон Республикаси Президентининг 2006 йил 14 июлдаги ПҚ-415-сонли қарори ўз кучини йўқотган деб ҳисоблансин.

2. Мазкур қарорнинг ижросини назорат қилиш Ўзбекистон Республикаси Бош вазирининг ўринбосари Р.С. Азимов зиммасига юклансин.

**Ўзбекистон Республикаси
Президенти**

И. КАРИМОВ

Тошкент ш.,
2007 йил 20 ноябрь,
ПҚ-732-сон

+

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРИ

467 Пахта толасини республиканинг ички истеъмолчиларига сотишни такомиллаштириш ва тўқимачилик саноатини ривожлантириш чора-тадбирлари тўғрисида

Пахта толасининг юқори ликвидли ресурсларидан оқилона ва самарали фойдаланиш, шунингдек сифатли, экспортга йўналтирилган, халқаро стандартларга жавоб берадиган тўқимачилик маҳсулотлари ишлаб чиқаришни таъминлаш мақсадида:

1. 2008 йилнинг 1 январидан бошлаб, мулкчилик шаклидан қатъи назар, республиканинг пахта толасини қайта ишлайдиган барча корхоналари учун пахта толасини Ўзбекистон Республикаси Президентининг 2006 йил 29 августдаги ПҚ-456-сонли қарорида назарда тутилган шартлар асосида эркин айирбошланадиган валютада Ўзбекистон Республикаси Ташқи иқтисодий алоқалар, инвестициялар ва савдо вазирлигининг ташқи савдо компаниялари ҳамда Ўзбекистон Республикаси товар-хом ашё биржаси орқали харид қилишнинг ягона тартиби ўрнатилсин.

2. Ўзбекистон Республикаси Вазирлар Маҳкамасининг 2004 йил 25 мартдаги 141-сонли қарори 5-бандида назарда тутилган, «Ўзбекенгилсаноат» ДАК корхоналарига ички бозорда ярим тайёр тўқимачилик маҳсулотларини (калава, газмол, трикотаж полотно ва пахтани йигириш чиқиндиларини) шартнома тузиш пайтида таркиб топган жаҳон нархларидан паст бўлмаган нархларда эркин муомаладаги валютага (қўшилган қиймат солиғи нулинчи ставка бўйича қўшиб ҳисобланган ҳолда) сотиб олишга рухсат бериш бўйича имтиёзлар муддати 2011 йилнинг 1 январигача узай-

тирилсин, бунда ушбу ярим тайёр маҳсулотлардан ишлаб чиқариладиган маҳсулотларнинг камида 80 фоизи экспортга йўналтирилиши назарда тутилсин.

3. Белгилансинки, ўз маҳсулоти ҳажмининг 80 ва ундан кўпроқ фоизини, шу жумладан, ярим тайёр тўқимачилик маҳсулотлари (калава, газмол, трикотаж полотно ва пахтани йиғириш чиқиндилари)ни эркин айирбошладиган валютада сотувчи республика тўқимачилик саноати корхоналари 2011 йилнинг 1 январигача бўлган даврда мулк солиғи тўлашдан озод этилади.

4. Ўзбекистон Республикаси Адлия вазирлиги манфаатдор вазирлик ва идоралар билан биргаликда бир ой муддатда қонунчиликка ушбу қарордан келиб чиқадиган ўзгартишлар тўғрисида Вазирлар Маҳкамасига таклифлар киритсин.

5. Мазкур қарорнинг ижросини назорат қилиш Ўзбекистон Республикаси Бош вазирининг ўринбосари Р.С. Азимов зиммасига юклансин.

**Ўзбекистон Республикаси
Президенти**

И. КАРИМОВ

Тошкент ш.,
2007 йил 21 ноябрь,
ПҚ-733-сон

—

+

УЧИНЧИ БЎЛИМ

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ
ҚАРОРИ

468 Саноат учун аҳамиятини йўқотган ёки кейинчалик ўтказилган геология-қидирув ишларида ёхуд конни ишга солишда тасдиқланмаган фойдали қазилма захираларини ер ости бойликларидан фойдаланувчининг ҳисобидан чиқариш тартиби тўғрисидаги низомни тасдиқлаш ҳақида

«Ер ости бойликлари тўғрисида»ги Ўзбекистон Республикаси Қонунининг 17-моддасига мувофиқ Вазирлар Маҳкамаси **қарор қилади:**

1. Саноат учун аҳамиятини йўқотган ёки кейинчалик ўтказилган геология-қидирув ишларида ёхуд конни ишга солишда тасдиқланмаган фойдали қазилма захираларини ер ости бойликларидан фойдаланувчининг ҳисобидан чиқариш тартиби тўғрисидаги низом иловага мувофиқ тасдиқлансин.

2. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Қ.С. Санакулов зиммасига юклансин.

Ўзбекистон Республикасининг
Бош вазири

Ш.МИРЗИЁЕВ

Тошкент ш.,
2007 йил 9 ноябрь,
232-сон

Вазирлар Маҳкамасининг
2007 йил 9 ноябрдаги 232-сон қарорига
ИЛОВА

**Саноат учун аҳамиятини йўқотган ёки кейинчалик ўтказилган геология-қидирув ишларида ёхуд конни ишга солишда тасдиқланмаган фойдали қазилма захираларини ер ости бойликларидан фойдаланувчининг ҳисобидан чиқариш тартиби тўғрисида
НИЗОМ**

І. Умумий қоидалар

1. Ушбу Низом «Ер ости бойликлари тўғрисида»ги Ўзбекистон Республикаси Қонунига ва Ўзбекистон Республикаси Вазирлар Маҳкамасининг 2005 йил 19 январдаги 24-сон қарори билан тасдиқланган Ўзбекистон Республикаси Давлат геология ва минерал ресурслар қўмитаси ҳузуридаги Фойдали қазилмалар захиралари

бўйича давлат комиссияси тўғрисидаги Низомга мувофиқ ишлаб чиқилган ҳамда саноат учун аҳамиятини йўқотган ёки кейинчалик ўтказилган геология-қидирув ишларида ёхуд конни ишга солишда тасдиқланмаган фойдали қазилма захираларини ер ости бойликларидан фойдаланувчининг балансидан чиқариш тартибини белгилайди.

2. Ушбу Низомда қуйидаги асосий тушунчалар қўлланилади:

балансдаги захиралар — асосий фойдали қазилма ва у билан бирга жойлашган фойдали қазилмалар ҳамда қўшилиб чиқадиган фойдали компонентларни ўз ичига оладиган конларнинг захиралари, шу жумладан қазиб олинadиган нефть, газ, нефтдаги газ, конденсат аралашмаси ва улардаги саноат аҳамиятига эга бўлган фойдали компонентлар, шунингдек йод, бром ва ер ости бойликларидан оқилона фойдаланиш ва атроф муҳит муҳофазаси талабларига риоя қилган ҳолда минерал хом ашёни кавлаб олиш ва қайта ишлашнинг мавжуд ёхуд саноат томонидан ўзлаштирилаётган илғор техникаси ва технологияси шароитида улардан фойдаланиш иқтисодий мақсадга мувофиқ бўлган саноат ва нефть сувларидаги бошқа фойдали компонентлар захиралари;

балансдан ташқари захиралар — асосий фойдали қазилма ва у билан бирга жойлашган фойдали қазилмалар ҳамда қўшилиб чиқадиган фойдали компонентларни ўз ичига оладиган конларнинг захиралари, шу жумладан қазиб олинadиган нефть, газ, нефтдаги газ, конденсат аралашмаси ва улардаги саноат аҳамиятига эга бўлган фойдали компонентлар, шунингдек йод, бром ва ҳозирги вақтда кавлаб олиниши иқтисодий жиҳатдан мақсадга мувофиқ бўлмаган ёки бунинг техник имкони бўлмаган, бироқ кейинчалик балансга ўтказилиши мумкин бўлган саноат ва нефть сувларидаги бошқа фойдали компонентлар захиралари.

II. Фойдали қазилмалар захираларини ер ости бойликларидан фойдаланувчилар балансидан чиқариш учун асослар

3. Саноат учун аҳамиятини йўқотган ёки кейинчалик ўтказилган геология-қидирув ишларида ёхуд конни ишга солишда тасдиқланмаган фойдали қазилма захираларини ер ости бойликларидан фойдаланувчининг ҳисобидан чиқариш Ўзбекистон Республикаси Давлат геология ва минерал ресурслар қўмитаси ҳузуридаги Фойдали қазилмалар захиралари бўйича давлат комиссиясининг (кейинги ўринларда «Фойдали қазилмалар захиралари бўйича давлат комиссияси» деб юритилади) қарори билан амалга оширилади.

4. Фойдали қазилмалар захиралари:

а) қуйидагилар:

Фойдали қазилмалар захиралари бўйича давлат комиссияси томонидан янгидан тасдиқланган қидирув ёки фойдаланиш конденцияларига мувофиқ эмаслиги туфайли (нефть, нефть-газ, нефть-газ конденсатлари, газ конденсатлари, газ ва битум конлари учун — Фойдали қазилмалар захиралари бўйича давлат комиссияси томонидан янгидан тасдиқланган тегишли фойдали қазилмаларни ер остидан қазиб олиш коэффициентига мувофиқ эмаслиги туфайли);

айрим участкаларда аниқланган кон-геология, гидрогеология, муҳандислик-геология, экологик мураккабликлар ва бошқа табиий шарт-шароитлар оқибатида захираларга техник-иқтисодий сабаблар бўйича ишлов беришнинг мақсадга мувофиқ эмаслиги туфайли;

агар фойдали қазилмаларни қазиб олишда уларнинг сақланиши таъминланиши мумкин бўлмаса, аҳоли ҳаётига ва соғлигига ёки объектларга зарар етказилиши учун

хавф туғдирса, уларни бузиб ташлаш ёки кон ишлари таъсири доираси чегарасидан ташқарисига кўчириш мумкин бўлмаса ёки бу иқтисодий жиҳатдан мақсадга мувофиқ бўлмаса, захираларни саноат иншоотлари, турар жойлар ва жамоат бинолари, тарих ва маданият ёдгорликлари, табиий объектлар учун сақлаш устунлари сифатида қолдириш туфайли;

б) фойдали қазилмаларнинг миқдори, сифати ва жойлашиш шарт-шароитлари тўғрисида янги маълумотлар олиниши натижасида захираларнинг кейинчалик геология-қидирув ишлари чоғида ва (ёки) фойдали қазилмалар конларини ишлатишда тасдиқланмаслиги туфайли ер ости бойликларидан фойдаланувчилар балансидан чиқарилиши мумкин.

5. Фойдали қазилмаларни кавлаб олувчи корхоналар қурилишини лойиҳалаштириш, реконструкция қилиш, кенгайтириш ва консервация қилишда балансдаги захиралар балансдан ташқари захираларга ўтказилмайди.

6. Фойдали қазилмаларни кавлаб олувчи корхоналарни консервация қилишда фойдали қазилмалар захиралари ҳисобдан чиқарилмайди.

7. Фойдали қазилмаларни кавлаб олувчи корхоналар қурилишини лойиҳалаштириш, реконструкция қилиш, кенгайтиришда ер ости бойликларидан фойдаланувчи балансидан чиқарилиши керак бўлган фойдали қазилмалар ушбу Низомнинг 4-банди «а» ва «б» кичик бандларида баён қилинган асослар бўйича фойдали қазилмалар конларини ишлатиш жараёнида улар қидирув, тайёргарлик кўриш ёки тозалаш ишларида қисман ёки тўлиқ контурланишига қараб белгиланган тартибда ҳисобдан чиқарилади.

+

III. Ер ости бойликларидан фойдаланувчилар томонидан Фойдали қазилмалар захиралари бўйича давлат комиссиясига бериладиган фойдали қазилмалар захираларини ҳисобдан чиқариш учун зарур бўлган ҳужжатлар

—

8. Саноат учун аҳамиятини йўқотган ёки кейинчалик ўтказилган геология-қидирув ишларида ёхуд конни ишга солишда тасдиқланмаган фойдали қазилма захираларини ер ости бойликларидан фойдаланувчининг балансидан чиқариш учун ер ости бойликларидан фойдаланувчи Фойдали қазилмалар захиралари бўйича давлат комиссиясига тушунтириш хати тақдим этади. Тушунтириш хатида қуйидагилар бўлиши керак:

а) Фойдали қазилмалар захираларининг мўлжалланган ҳисобдан чиқарилишини Фойдали қазилмалар захиралари бўйича давлат комиссияси томонидан тасдиқланган контурларда ва геология ва маркшейдерлик ҳужжатлари маълумотларини тезкор ҳисобга олиш, захираларни синаб кўриш ва қайта ҳисоблаш контурларида алоҳида асослаш;

б) ушбу Низомнинг 4-банди «а» кичик бандида кўрсатилган сабаблар бўйича саноат аҳамиятини йўқотган фойдали қазилмалар захираларини ҳисобдан чиқаришда, — тегишли техник-иқтисодий ҳисоб-китоблар;

в) ишлатилаётган кон тўғрисидаги қисқа маълумотлар (ишлатиш тизими, фойдали қазилмаларни кавлаб олишда нобуд бўлиш ва яроқсиз ҳолга келиш кўрсаткичлари, нефть, газ, конденсат ва бошқаларни қазиб олиш коэффициентлари);

г) чизмалар ва бошқа иловалар:

фойдали қазилмалар захиралари улар бўйича ҳисобдан чиқариладиган участкалар, руда жисмлари (ҳисобланган блоклар) жойлашиш схемаси, проекциялар, горизонт бўйича натижалар, қидирув ва ишлатиб синаб кўриш маълумотлари ҳамда

Фойдали қазилмалар захиралари бўйича давлат комиссияси томонидан тасдиқланган фойдали қазилмалар захиралари контурлари, шунингдек ишлатиб қидириш натижалари бўйича ҳисоблаб чиқилган захиралар контурлари билан бирга разрезлар (саёз конлар);

кон ажратмаси нусхаси;

конни қидирган (баҳолаган) корхонанинг хулосаси;

Ўзбекистон Республикаси Давлат табиатни муҳофаза қилиш қўмитасининг хулосаси (экологик сабаблар бўйича саноат аҳамиятини йўқотган захиралар ҳисобдан чиқарилган тақдирда);

ер ости бойликлари участкасидан фойдаланишда бузилган ерлар қайта тикланганлигини тасдиқлайдиган маҳаллий ижро этувчи ҳокимият органининг хулосаси ва маълумотномаси;

д) ушбу Низомга иловага мувофиқ шакл бўйича «Саноатконтехназорат» давлат инспекцияси билан келишилган фойдали қазилмалар захираларини ер ости бойликларидан фойдаланувчи балансидан чиқариш тўғрисидаги хулоса ва тақлиф.

9. Зарурат бўлган тақдирда Фойдали қазилмалар захиралари бўйича давлат комиссияси ер ости бойликларидан фойдаланувчидан ушбу Низомнинг 8-бандида назарда тутилмаган бошқа материаллар тақдим этилишини талаб қилиши мумкин.

10. Тақдим этилган материалларни Фойдали қазилмалар захиралари бўйича давлат комиссиясида кўриб чиқиш ер ости бойликларидан фойдаланувчи билан Ўзбекистон Республикаси Давлат геология ва минерал ресурслар қўмитаси ўртасида тузиладиган шартнома асосида амалга оширилади.

Материалларни кўриб чиқиш муддати ер ости бойликларидан фойдаланувчи билан тузилган шартномада белгиланади, бироқ ушбу муддат 3 ойдан ортиқ бўлмаслиги керак.

Шартнома бўйича тўланиши керак бўлган сумма фойдали қазилмаларнинг тўлигига ва коннинг (участканинг) геологик тузилиши мураккаблигига қараб:

а) кенг тарқалган фойдали қазилмалар конлари бўйича — энг кам ойлик иш ҳақининг 20 бараваригача;

б) норуда фойдали қазилмалар конлари ва ер ости сувлари бўйича — энг кам ойлик иш ҳақининг 50 бараваригача;

в) рудали фойдали қазилмалар ва углеводородлар конлари бўйича — энг кам ойлик иш ҳақининг 70 бараваригача миқдорни ташкил этиши мумкин.

IV. Фойдали қазилмалар захираларини ер ости бойликларидан фойдаланувчи ҳисобдан чиқариш тартиби

11. Саноат учун аҳамиятини йўқотган фойдали қазилмалар захираларини ер ости бойликларидан фойдаланувчи балансидан чиқариш қўйидаги тартибда амалга оширилади:

а) Фойдали қазилмалар захиралари бўйича давлат комиссияси томонидан янгидан тасдиқланган (нефть, нефть-газ, газ конденсати, нефть-газ конденсати, газ ва битум конлари учун — қазиб олиш коэффициенти ўзгариши туфайли) кондицияларга мувофиқ бўлмаган, шунингдек фойдали қазилмалар захираларининг қайта тасдиқланиши натижасида балансдаги ва (ёки) балансдан ташқари тоифасидан чиқарилган фойдали қазилмалар захираларини ҳисобдан чиқариш белгиланган тартибда амалга оширилади;

б) кон-геологик, гидрогеологик, муҳандислик-геологик, экологик ва бошқа табиий шароитларнинг аниқланган жиддий ўзгариши оқибатидаги техник-иқтисодий

сабабларга кўра қазиб олиниши мақсадга мувофиқ бўлмаган фойдали қазилмалар захиралари ер ости бойликларидан фойдаланувчи балансидан чиқариш тасдиқланган техник-иқтисодий хулоса ҳамда Давлат табиатни муҳофаза қилиш қўмитасининг ва «Саноатконтехназорат» давлат инспекциясининг хулосалари асосида амалга оширилади;

в) фойдали қазилмалар жойлашган майдонлардаги қурилишлар муносабати билан саноат иншоотлари, уй-жойлар ва жамоат бинолари, тарих ва маданият ёд-горликлари, сув ҳавзалари ҳамда бошқа табиий объектлар учун муҳофаза мақсадида қолдирилган кон захиралари Давлат табиатни муҳофаза қилиш қўмитаси билан биргаликда «Саноатконтехназорат» давлат инспекцияси ҳамда Ўзбекистон Республикаси Давлат геология ва минерал ресурслар қўмитаси томонидан бериладиган, Ўзбекистон Республикаси «Давархитектқурилиш» қўмитаси билан келишилган хулоса асосида ҳисобдан чиқарилади.

12. Саноат учун аҳамиятини йўқотган фойдали қазилмаларнинг балансдаги захираларини ер соти бойликларидан фойдаланувчи балансидан чиқариш уларни балансдан ташқари захираларга ўтказишнинг мақсадга мувофиқ эмаслиги тўғрисида белгиланган тартибда тасдиқланган техник-иқтисодий асослаш мавжуд бўлган тақдирда амалга оширилади.

13. Фойдали қазилмалар захираларини техник-иқтисодий сабабларга кўра ер ости бойликларидан фойдаланувчи балансидан чиқаришнинг мақсадга мувофиқлиги тўғрисидаги техник-иқтисодий асослашда, захираларни очиш ва тайёрлашнинг энг оқилона усуллари, минерал хом ашёни қазиб олиш ва қайта ишлашнинг илғор технологиясини қўлланишни ҳисобга олган ҳолда, ушбу захираларни қазиб олишнинг аниқ конларга нисбатан татбиқ этиш мумкин бўлган бир нечта вариантлари кўриб чиқилиши керак.

14. Фойдали қазилмаларнинг тасдиқланмаган захиралари ер ости бойликларидан фойдаланувчи балансидан чиқариш умуман ишлов берилган кон бўйича ёки унинг участкалари бўйича, шунингдек захираларни тасдиқлашда Фойдали қазилмалар захиралари бўйича давлат комиссияси томонидан қабул қилинган, тўлиқ ишланган ёки уларнинг контурида етарли ҳажмда фойдаланиш учун ҳисоблаб чиқилган блоклар бўйича амалга оширилади.

15. Кейинги геологик-қидирув ишларида ёки конни қазиб олишда тасдиқланмаган фойдали қазилмаларнинг балансдаги ва (ёки) балансдан ташқари захираларини ер ости бойликларидан фойдаланувчи балансидан чиқариш «Саноатконтехназорат» давлат инспекциясининг хулосаси ва, зарур ҳолларда эса, конни қидириш (баҳолаш)ни ўтказган корхонанинг хулосаси мавжуд бўлган тақдирда амалга оширилади.

16. Фойдали қазилмалар захираларини ҳисобдан чиқариш конни қазиб олиш жараёнида ёки геология-қидирув ишлари натижалари бўйича олинган фойдали қазилмалар жисмлари миқдори, фойдали қазилмаларнинг жойлашиш шароитлари ва сифати тўғрисидаги янги маълумотлар, нефть, газ, нефтдаги газ ва конденсат аралашмасининг қазиб олинган захиралари бўйича эса — нефть, газ, нефтдаги газ ва конденсат аралашмасини қазиб олишнинг камайиб боровчи коэффициенти миқдорини кўриб чиқишнинг техник-иқтисодий асосланган янги маълумотлари асосида амалга оширилади.

17. Фойдали қазилмалар захиралари бўйича давлат комиссияси томонидан тасдиқланган қўшимча фойдали компонентларни, шу жумладан тарқоқ элементларни ер ости бойликларидан фойдаланувчи балансидан чиқариш асосий фойдали қазилмалар захираларини ҳисобдан чиқариш билан бир вақтда амалга оширилади.

18. Фойдали қазилмалар захираларининг тасдиқланмаган захираларини ҳисобдан чиқаришда ер ости бойликларидан фойдаланувчи томонидан Фойдали қазилмалар захиралари бўйича давлат комиссияси тасдиқлаган захиралар контурлари доирасида конни қидириш ва қазиб олиш маълумотлари қиёсланиши керак. Қиёслаш кон жисмлари (қатламлари), ҳисобланган захиралар блоклари, тоифалари бўйича алоҳида-алоҳида амалга оширилиши керак. Қиёслаш асосида, конни қидириб топган (баҳолаган) корхона билан биргаликда фойдали қазилмалар захираларининг тасдиқланмаганлиги сабаблари таҳлил қилинади.

19. Фойдали қазилмалар балансдаги захираларининг ҳисобдан чиқарилганлари ва (ёки) ҳисобдан чиқаришга мўлжалланаётганларининг умумий миқдори тасдиқланган захираларнинг (нефть ва газ, шу жумладан уларнинг қазиб олинadигани учун) 20 фоизидан ортиқ бўлган ҳолларда умуман кон бўйича захиралар белгиланган тартибда қайта ҳисоблаб чиқилади ва қайта тасдиқланади.

20. Фойдали қазилмалар захиралари бўйича давлат комиссиясининг фойдали қазилмалар захираларини ер ости бойликларидан фойдаланувчи балансдан чиқариш тўғрисидаги қарори протокол билан расмийлаштирилади, унинг нусхалари экспертиза материаллари билан бирга икки ҳафта муддатда ер ости бойликларидан фойдаланувчига ҳамда Ўзбекистон Республикаси Давлат геология ва минерал ресурслар қўмитасига юборилади.

21. Фойдали қазилмалар захиралари бўйича давлат комиссиясининг фойдали қазилмалар захираларини ер ости бойликларидан фойдаланувчи балансдан чиқариш тўғрисидаги протоколи Фойдали қазилмалар захираларининг давлат балансига белгиланган тартибда зарур тузатишлар киритиш учун асос ҳисобланади.

22. Фойдали қазилмалар захираларини ҳисобдан чиқариш ер ости бойликларидан фойдаланувчи томонидан давлат статистика ҳисоботида акс эттирилади.

23. Участкаларга ёндашиш учун хизмат қиладиган, захиралари саноат учун аҳамиятини йўқотган ёхуд кейинги геология-қидирув ишларида ёки конни қазиб олишда тасдиқланмаган захиралар сифатида ер ости бойликларидан фойдаланувчи захирасидан чиқаришга мўлжалланган кон ишлари ўрни фақат кўрсатиб ўтилган захиралар ҳисобдан чиқарилгандан ва қазиб олинadиган бирликлар қайта ишлангандан кейин қопланади.

Саноат учун аҳамиятини йўқотган ёки
кейинчалик ўтказилган геология-қидирув
ишларида ёхуд конни ишга солишда
тасдиқланмаган фойдали қазилма захирала-
рини ер ости бойликларидан фойдаланув-
чининг ҳисобидан чиқариш тартиби тўғри-
сидаги низомга
илова

КИРИТИЛГАН:

КЕЛИШИЛГАН:

корхона раҳбари

«Саноатконтехназорат» давлат
инспекцияси бошлиғи

200_ йил «___» _____

200_ йил «___» _____

_____ томонидан ишлатилаётган

(конни ишлатаётган корхонанинг номи)

бўйича _____

(коннинг номи)

(фойдали қазилманинг номи)

**фойдали қазилма захираларини ер ости бойликларидан
фойдаланувчининг ҳисобидан чиқариш тўғрисида
ТАКЛИФИ**

+

Биз, қуйида имзо қўйганлар, _____нинг

(корхонанинг номи)

раҳбари _____, бош (катта) геолог _____,

(Ф.И.О.)

(Ф.И.О.)

бош (катта) маркшейдер _____

(Ф.И.О.)

(фойдали қазилмалар

_____ конининг ва ундаги мавжуд қўшимча фойдали компонентларнинг номи,

_____ бўйича

_____ ҳар қайси компонентнинг миқдори алоҳида кўрсатилади)

балансдаги (балансдан ташқари) захираларни қуйидаги сабабларга кўра _____

_____нинг

(ташкilotнинг номи)

балансидан чиқариш тўғрисидаги ушбу Таклифни туздик.

_____нинг балансдан

(фойдали қазилманинг номи)

чиқарилаётган (балансдан ташқари захираларга ўтказилаётган) захиралари _____

(участка, горизонт, блок, дўнглик ва захиралар жойлашган жойни аниқловчи

_____ бўйича ҳисоблаб чиқилган.

(бошқа маълумотлар номи)

Балансдан чиқаришгача балансдаги (қазиб олинаётган), балансдан ташқари
захиралар _____ кв. метр майдонда жойлашганди, _____ метр ўртача нормал қалин-
ликка, _____ т/куб.м (г/куб.см) ҳажмли массага, _____

(%, г/т, г/куб. ва х. к.)

қўшимча фойдали компонентларга эга эди ва _____

(фойдали қазилма ва қўшимча фойдали

_____ ни ташкил қилади.

(компонентлар миқдори)

Ҳисобдан чиқарилгандан кейин амалда қолган балансдаги (қазиб олинаётган), балансдан ташқари захиралар _____ кв. метр майдонда жойлашганди, _____ метр ўртача нормал қалинликка, _____ т/куб.м (г/куб.см) ҳажмли массага, _____ қўшимча фойдали компонентларга эга ва улар _____

(%, г/т, г/куб. ва х.к.)

(фойдали

_____ ни ташкил қилади.

қазилма ва компонентлар миқдори)

(Кон бўйича фойдали қазилмадан фойдаланувчи балансдан чиқариладиган ва чиқариб бўлинган захиралар миқдори

(умуман кон бўйича тасдиқланган захираларга нисбатан %ларда)

_____ ни ташкил қилади.

Корхонанинг бош (катта) геологи Ф.И.О. имзо сана

Бош (катта) маркшейдер Ф.И.О. имзо сана

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

469 «ЎЗМЕД-лизинг» очик акциядорлик жамияти ихтисослаштирилган лизинг компаниясини ташкил этиш тўғрисида

Ўзбекистон Республикаси Президентининг «Республика тиббиёт муассасалари фаолиятини ташкил этишни такомиллаштириш чора-тадбирлари тўғрисида» 2007 йил 2 октябрдаги ПК-700-сон қарорига мувофиқ, шунингдек тиббиёт муассасаларини замонавий тиббиёт асбоб-ускуналари билан жиҳозлаш, Ўзбекистон Республикасининг соғлиқни сақлаш тизимида лизинг муносабатларини ривожлантириш мақсадида Вазирлар Маҳкамаси **қарор қилади:**

1. Ўзбекистон Республикаси Молия вазирлиги, Соғлиқни сақлаш вазирлиги, Давлат мулки қўмитаси, Ўзбекистон Республикаси Ташқи иқтисодий фаолият миллий банки, «Асака» банки, «Пахта-банк», «Ўзсаноатқурилишбанк», Ипотека-банкнинг бошланғич устав фонди 1,5 млрд сўм миқдорида бўлган ва муассислар ўртасида 1-иловага мувофиқ тақсимланадиган очик акциядорлик жамияти шаклидаги «ЎЗМЕД-лизинг» ихтисослаштирилган лизинг компаниясини ташкил этиш тўғрисидаги таклифига розилик берилсин.

2. Қуйидагилар «ЎЗМЕД-лизинг» очик акциядорлик жамияти ихтисослаштирилган лизинг компанияси фаолиятининг асосий йўналишлари эканлиги маълумот учун қабул қилинсин:

Ўзбекистон Республикаси қонун ҳужжатлари тўплами, 2007 й.

ўз маблағлари ҳисобига, шунингдек мамлакатимиз ва чет эл банклари кредитлари ва қарзларини жалб этиш йўли билан замонавий юқори технологияли тиббиёт асбоб-ускуналари, улар учун эҳтиёт қисмлар, анжомлар ва махсус транспорт (кейинги ўринларда «тиббиёт асбоб-ускуналари» деб юритилади) харид қилиш;

тиббиёт асбоб-ускуналарини шартнома асосида лизингга ва узоқ муддатли ижарага бериш, шунингдек уларни тиббиёт муассасаларига сотиш.

3. «ЎзМЕД-лизинг» очик акциядорлик жамияти ихтисослаштирилган лизинг компаниясининг ходимларининг чекланган умумий сони 17 нафар, шу жумладан бошқарув ходимлари сони 15 нафар бўлган бошқарув тузилмаси 2-иловага мувофиқ маъқуллансин.

4. Ўзбекистон Республикаси Давлат мулки қўмитаси бошқа муассислар билан биргаликда бир ой муддатда «ЎзМЕД-лизинг» очик акциядорлик жамиятининг таъсис йиғилишини ўтказсин ва лизинг компаниясининг таъсис ҳужжатлари белгиланган тартибда тасдиқланишини, шунингдек компаниянинг давлат рўйхатига олинишини таъминласин.

5. Тошкент шаҳар ҳокимлиги бир ой муддатда «ЎзМЕД-лизинг» очик акциядорлик жамияти ихтисослаштирилган лизинг компаниясини жойлаштириш учун белгиланган тартибда бино ажратсин.

6. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосарлари Р.С. Қосимов ва Р.С. Азимов зиммасига юклансин.

**Ўзбекистон Республикасининг
Бош вазир**

Ш.МИРЗИЁЕВ

Тошкент ш.,
2007 йил 13 ноябрь,
236-сон

Вазирлар Маҳкамасининг
2007 йил 13 ноябрдаги 236-сон қарорига
1-ИЛОВА

**«ЎзМЕД-лизинг» очик акциядорлик жамияти
ихтисослаштирилган лизинг компанияси устав фондининг
таркиби**

Муассислар	Устав фондидаги улуши	
	фоизларда	суммаси (млн сўм)
Ўзбекистон Республикаси Давлат мулки қўмитаси*	13	200,0
«Ўзмилийбанк»	20	300,0
«Пахта-банк»	13	200,0
«Асака» банки	20	300,0
«Ўзсаноатқурилишбанк»	17	250,0
Ипотека-банк	17	250,0
Жами:	100	1 500,0

* Давлат мулкани давлат тасарруфидан чиқариш ва хусусийлаштиришдан тушадиган умумий маблағлар ҳисобига.

Ўзбекистон Республикаси қонун ҳужжатлари тўплами, 2007 й.

Вазирлар Маҳкамасининг
2007 йил 13 ноябрдаги 236-сон қарорига
2-ИЛОВА

**«ЎзМЕД-лизинг» очик акциядорлик жамияти
ихтисослаштирилган лизинг компаниясининг бошқарув
тузилмаси**



Компания ходимларининг чекланган умумий сони 17 киши, шу жумладан маъмурий-бошқарув ходимлари — 15 киши.

Изоҳ. Компаниянинг Кузатувчи кенгаши лизинг операциялари ҳажми ва сони ўзгарган тақдирда унинг тузилмасига ва ходимларнинг чекланган сонига ўзгартириш киритиш ҳуқуқига эга.

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ
ҚАРОРИ

470 Ўзбекистон Республикаси Вазирлар Маҳкамасининг «Меҳнатга ҳақ тўлашнинг ягона тариф сеткасини янада такомиллаштириш тўғрисида» 2006 йил 26 октябрдаги 218-сон қарорига ўзгартириш киритиш ҳақида (Ўзбекистон Республикаси Президентининг «Иш ҳақи, пенсиялар, стипендиялар ва ижтимоий нафақалар миқдорини ошириш тўғрисида» 2007 йил 23 октябрдаги ПФ-3931-сон Фармони)

Ўзбекистон Республикаси Президентининг «Иш ҳақи, пенсиялар, стипендиялар ва ижтимоий нафақалар миқдорини ошириш тўғрисида» 2007 йил 23 октябрдаги ПФ-3931-сон Фармонига мувофиқ Вазирлар Маҳкамаси **қарор қилади:**

Вазирлар Маҳкамасининг «Меҳнатга ҳақ тўлашнинг ягона тариф сеткасини янада такомиллаштириш тўғрисида» 2006 йил 26 октябрдаги 218-сон қарорининг 1-бандидаги «15525» рақами «18630» рақами билан алмаштирилсин.

Ўзбекистон Республикасининг
Бош вазири

Ш.МИРЗИЁЕВ

Тошкент ш.,
2007 йил 19 ноябрь,
239-сон

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ
ҚАРОРИ

471 Ахборотнинг криптографик ҳимоя воситаларини лойиҳалаштириш, тайёрлаш, ишлаб чиқариш, реализация қилиш, таъмирлаш ва улардан фойдаланиш фаолиятини лицензиялаш тўғрисидаги низомни тасдиқлаш ҳақида

«Ўзбекистон Республикаси Олий Мажлисининг 2001 йил 12 майда қабул қилинган «Амалга оширилиши учун лицензиялар талаб қилинадиган фаолият турларининг рўйхати тўғрисида»ги 222-II-сонли Қарорининг 1-иловасига ўзгартириш ва қўшимчалар киритиш ҳақида» Ўзбекистон Республикасининг ЎРҚ-102-сон Қонунига ҳамда Ўзбекистон Республикаси Президентининг «Ўзбекистон Республикасида ахборотнинг криптографик ҳимоясини ташкил этиш чора-тадбирлари тўғрисида» 2007 йил 3 апрелдаги ПҚ-614-сон қарорига мувофиқ Вазирлар Маҳкамаси **қарор қилади:**

1. Ахборотнинг криптографик ҳимоя воситаларини лойиҳалаштириш, тайёрлаш,

ишлаб чиқариш, реализация қилиш, таъмирлаш ва улардан фойдаланиш фаолиятини лицензиялаш тўғрисидаги низом иловага мувофиқ тасдиқлансин.

2. Вазирлар Маҳкамасининг «Фаолиятнинг айрим турларини лицензиялаш тўғрисида»ги Ўзбекистон Республикаси Қонунини амалга ошириш чора-тадбирлари ҳақида» 2002 йил 28 июндаги 236-сон қарорига 1-иловага қўйидаги ўзгартириш ва қўшимчалар киритилсин:

«Ўзбекистон Республикаси Вазирлар Маҳкамаси» бўлимининг еттинчи хатбоши чиқариб ташлансин;

«Ўзбекистон Республикаси Марказий банки» бўлиmidан кейин қўйидаги мазмундаги бўлим қўшилсин:

«Ўзбекистон Республикаси Миллий хавфсизлик хизмати

Ахборотнинг криптографик ҳимоя воситаларини лойиҳалаштириш, тайёрлаш, ишлаб чиқариш, реализация қилиш, таъмирлаш ва улардан фойдаланиш».

3. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари А.Н. Арипов ва Миллий хавфсизлик хизмати раиси Р.Р. Иноятов зиммасига юклансин.

**Ўзбекистон Республикасининг
Бош вазири**

Ш.МИРЗИЁЕВ

Тошкент ш.,
2007 йил 21 ноябрь,
242-сон

Вазирлар Маҳкамасининг
2007 йил 21 ноябрдаги 242-сон қарорига
ИЛОВА

**Ахборотнинг криптографик ҳимоя воситаларини
лойиҳалаштириш, тайёрлаш, ишлаб чиқариш, реализация
қилиш, таъмирлаш ва улардан фойдаланиш фаолиятини
лицензиялаш тўғрисида
НИЗОМ**

I. Умумий қоидалар

1. Мазкур Низом ахборотнинг криптографик ҳимоя воситаларини лойиҳалаштириш, тайёрлаш, ишлаб чиқариш, реализация қилиш, таъмирлаш ва улардан фойдаланиш фаолиятини лицензиялаш тартибини белгилайди.

2. Ахборотнинг криптографик ҳимояси соҳасидаги фаолиятни лицензиялаш Ўзбекистон Республикаси Миллий хавфсизлик хизмати (кейинги ўринларда лицензияловчи орган деб аталади) томонидан амалга оширилади.

3. Ахборотнинг криптографик ҳимоя воситаларини лойиҳалаштириш, тайёрлаш, ишлаб чиқариш, реализация қилиш, таъмирлаш ва улардан фойдаланиш фаолияти юридик ва жисмоний шахслар томонидан амалга оширилади.

4. Қўйидагиларнинг:

давлат сири бўлган маълумотларга эга бўлган ахборотнинг;

эгаси давлат ташкилотлари бўлган махфий ахборотнинг;

идоравий мансублигидан ва мулкчилик шаклидан қатъи назар, ташкилотлар

томонидан давлат ташкилотлари учун товарлар етказиб беришда ва хизматлар кўрсатишда улардаги махфий ахборотнинг криптографик ҳимоя воситаларини лойиҳалаштириш, тайёрлаш, ишлаб чиқариш, реализация қилиш, таъмирлаш ва улардан фойдаланиш фаолияти лицензияланади.

5. Электрон ҳужжатда электрон рақамли имзо яратилишини ва электрон рақамли имзонинг ҳақиқийлиги тасдиқланишини таъминлайдиган электрон рақамли имзо воситалари қисмини қўлланиш билан боғлиқ бўлган фаолият лицензияланмайди.

6. Лицензия фаолиятнинг ҳар бир тури учун алоҳида берилади. Лицензия талабгорининг аризасига мувофиқ лицензия фаолият турининг бир қисмига (қисмларига) берилиши мумкин.

7. Лицензия беш йилдан кам бўлмаган муддатга берилади. Талабгорнинг аризасига кўра лицензия беш йилдан кам бўлган муддатга берилиши мумкин. Лицензиянинг амал қилиш муддати лицензия берилган кундан ҳисобланади.

II. Лицензия талаблари ва шартлари

8. Ахборотнинг криптографик ҳимоя воситаларини лойиҳалаштириш, тайёрлаш, ишлаб чиқариш, реализация қилиш, таъмирлаш ва улардан фойдаланиш фаолиятини амалга оширишда лицензия талаблари ва шартларига қуйидагилар киради:

лицензиат томонидан ахборотнинг криптографик ҳимояси соҳасидаги қонун ҳужжатларига мажбурий риоя қилиш;

лицензияланадиган фаолиятнинг аризада кўрсатилган тури бўйича ахборотнинг криптографик ҳимояси соҳасидаги фаолиятни тартибга солувчи техник ва методик ҳужжатларнинг, шу жумладан ички низомлар, йўриқномалар, методикаларнинг мавжуд бўлиши;

ахборотнинг криптографик ҳимоя воситаларини тайёрлаш ва ишлаб чиқаришда Ўзбекистон Республикаси давлат стандартлари ҳисобланадиган криптографик алгоритмларни ёхуд ахборотнинг криптографик ҳимоя воситалари соҳасидаги ваколатли орган томонидан тавсия қилинадиган стандартларни қўлланиш;

мувофиқлик сертификатига эга бўлган ахборотларни криптографик ҳимоя қилиш воситаларидан, шунингдек ахборотларни криптографик ҳимоя қилиш соҳасидаги ваколатли орган билан келишилган ҳолда фойдаланиладиган криптоотизимлардан фойдаланиш;

давлат сирларига тегишли деб топилган маълумотларга эга бўлган ахборотни, шунингдек ҳимоя қилиниши қонун ҳужжатларида белгиланган бошқа ахборотни криптографик ҳимоя қилиш соҳасидаги фаолиятни амалга оширишда давлат сирларидан фойдаланиш учун қонун ҳужжатларида белгиланган тартибда расмийлаштирилган рухсатномага эга бўлган мутахассисларнинг лицензия талабгорида мавжуд бўлиши;

буюмларни тайёрлаш, ишлаб чиқариш ва реализация қилишнинг боришини, уларнинг техник ва техник-иқтисодий тавсифномаларини, лицензияга мувофиқ амалга оширилган тадбирлар ҳамда кўрсатилган хизматлар сони ва сифатини акс эттирувчи ўз фаолияти тўғрисидаги маълумотларни белгиланган шаклда лицензияловчи органга тақдим этиш;

давлат сирига тегишли деб топилган маълумотларни, ҳимоя қилиниши зарурлиги қонун ҳужжатларида белгиланган бошқа ахборотни, амалий фаолияти давомида ишонилган тижорат сирларини ошкор қилмаслик;

юридик шахс учун — лицензия талабгорининг доимий штатида ахборотни ҳимоя

қилиш соҳасида махсус тайёргарликка ва камида уч йил иш стажига эга бўлган камида икки нафар мутахассиснинг мавжуд бўлиши, шунингдек талаб қилинадиган мутахассислар бўлмаган тақдирда айрим иш турларини бажариш учун мутахассисларни жалб этиш бўйича тегишли шартноманинг мавжуд бўлиши;

жисмоний шахс учун — бажариладиган ишлар (хизматлар) талабларига ва характерига мувофиқ бўлган олий маълумотнинг, махсус тайёргарлиكنинг, шунингдек фаолиятнинг лицензияланаётган тури бўйича иш тажрибасининг мавжуд бўлиши;

мутахассислар учун ҳуқуқларни, функционал вазифаларни, махфийлик режими бўйича талабларни белгиловчи ички қоидаларнинг мавжуд бўлиши;

мутахассисларнинг ҳар икки йилда камида бир марта малака оширишдан ўтиши;

мутахассисларнинг лицензияловчи органда аттестациядан ўтган бўлиши. Аттестациядан ўтиш тартиби ва муддатлари лицензияловчи орган томонидан қонун ҳужжатларига мувофиқ белгиланади;

тайёрланаётган ва ишлаб чиқарилаётган ахборотнинг криптографик ҳимоя воситаларида турли даражалардаги протоколларнинг амалга оширилишини назарда тутувчи, ахборотнинг криптографик ҳимоя воситалари маълумотларини, шунингдек улар негизида қурилган ахборот-коммуникация тизимларини умумий фойдаланиладиган тармоққа ва тизимга киритиш имконини берувчи техник ва технологик ечимларни қўлланиш;

лицензияланаётган фаолиятнинг аризада кўрсатилган тури бўйича барча зарур ишларни амалга ошириш учун бинолар ва ишлаб чиқариш қувватларининг, шу жумладан ахборотни техник ҳимоя қилиш соҳасидаги норматив ҳужжатлар ва стандартлар талабларига мувофиқ бўлган ахборотлаштириш бинолари ва (ёки) объектларининг мавжуд бўлиши;

норматив ҳужжатлар талабларига мувофиқ иш юритишни ва объектнинг ички режимини амалга ошириш;

норматив талабларга мувофиқ бўлган техник ўлчаш ва назорат қилиш воситаларининг, инструментлар ва приборларнинг мавжуд бўлиши.

III. Лицензия олиш учун зарур бўлган ҳужжатлар

9. Лицензия олиш учун лицензия талабгори лицензияловчи органга қуйидаги ҳужжатларни тақдим этади:

лицензия бериш тўғрисида ариза, унда қуйидагилар кўрсатилади: юридик шахс учун — юридик шахснинг номи ва ташкилий-ҳуқуқий шакли, унинг жойлашган жойи (почта манзили), банк муассасасининг номи ва банк муассасасидаги ҳисоб рақами; жисмоний шахс учун — фамилияси, исми, отасининг исми, фуқаронинг шахсини тасдиқловчи ҳужжат маълумотлари; талабгор амалга оширишни мўлжаллаётган фаолиятнинг лицензияладиган тури (унинг қисми) ҳамда фаолиятнинг кўрсатиб ўтилган тури амалга ошириладиган муддат;

юридик шахснинг давлат рўйхатидан ўтказилганлиги тўғрисидаги гувоҳнома-нинг нотариал тасдиқланган нусхаси — юридик шахслар учун; якка тартибдаги тадбиркорнинг давлат рўйхатидан ўтказилганлиги тўғрисидаги гувоҳноманинг нотариал тасдиқланган нусхаси — жисмоний шахслар учун;

лицензия талабгори томонидан ариза кўриб чиқилганлиги учун йиғим тўланганлигини тасдиқловчи ҳужжат;

лицензияладиган фаолиятнинг аризада кўрсатилган тури бўйича барча зарур

ишларни амалга ошириш учун бино ва ишлаб чиқариш қувватлари мавжудлиги тўғрисидаги маълумотлар;

мутахассисларнинг маълумоти бўйича мутахассислиги, эгаллаб турган лавозими, лицензияланадиган фаолият бўйича иш стажы кўрсатилган ҳолда лицензияланадиган фаолият бўйича ишларни бевосита амалга оширадиган мутахассислар тўғрисидаги маълумотлар;

давлат сирларига тегишли деб топилган маълумотлар билан ходимларнинг таниша олишини тасдиқлайдиган ҳужжатлар (ишларнинг тегишли турини амалга оширишда).

10. Лицензия талабгоридан мазкур Низомда назарда тутилмаган ҳужжатларнинг тақдим этилишини талаб қилишга йўл қўйилмайди.

11. Ҳужжатлар лицензия талабгори томонидан лицензияловчи органга бевосита ёхуд олинганлиги тўғрисидаги билдиришнома билан почта алоқаси воситаси орқали етказиб берилади.

12. Лицензия олиш учун лицензияловчи органга юборилган ҳужжатлар масъул шахс томонидан рўйхат бўйича қабул қилинади, рўйхатнинг нусхаси кўрсатиб ўтилган орган томонидан ҳужжатлар қабул қилиб олинган сана тўғрисида белги қўйилган ҳолда ариза берувчига юборилади (топширилади).

13. Нотўғри ёки бузилган маълумотлар тақдим этилганлиги учун лицензия талабгори қонун ҳужжатларига мувофиқ жавоб беради.

IV. Аризаларни кўриб чиқиш ва лицензия бериш ёки лицензия беришни рад этиш тўғрисида қарор қабул қилиш

14. Лицензия бериш тўғрисидаги ариза лицензияловчи орган томонидан кўриб чиқилганлиги учун қонун ҳужжатларида белгиланган энг кам ойлик иш ҳақининг беш баравари миқдорида йиғим ундирилади. Йиғим суммаси лицензияловчи органнинг ҳисоб рақамига ўтказилади. Лицензия талабгори берилган аризадан воз кечган ёки лицензияловчи орган лицензия беришни рад этган тақдирда тўланган йиғим қайтарилмайди.

Ахборотнинг криптографик химоя воситаларини лойиҳалаштириш, тайёрлаш, ишлаб чиқариш, реализация қилиш, таъмирлаш ва улардан фойдаланиш бўйича фаолиятни лицензиялаш ушбу Низомга иловада келтирилган схемага мувофиқ амалга оширилади.

15. Лицензияловчи орган лицензия бериш ёки лицензия беришни рад этиш тўғрисидаги қарорни ариза олинган кундан бошлаб ўттиз кундан ортиқ бўлмаган муддатда қабул қилади.

Лицензияловчи орган қарор қабул қилиш учун зарурият бўлса ўз маблағлари ҳисобига:

жойнинг ўзига бориб фаолиятнинг лицензияланадиган турини амалга ошириш учун талаб қилинадиган шарт-шароитлар талабгорда мавжуд эканлигини баҳолаш; тегишли хулосаларни тайёрлаш учун экспертларни шартнома асосида жалб этиш ҳуқуқига эга.

16. Лицензияловчи орган тегишли қарор қабул қилингандан кейин уч кун мобайнида лицензия талабгорини қабул қилинган қарор тўғрисида хабардор қилади.

Қабул қилинган қарор тўғрисидаги билдиришнома лицензия талабгорига банк ҳисоб рақами реквизитлари, давлат божи тўлаш муддати кўрсатилган ҳамда лицен-

зиатнинг имзолаши учун лицензия битими илова қилинган ҳолда ёзма шаклда юборилади (топширилади).

Ахборотнинг криптографик ҳимоя воситаларини лойиҳалаштириш, тайёрлаш, ишлаб чиқариш, реализация қилиш, таъмирлаш ва улардан фойдаланиш бўйича фаолиятни амалга ошириш ҳуқуқи учун лицензия бериш ва лицензиянинг амал қилиш муддатини узайтириш учун қонун ҳужжатларида белгиланган энг кам ойлик иш ҳақининг беш баравари миқдорида давлат божи ундирилади.

Лицензия берилганлиги учун давлат божи республика бюджетига ўтказилади.

17. Лицензияловчи орган ва лицензиатнинг ўзаро ҳуқуқ ва мажбуриятларини белгилайдиган лицензия битимида қуйидагилар бўлиши керак:

битимни имзолаган шахсларнинг фамилияси, исми, отасининг исми, эгаллаб турган лавозими;

томонларнинг реквизитлари;

амалга оширилишига лицензия берилаётган фаолият турининг номи;

лицензиатга қўйиладиган лицензия талаблари ва шартлари;

лицензиянинг амал қилиш муддати;

лицензия битими талаблари ва шартлари бузилганлиги учун томонларнинг жавобгарлиги;

лицензиат томонидан лицензия битими талаблари ва шартлари бажарилишини лицензияловчи орган томонидан назорат қилиш тартиби.

Лицензия битими икки нусхада — лицензиат ва лицензияловчи орган учун бир нусхадан тузилади.

18. Лицензиялар қатъий ҳисобда турадиган ҳужжатлар ҳисобланган, ҳисобга олиш сериясига, тартиб рақамига ва ҳимояланганлик даражасига эга бўлган махсус бланкаларда расмийлаштирилади.

Лицензия бланкаси намунаси лицензияловчи орган томонидан тасдиқланади ва лицензияловчи орган буюртманомасига кўра «Давлат белгиси» давлат-ишлаб чиқариш бирлашмаси томонидан босмаҳона усулида тайёрланади. Лицензияловчи орган лицензиялар бланкалари сақланиши учун жавоб беради.

Лицензия лицензиат томонидан давлат божи тўланганлигини тасдиқловчи ҳужжат тақдим этилгандан ва лицензия битими имзолангандан кейин уч кун муддатда расмийлаштирилади ва берилади.

Расмийлаштирилган лицензиялар лицензияловчи органнинг раҳбари (унинг ўринбосари) томонидан имзоланади. Ушбу Низомнинг VIII бўлимида белгиланган тартибда реестрга тегишли ёзув қайд этилади.

19. Агар лицензиат лицензия бериш тўғрисида қарор қабул қилинганлиги ҳақидаги билдиришнома юборилган (топширилган) вақтдан бошлаб уч ой мобайнида лицензияловчи органга лицензия берилганлиги учун давлат божи тўланганлигини тасдиқловчи ҳужжатни тақдим этмаса ёхуд лицензия битимини имзоламаса, лицензияловчи орган кўрсатиб ўтилган лицензияни бекор қилиш ҳуқуқига эга.

20. Лицензия бериш фақат «Фаолиятнинг айрим турларини лицензиялаш тўғрисида»ги Ўзбекистон Республикаси Қонунининг 17-моддасида белгиланган асослар бўйича рад этилиши мумкин.

Лицензия талабгори лицензияловчи органнинг лицензия беришни рад этиш тўғрисидаги қарори, шунингдек лицензияловчи орган мансабдор шахсининг хатти-ҳаракати (ҳаракатсизлиги) юзасидан қонун ҳужжатларида белгиланган тартибда шикоят қилиш ҳуқуқига эгадир.

21. Лицензия беришнинг рад этилиши тўғрисида қарор қабул қилинган тақдирда рад этиш тўғрисидаги билдиришнома лицензия талабгорига рад этишнинг аниқ

сабаблари ва лицензия талабгори кўрсатиб ўтилган сабабларни бартараф этиб ҳужжатларни такроран кўриб чиқишга тақдим этиши учун етарли бўлган муддат кўрсатилган ҳолда ёзма шаклда юборилади (топширилади).

22. Лицензия талабгори томонидан лицензия бериш рад этилишига асос бўлган сабаблар бартараф этилган тақдирда, ҳужжатларни такроран кўриб чиқиш лицензияловчи орган томонидан лицензия талабгорининг аризаси барча зарур ҳужжатлар билан биргаликда олинган кундан бошлаб ўн кундан ортиқ бўлмаган муддатда амалга оширилади. Талабгорларнинг аризалари такроран кўриб чиқилганлиги учун лицензия йиғими ундирилмайди.

23. Лицензия бериш рад этилганлиги тўғрисидаги билдиришномада кўрсатилган муддат ўтгандан кейин берилган ариза янгидан берилган ариза ҳисобланади.

V. Лицензияни қайта расмийлаштириш, унинг амал қилиш муддатини узайтириш, дубликат бериш

24. Юридик шахс — лицензиат қайта ташкил этилган, унинг номи ёки жойлашган жойи (почта манзили) ўзгарган тақдирда, лицензиат ёки унинг ҳуқуқий вориси қайта рўйхатдан ўтказилгандан кейин бир ҳафта муддатда лицензияловчи органга кўрсатиб ўтилган маълумотларни тасдиқловчи тегишли ҳужжатлар илова қилинган ҳолда лицензияни қайта расмийлаштириш тўғрисида ариза бериши шарт.

Жисмоний шахс — лицензиатнинг фамилияси, исми, отасининг исми ёки яшаш жойи ўзгарган тақдирда, лицензиат қайта рўйхатдан ўтказилгандан кейин бир ҳафта муддатда лицензияловчи органга кўрсатиб ўтилган маълумотларни тасдиқловчи тегишли ҳужжатлар илова қилинган ҳолда лицензияни қайта расмийлаштириш тўғрисида ариза бериши шарт.

25. Лицензиат лицензия қайта расмийлаштирилгунга қадар унда кўрсатилган фаолиятни илгари берилган лицензия асосида амалга оширади.

Лицензияни қайта расмийлаштиришда лицензияловчи орган лицензиялар реестрига тегишли ўзгартиришлар киритади. Лицензияларни қайта расмийлаштириш лицензияловчи орган томонидан тегишли ҳужжатлар илова қилинган ҳолда лицензияларни қайта расмийлаштириш тўғрисида ариза олинган кундан бошлаб беш кун мобайнида амалга оширилади.

Лицензияларни қайта расмийлаштиришда лицензия талабгорининг лицензия бериш тўғрисидаги аризаси кўриб чиқилганлиги учун тўланадиган сумманинг ярми миқдорида йиғим ундирилади. Йиғим суммаси лицензияловчи органнинг ҳисоб рақамига ўтказилади.

26. Лицензиянинг амал қилиш муддатини узайтириш лицензиатнинг аризасига кўра амалга оширилади.

Лицензиянинг амал қилиш муддатини узайтириш тўғрисидаги ариза лицензияловчи органга лицензиянинг амал қилиш муддати ўтгунга қадар икки ойдан кечикмай берилиши керак.

Лицензиянинг амал қилиш муддатини узайтириш лицензия бериш учун назарда тутилган тартибда амалга оширилади.

27. Йўқолган ёки амал қилиш муддати ўтмаган яроқсиз ҳолга келган лицензия ўрнига лицензиатнинг аризасига кўра унинг дубликати берилиши мумкин. Лицензиялар дубликатлари беришда лицензия талабгорининг лицензия бериш тўғрисидаги аризаси кўриб чиқилганлиги учун тўланадиган сумманинг ярми миқдорида йиғим ундирилади.

Дубликат беришда лицензияловчи орган томонидан «ДУБЛИКАТ» белгиси

қўйилган янги лицензия берилади, унда олдинги лицензияда кўрсатилган амал қилиш муддати қайд этилган бўлиши керак.

VI. Лицензия талаблари ва шартларига риоя этилишини назорат қилиш

28. Лицензия талаблари ва шартларига риоя этилиши устидан назорат қонун ҳужжатларида белгиланган тартибда лицензияловчи орган томонидан амалга оширилади.

29. Лицензиат томонидан лицензия талаблари ва шартларига риоя этилиши устидан назоратни амалга оширишда лицензияловчи орган ўз ваколатлари доирасида қуйидаги ҳуқуқларга эга:

лицензиатлар томонидан лицензия талаблари ва шартларига риоя этилишини қонун ҳужжатларида белгиланган тартибда режали текшириш;

лицензия талаблари ва шартлари лицензиат томонидан бузилганлигидан далолат берувчи ҳоллар мавжуд бўлган тақдирда лицензиат томонидан лицензия талаблари ва шартларига риоя этилишини қонун ҳужжатларида белгиланган тартибда режадан ташқари текшириш;

лицензия талаблари ва шартларига риоя этилишини текшириш чоғида пайдо бўладиган масалалар юзасидан лицензиатдан зарур ахборотни сўраш ва олиш;

текширишлар натижалари асосида, лицензия талаблари ва шартларининг аниқ бузилишларини кўрсатган ҳолда далолатномалар (маълумотномалар) тузиш;

лицензиатга аниқланган бузилишларни бартараф этиш мажбуриятини юкловчи қарорлар чиқариш, бундай бузилишларни бартараф этиш муддатларини белгилаш;

лицензиянинг амал қилишини тўхтатиб туриш ёки тўхтатиш.

Назорат қилувчи ва ҳуқуқни муҳофаза қилувчи органлар ўз ваколатлари доирасида лицензиат томонидан лицензия талаблари ва шартлари бузилишлари аниқланганда лицензияловчи органга аниқланган бузилишлар тўғрисида хабар қилади.

VII. Лицензиянинг амал қилишини тўхтатиб туриш, тўхтатиш ва лицензияни бекор қилиш

30. Лицензиянинг амал қилишини тўхтатиб туриш ва тўхтатиш, уни бекор қилиш «Фаолиятнинг айрим турларини лицензиялаш тўғрисида»ги Ўзбекистон Республикаси Қонунининг 22 — 24-моддаларида назарда тутилган ҳолларда ва тартибда амалга оширилади.

Лицензияловчи органнинг лицензиянинг амал қилишини тўхтатиб туриш ва тўхтатиш, уни бекор қилиш тўғрисидаги қарори юзасидан судга шикоят қилиш мумкин. Лицензияловчи орган қарорининг асоссиз эканлиги суд томонидан эътироф этилган тақдирда, лицензияловчи орган лицензиат олдида лицензиат кўрган зарар миқдорида жавоб беради.

VIII. Лицензиялар реестри

31. Лицензияловчи орган лицензиялар реестрини юридик ва жисмоний шахслар учун алоҳида юритади.

Лицензияларнинг ҳар бир реестрида қуйидагилар кўрсатилиши керак:

лицензиатлар тўғрисидаги асосий маълумотлар;
 лицензиянинг берилган санаси ва тартиб рақами;
 лицензиянинг амал қилиш муддати;
 лицензияларни қайта расмийлаштириш, уларнинг амал қилишини тўхтатиб туриш ва тиклашнинг асослари ва санаси;
 лицензияларнинг амал қилишини тўхтатиш асослари ва санаси;
 лицензияларни бекор қилишнинг асослари ва санаси.

Лицензиялар реестридаги маълумотлар улар билан юридик ва жисмоний шахсларнинг танишиши учун очиқ ҳисобланади, улар тўлов асосида лицензияловчи органдан аниқ лицензиатлар тўғрисида лицензиялар реестридан кўчирма сифатида маълумот олишга ҳақлидир.

Лицензиялар реестридан маълумот берилганлиги учун энг кам ойлик иш ҳақининг ярми миқдорида ундириладиган тўлов лицензияловчи орган ҳисоб рақамига ўтказилади.

32. Лицензиялар реестридан маълумотлар давлат ҳокимияти ва бошқаруви органларига текин берилади.

Ахборотнинг криптографик ҳимоя воситаларини лойиҳалаштириш, тайёрлаш, ишлаб чиқариш, реализация қилиш, таъмирлаш ва улардан фойдаланиш фаолиятини лицензиялаш тўғрисидаги низомга
 ИЛОВА

Ахборотнинг криптографик ҳимоя воситаларини лойиҳалаштириш, тайёрлаш, ишлаб чиқариш, реализация қилиш, таъмирлаш ва улардан фойдаланиш фаолиятини лицензиялаш схемаси





ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

472 Юридик хизматлар ходимларини аттестациядан ўтказиш ва уларнинг малакасини ошириш тартиби тўғрисидаги низомни тасдиқлаш ҳақида

Вазирлар Маҳкамасининг «Давлат ва хўжалик бошқаруви органлари, маҳаллий давлат ҳокимияти органлари, давлат корхоналари, муассасалари ва ташкилотлари фаолиятини ҳуқуқий таъминлаш даражасини янада ошириш чора-тадбирлари тўғрисида» 2007 йил 24 августдаги 182-сон қарорига мувофиқ Вазирлар Маҳкамаси **қарор қилади:**

1. Юридик хизматлар ходимларини аттестациядан ўтказиш ва уларнинг малакасини ошириш тартиби тўғрисидаги низом иловага мувофиқ тасдиқлансин ва у 2008 йил 1 январдан бошлаб амалга киритилсин.

2. Ўзбекистон Республикаси Адлия вазирлиги юридик хизматларнинг кадрлар таркиби, ушбу хизматлар ходимларини аттестациядан ўтказиш ва уларнинг малакасини ошириш тўғрисидаги маълумотларни ўз ичига оладиган маълумотлар базасини марказлаштирилган тартибда шакллантириш ва юритиш йўли билан давлат ва хўжалик бошқаруви органлари, маҳаллий давлат ҳокимияти органлари, давлат корхоналари, муассасалари ва ташкилотларининг юридик хизматлари тўғрисидаги ах-

боротларнинг зарур даражада ҳисобга олиниши ва тизимлаштирилишини таъминласин.

3. Вазирликлар, давлат қўмиталари, идоралар, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари, давлат корхоналари, муассасалари ва ташкилотлари юридик хизматлар ходимларини аттестациядан ўтказиш ва уларнинг малакасини оширишнинг ушбу қарор билан тасдиқланган муддатлари ва тартибига қатъий амал қилинишини таъминласинлар.

4. Мазкур қарорнинг бажарилишини назорат қилиш Ўзбекистон Республикаси Адлия вазири зиммасига юклансин.

**Ўзбекистон Республикасининг
Бош вазири**

Ш.МИРЗИЁЕВ

Тошкент ш.,
2007 йил 22 ноябрь,
244-сон

Вазирлар Маҳкамасининг
2007 йил 22 ноябрдаги 244-сон қарорига
ИЛОВА

**Юридик хизматлар ходимларини аттестациядан ўтказиш ва
уларнинг малакасини ошириш тартиби тўғрисида
НИЗОМ**

+

—

I. Умумий қоидалар

1. Ушбу Низом давлат бошқаруви ва маҳаллий давлат ҳокимияти органлари, Ўзбекистон Республикаси Вазирлар Маҳкамаси томонидан ташкил этиладиган ҳўжа-лик бошқаруви органларининг, давлат корхоналари, муассасалари ва ташкилотларининг (кейинги ўринларда ташкилотлар деб аталади) юридик хизматлари ходимларини аттестациядан ўтказиш ва уларнинг малакасини ошириш тартибини белгилайди.

2. Ташкилотларнинг юридик хизматлари ходимларини аттестациядан ўтказиш уларнинг касбига муносиблиги даражасини ҳолисона баҳолаш, уларнинг қонун ҳужжатларида белгиланган малака талабларига мувофиқлигини аниқлаш, уларнинг зиммасига юкланган вазифалар ва функцияларни бажариш юзасидан масъулиятини ошириш мақсадида амалга оширилади.

Ташкилотларнинг юридик хизматлари ходимлари малакасини ошириш юриспруденция соҳасидаги назорат ва амалий билимларни чуқурлаштириш ва янгилаш, уларнинг касбий тайёрлигининг бажариладиган вазифалар ва функцияларга мувофиқлигини таъминлаш мақсадида амалга оширилади.

II. Юридик хизматлар ходимларини аттестациядан ўтказиш

3. Ташкилотларнинг юридик хизматлари ходимлари тегишли равишда Ўзбекистон Республикаси Адлия вазирлигида ва унинг ҳудудий органларида ҳар беш йилда бир марта аттестациядан ўтиши шарт.

Ўзбекистон Республикаси қонун ҳужжатлари тўплами, 2007 й.

4. Юридик хизмат ходими лавозимига қабул қилинган шахслар ишга қабул қилинган кундан бошлаб олти ой мобайнида аттестациядан ўтказилиши керак.

Юридик хизмат ходими лавозимига қабул қилинган ва кейинги беш йил мобайнида аттестациядан ўтказилган шахслар ушбу Низомнинг 5-бандига мувофиқ аттестациядан ўтиши керак.

Қуйидагилар аттестациядан ўтказилмайди:

олий таълим муассасаларини тугатган ва олинган мутахассислик бўйича биринчи марта ишга кирган шахслар, агар мазкур мутахассислик бўйича икки йилдан кам ишлаган бўлса;

хомиладор аёллар, шунингдек уч ёшгача болалари бор аёллар;

юридик маслаҳатчи ёрдамчиси лавозимида ишлаётган шахслар.

5. Юридик хизмат ходимлари аттестациядан ўтганлик тўғрисидаги гувоҳнома-нинг амал қилиш муддати тугашидан уч ой олдин, ушбу Низомда белгиланган тартибда, тегишли адлия органларига аттестациядан ўтиш учун ариза билан мурожаат қилиши шарт.

Олий таълим муассасасини тугатгандан кейин, олинган мутахассислик бўйича биринчи марта ишга кирган шахслар мутахассислик бўйича ишлаган икки йиллик муддат тугаган вақтдан бошлаб уч ойдан кечикмай аттестациядан ўтиш учун мурожаат қилиши шарт.

6. Давлат ва хўжалик бошқаруви органларининг марказий аппаратлари, шунингдек Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари юридик хизмати ходимларини аттестациядан ўтказиш Ўзбекистон Республикаси Адлия вазирлиги томонидан амалга оширилади.

7. Давлат бошқаруви органлари ҳудудий бўлинмаларининг, туманлар ва шаҳарлар, давлат корхоналари, муассасалари ва ташкилотларининг юридик хизмати ходимларини аттестациядан ўтказиш ҳудудий адлия органлари томонидан амалга оширилади.

8. Юридик хизмат ходимларини аттестациядан ўтказиш учун Ўзбекистон Республикаси Адлия вазирлигида ва унинг ҳудудий органларида камида беш кишидан иборат таркибда аттестация комиссиялари тузилади.

9. Аттестация комиссиялари таркиби Ўзбекистон Республикаси Адлия вазири томонидан тасдиқланади.

Ўзбекистон Республикаси Адлия вазирлигида вазирнинг тегишли ўринбосари, ҳудудий адлия органларида эса — ҳудудий адлия органи раҳбари аттестация комиссиясининг раиси ҳисобланади.

Аттестация комиссиялари таркибига, келишувга кўра, ҳуқуқни муҳофаза қилиш органлари, илмий ва олий таълим муассасалари вакиллари киритилиши мумкин. Ҳудудий адлия органларининг аттестация комиссиялари таркибига Ўзбекистон Республикаси Адлия вазирлиги марказий аппаратининг тегишли бўлинмаси ходими мажбурий тартибда киритилади.

10. Аттестация комиссияси раиси:

аттестация комиссияси мажлисларида раислик қилади;

аттестацияни ўтказиш жойи ва муддатларини белгилайди;

аттестациядан ўтказиладиганларнинг рўйхат бўйича таркибини белгилайди;

аттестацияни ўтказиш бўйича бошқа ташкилий масалаларни ҳал қилади.

Ўзбекистон Республикаси Адлия вазирлиги ва унинг ҳудудий органларининг тегишли таркибий бўлинмаси аттестация комиссиясининг ишчи органи ҳисобланади, у:

аттестацияни ўтказиш жадвалини тузади ва уни тасдиқлаш учун аттестация комиссияси раисига тақдим этади;

талабгорлар анкеталарини шакллантиради ва тайёрлайди;
аттестацияни ўтказиш санаси ва жойи тўғрисидаги маълумотларни аттестация комиссияси аъзоларига ҳамда талабгорларга етказди;
аттестация комиссияси фаолиятини ташкил этишга доир бошқа функцияларни амалга оширади.

III. Аттестациядан ўтадиган шахсларнинг аризаларини кўриб чиқиш тартиби

11. Аттестациядан ўтиш учун тегишли адлия органига қуйидаги ҳужжатлар тақдим этилади:

- а) аттестациядан ўтиш тўғрисидаги ариза;
- б) талабгорнинг ушбу Низомга 1-иловага мувофиқ шакл бўйича анкетаси;
- в) олий юридик маълумот тўғрисидаги дипломнинг нотариал тасдиқланган нусхаси;
- г) меҳнат дафтарчасининг иш жойида тасдиқланган нусхаси ёхуд ундан кўчирма;
- д) иш жойидан тавсифнома;
- е) малака ошириш курсларида ўқиганлик тўғрисидаги сертификат (агар мавжуд бўлса) нусхаси.

12. Ҳужжатлар адлия органига бевосита топширилади ёхуд топширилгани тўғрисидаги билдиришномани олган ҳолда, буюртма хат билан юборилади.

Ҳужжатлар адлия органининг масъул ходими томонидан рўйхат бўйича қабул қилинади, рўйхатнинг нусхаси, ҳужжатлар қабул қилиб олинган сана қайд этилган ҳолда талабгорга топширилади (юборилади).

Топширилган ҳужжатлар қайтариб берилмайди.

13. Ариза ва ҳужжатлар улар олинган кундан бошлаб икки кун муддатда кўриб чиқилади. Тақдим этилган ҳужжатларда камчиликлар аниқланган тақдирда ишчи орган томонидан аттестацияга қўйишни рад этиш тўғрисида қарор қабул қилинади ва тегишли билдиришнома талабгорга бевосита топширилади ёки почта орқали юборилади. Билдиришномада аниқланган камчиликлар, камчиликларни бартараф этиш ҳамда такрорий кўриб чиқиш учун ҳужжатларни тақдим этиш муддати кўрсатилади.

14. Аттестациядан ўтишга қўйишнинг рад этилишига асос бўлган камчиликлар бир ой муддатда бартараф этилган тақдирда ҳужжатлар такроран кўриб чиқиш учун тақдим қилиниши мумкин.

15. Қуйидагилар аттестациядан ўтишга қўйишнинг рад этилиши учун асос ҳисобланади:

зарур даражада расмийлаштирилмаган ҳужжатларни тақдим этганлик ёки ҳужжатларни тўлиқ ҳажмда тақдим этмаслик;

тақдим этилган ҳужжатларда ишончсиз ёки нотўғри маълумотларнинг мавжудлиги.

Аттестациядан ўтишга бошқа асослар бўйича қўйилмасликка йўл қўйилмайди.

16. Тақдим этилган ҳужжатлар белгиланган талабларга мувофиқ бўлган тақдирда талабгор ҳужжатлар олинган кундан бошлаб икки ой мобайнида аттестациядан ўтказилиши керак.

IV. Аттестацияни ўтказиш тартиби

17. Аттестация ҳужжатларнинг тақдим этилишига қараб ўтказилади, аттестациянинг ўтказилиш жойи ва вақти тўғрисида талабгор аттестация ўтказиладиган санадан камида ўн кун олдин хабардор қилинади.

18. Аттестацияга узрли сабабга кўра келмаган талабгорлар аттестация комиссиясининг кейинги навбатдаги мажлисида аттестациядан ўтказилади.

Аттестацияга узрсиз сабабга кўра келмаган талабгорларга ёзма огоҳлантириш юборилади. Аттестацияга узрсиз сабаб билан такроран келинмаган тақдирда аттестация комиссияси тақдим этилган ҳужжатлар (материаллар) асосида талабгорни аттестациядан ўтмаган деб ҳисоблаш ва унга аттестациядан ўтганлик тўғрисида гувоҳнома беришни рад этиш ҳақида қарор чиқаришга ҳақлидир.

19. Аттестация комиссияси, агар унинг мажлисида комиссия аъзоларининг ярмидан кўпи қатнашса ваколатли ҳисобланади.

Талабгор ишлайдиган ташкилотнинг вакили аттестация комиссияси мажлисида маслаҳат овози билан қатнашиши мумкин. Аттестация тугагандан кейин вакилнинг фикр-мулоҳазаси эшитилади.

20. Аттестация комиссияси мажлиси комиссия аъзоларини талабгорнинг ҳужжатлари билан таништиришдан бошланади.

21. Аттестация суҳбат шаклида ўтказилади.

Суҳбат жараёнида берилган саволлар ва талабгорнинг жавоблари (ип ўтказиб тикилган ва муҳр билан тасдиқланган) махсус журналда қайд этилади.

Талабгор билан унинг касб фаолиятига боғлиқ бўлган қонунчилик соҳаси, шу жумладан конституциявий ҳуқуқ соҳаси, фуқаролик ва меҳнат қонунчилиги асослари, шартномавий-ҳуқуқий фаолият, суд ишларини юритиш асослари бўйича суҳбат ўтказилади.

Саволларнинг тахминий рўйхати ва аттестация комиссияларининг иш регламенти Ўзбекистон Республикаси Адлия вазирлиги томонидан тасдиқланади.

22. Аттестация комиссияси талабгорнинг билимлари ва иш тажрибасини ҳисобга олиб:

талабгорни аттестациядан ўтган деб эътироф этиш ва унга аттестациядан ўтганлик тўғрисидаги гувоҳномани бериш ҳақида;

талабгорни аттестациядан ўтмаган деб эътироф этиш ва унга аттестациядан ўтганлик тўғрисидаги гувоҳномани беришни рад этиш ҳақида қарор қабул қилади.

23. Аттестация комиссиясининг қарорлари аттестация комиссиясининг мажлисида ҳозир бўлган аъзоларининг оддий кўпчилик овози билан қабул қилинади. Овоз бериш талабгорнинг иштирокисиз ўтказилади. Аттестация жараёни, шу жумладан аттестация комиссияси аъзолари, аттестациядан ўтказилаётган ходим, ташкилот вакили томонидан билдирилган фикр-мулоҳазалар ва таклифлар, шунингдек аттестация комиссиясининг қарори аттестация комиссиясининг раиси ва котиби томонидан имзоланадиган протокол билан расмийлаштирилади. Овозлар тенг бўлиб қолган тақдирда раиснинг овози ҳал қилувчи овоз ҳисобланади.

24. Аттестация натижалари овоз бериш жараёни тамом бўлгандан кейин дарҳол эълон қилинади.

25. Юридик хизматнинг аттестациядан ўтган ходимига икки кун муддатда ушбу Низомга 2-иловага мувофиқ шакл бўйича аттестациядан ўтганлик тўғрисидаги гувоҳнома берилади.

Гувоҳноманинг амал қилиш муддати — беш йил.

Аттестациядан ўтганлик тўғрисидаги гувоҳнома бланкалари қатъий ҳисобот

бериладиган ҳужжатлар ҳисобланади, химояланганлик даражасига, ҳисобга олиш сериясига ва тартиб рақамига эга бўлади. Гувоҳномаларни олиш, ҳисобга олиш ва сақлаш Ўзбекистон Республикаси Адлия вазирлиги томонидан амалга оширилади.

26. Юридик хизматнинг аттестациядан ўтмаган ходими такрорий аттестациядан ўтиш учун аттестация ўтказилган кундан уч ой ўтгач, бироқ олти ойдан кечикмай мурожаат қилиши мумкин.

Агар талабгор такрорий аттестациядан ўта олмаса ёки кўрсатилган муддат мобайнида такрорий аттестациядан ўтиш учун мурожаат қилмаса, Ўзбекистон Республикаси Адлия вазирлиги, унинг ҳудудий органи ходимнинг иш жойи бўйича меҳнат қонунчилигига мувофиқ эгаллаб турган лавозимидан озод қилиш ёхуд бошқа ишга ўтказиш тўғрисидаги масалани кўриб чиқиш зарурлиги ҳақида бажарилиши мажбурий бўлган тақдимнома киритади.

27. Юридик хизмат ходимининг аттестациядан ўтганлиги тўғрисидаги гувоҳноманинг амал қилиши Ўзбекистон Республикаси Адлия вазирлигининг аттестация комиссияси қарорига кўра тўхтатилиши мумкин.

Қуйидагилар:

юридик хизмат ходими томонидан ўз хизмат мажбуриятлари бажарилмаслиги ёки зарур даражада бажарилмаслиги, давлат, юридик ва жисмоний шахсларнинг ҳуқуқлари ва қонуний манфаатларига зиён етказилишига олиб келган тақдирда;

гувоҳнома қалбаки ҳужжатлардан фойдаланиб олинганлиги ҳолати аниқланганлиги юридик хизмат ходимининг аттестациядан ўтганлиги тўғрисидаги гувоҳноманинг амал қилишини тўхтатиш учун асос бўлади.

28. Аттестация комиссиясининг қарори юзасидан қонун ҳужжатларида белгиланган тартибда шикоят қилиш мумкин.

V. Аттестациядан ўтганлик тўғрисидаги гувоҳномалар дубликатларини қайта расмийлаштириш ва бериш

29. Аттестациядан ўтганлик тўғрисидаги гувоҳномани қайта расмийлаштириш юридик хизмат ходимининг фамилияси, исми ёки отасининг исми ўзгарган тақдирда, унинг аризаси асосида амалга оширилади.

Аттестациядан ўтганлик тўғрисидаги гувоҳнома қайта расмийлаштирилгунга қадар юридик хизмат ходими ўз фаолиятини илгари берилган гувоҳнома асосида амалга оширади.

30. Қайта расмийлаштириш пайтида аттестациядан ўтганлик тўғрисидаги янги гувоҳнома берилади, ушбу гувоҳномада олдинги гувоҳномада кўрсатилган амал қилиш муддати қайд этилган бўлиши керак. Аттестациядан ўтганлик тўғрисида олдин берилган гувоҳнома бекор қилинади.

31. Аттестациядан ўтганлик тўғрисидаги гувоҳнома йўқолган ёки яроқсиз ҳолга келган тақдирда юридик хизмат ходимининг аризасига кўра унинг дубликати берилиши мумкин.

32. Дубликатни беришда юридик хизмат ходимига Ўзбекистон Республикаси Адлия вазирлиги ва ҳудудий адлия органлари томонидан «ДУБЛИКАТ» белгиси қўйилган аттестациядан ўтганлик тўғрисидаги янги гувоҳнома берилади, ушбу гувоҳномада олдинги гувоҳномада кўрсатилган амал қилиш муддати қайд этилган бўлиши керак.

33. Аттестациядан ўтганлик тўғрисидаги гувоҳнома қайта расмийлаштирилиши ва дубликати берилиши учун аттестациядан ўтиш талаб қилинмайди.

VI. Юридик хизмат ходимлари малакасини ошириш

34. Юридик хизматлар ходимлари малакасини ошириш Ўзбекистон Республикаси Адлия вазирлиги ҳузуридаги Юристлар малакасини ошириш маркази (кейинги ўринларда «Марказ» деб юритилади) томонидан амалга оширилади.

Юридик хизмат ходимлари малакасини ошириш ҳар беш йилда камида бир марта амалга оширилади.

35. Малака ошириш муддати икки ҳафтадан кам бўлиши мумкин эмас.

Юридик хизматларнинг малака оширишдан ўтган ходимларига белгиланган намунадаги сертификат берилади.

Малака ошириш дастурлари ва шакллари, шунингдек сертификат шакли Ўзбекистон Республикаси Адлия вазирлиги томонидан белгиланади.

Юридик хизматлар ходимлари малакасини ошириш дастурлари Вазирлар Маҳкамасининг «Давлат ва хўжалик бошқаруви органлари, маҳаллий давлат ҳокимияти органлари, давлат корхоналари, муассасалари ва ташкилотлари фаолиятини ҳуқуқий таъминлаш даражасини янада ошириш чора-тадбирлари тўғрисида» 2007 йил 24 августдаги 182-сон қарори билан белгиланган юридик хизматларнинг асосий вазифаларига мувофиқ бўлиши керак.

36. Юридик хизматлар ходимлари малакасини ошириш Марказ билан тегишли ташкилот ўртасида тузиладиган шартномалар асосида тўлов эвазига амалга оширилади.

Малака ошириш учун тўлов миқдори Ўзбекистон Республикаси Молия вазирлиги билан келишув бўйича Ўзбекистон Республикаси Адлия вазирлиги томонидан белгиланади.

37. Малака ошириш даврида юридик хизматлар ходимларига уларнинг иш жойи бўйича иш ҳақи ва лавозими сақланади. Хизмат сафари харажатлари малака оширишга юборган тегишли ташкилотлар ҳисобидан қопланади.

VII. Якуний қоидалар

38. Ўзбекистон Республикаси Адлия вазирлиги ва унинг ҳудудий органлари юридик хизматларнинг ходимлари ҳисобини юритади.

39. Ташкилотларнинг юридик хизматлари ва уларнинг ходимлари ҳисобга олинишини ва улар тўғрисидаги ахборотнинг тизимлаштирилишини ташкил этиш учун Ўзбекистон Республикаси Адлия вазирлиги юридик хизматларнинг кадрлар таркиби, ушбу хизматлар ходимлари аттестациядан ўтиши ва малака ошириши тўғрисидаги маълумотларни ўз ичига оладиган юридик хизматлар маълумотлари базасини шакллантиради ва уни марказлаштирилган тартибда юритади.

40. Ҳудудий адлия органлари йилнинг ҳар чорагида Ўзбекистон Республикаси Адлия вазирлигига юридик хизматлар маълумотлари базасига киритиш ва уни мунтазам равишда янгилаб бориш учун юридик хизматлар, уларнинг ходимлари ва уларнинг белгиланган муддатларда аттестациядан ўтиши тўғрисидаги маълумотларни тақдим этади.

41. Марказ йилнинг ҳар чорагида Ўзбекистон Республикаси Адлия вазирлигига юридик хизматлар маълумотлари базасига киритиш ва уни мунтазам равишда янгилаб бориш учун юридик хизматларнинг малака оширишдан ўтган ходимлари тўғрисидаги маълумотларни тақдим этади.

42. Юридик хизматлар маълумотлари базасини шакллантириш ва юритиш тар-

тиби, маълумотлар базасига киритиш учун маълумотларни тақдим этиш шакли ва муддатлари Ўзбекистон Республикаси Адлия вазирлиги томонидан белгиланади.

Юридик хизматлар ходимларини аттестациядан ўтказиш ва уларнинг малакасини ошириш тартиби тўғрисидаги низомга
1-ИЛОВА

**Аттестациядан ўтганлик тўғрисидаги
гувоҳномани олиш учун талабгор
А Н К Е Т А С И**

3 x 4 см
ўлчамли
фотосурат учун
жой

1. Фамилияси _____
Исми _____
Отасининг исми _____
2. Туғилган санаси (йил, кун ва ой) _____
3. Паспортнинг серияси, тартиб рақами, берилган санаси ва уни берган органнинг номи: _____

4. Яшаш жойи
вилоят _____ шаҳар (туман) _____
кўча _____ уй, квартира _____
_____ рақами _____
телефон _____ факс _____
5. Маълумоти
Таълим муассасасининг номи _____
Мутахассислиги _____ Тамомлаган йили _____
6. Меҳнат фаолияти

Т/р	Ой ва йил		Ташкилот кўрсатилган ҳолда лавозими	Ташкилот жойлашган жой
	ишга кирган вақти	ишдан бўшаган вақти		

7. Юридик хизмат ходими сифатидаги меҳнат фаолияти

Т/р	Ой ва йил		Ташкилот кўрсатилган ҳолда лавозимга тайинлаш	Ташкилот жойлашган жой
	тайинланди	озод қилинди		

Тўлдирилган санаси _____ Шахсий имзо _____

Юридик хизматлар ходимларини аттестациядан ўтказиш ва уларнинг малакасини ошириш тартиби тўғрисидаги низомга
2-ИЛОВА

(Ўзбекистон Республикасининг Давлат герби)

**Юридик хизмат ходими аттестациядан ўтганлиги ҳақида
ГУВОҲНОМА**

_____ № _____
(серияси)

Ушбу билан _____
(юридик хизмат ходимининг фамилияси, исми, отасининг исми)

_____да аттестациядан ўтганлиги тасдиқланади
(аттестацияни ўтказган адлия органининг номи)

ва у давлат бошқаруви ҳамда маҳаллий давлат ҳокимияти органлари, хўжалик бошқаруви органлари, давлат корхоналари, муассасалари ва ташкилотларининг юридик хизматида ишлаши мумкин.

— Гувоҳнома

_____ гача амал қилади.
(йил, кун ва ой)

Аттестация комиссияси раиси:

_____ (имзо) (фамилияси, исми, отасининг исми)

М.Ў.

+

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ
ҚАРОРИ**473 Саноат аҳамиятига эга бўлган фойдали қазилмалар
янги конларини очганлик ёки илгари маълум бўлган
конларни (конларнинг участкаларини) тубдан қайта баҳола-
ганлик учун пул мукофотлари тўғрисидаги низомни тасдиқ-
лаш ҳақида**

«Ер ости бойликлари тўғрисида»ги Ўзбекистон Республикаси Қонунининг 46-моддасига мувофиқ Вазирлар Маҳкамаси **қарор қилади:**

1. Саноат аҳамиятига эга бўлган фойдали қазилмалар янги конларини очганлик ёки илгари маълум бўлган конларни (конларнинг участкаларини) тубдан қайта баҳолаганлик учун пул мукофотлари тўғрисидаги низом иловага мувофиқ тасдиқлансин.

2. Вазирлар Маҳкамасининг «Фойдали қазилма конларини биринчи очувчилар тўғрисидаги низомни тасдиқлаш ҳақида» 1997 йил 2 июндаги 279-сон ва «Саноат аҳамиятига эга бўлган фойдали қазилмалар янги конларини очганлик ёки илгари маълум бўлган конларни (конларнинг участкаларини) тубдан қайта баҳолаганлик учун давлат пул мукофотлари тўғрисидаги низомни тасдиқлаш ҳақида» 1997 йил 2 июндаги 280-сон қарорлари ўз кучини йўқотган деб ҳисоблансин.

3. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Қ.С. Санақулов зиммасига юклансин.

**Ўзбекистон Республикасининг
Бош вазири**

Ш.МИРЗИЁЕВ

Тошкент ш.,
2007 йил 22 ноябрь,
245-сон

Вазирлар Маҳкамасининг
2007 йил 22 ноябрдаги 245-сон қарорига
ИЛОВА

**Саноат аҳамиятига эга бўлган фойдали қазилмалар
янги конларини очганлик ёки илгари маълум бўлган
конларни (конларнинг участкаларини) тубдан қайта
баҳолаганлик учун пул мукофотлари тўғрисида
НИЗОМ****I. Умумий қоидалар**

1. Ушбу Низом «Ер ости бойликлари тўғрисида»ги Ўзбекистон Республикаси Қонунига мувофиқ ишлаб чиқилган, фойдали қазилмаларнинг саноат аҳамиятига эга бўлган илгари маълум бўлмаган конларини очганлик, қидирганлик, шунингдек илгари маълум бўлган конда унинг саноатдаги аҳамиятини жиддий равишда кўпайтирадиган фойдали қазилмаларнинг қўшимча захираларини ёки янги фойдали қазил-

малар ва қўшилиб чиқадиган фойдали компонентларни аниқлаганлик учун жисмоний шахсларга пул мукофоти тўлаш миқдори, манбаи ва тартибини белгилайди.

2. Ушбу Низом кенг тарқалган фойдали қазилмалар конларини очган ва қидирган шахсларга, шунингдек, агар геология-қидирув ишлари ва (ёки) конларни ишла-тиш ер ости бойликларидан фойдаланувчининг ўз маблағлари ҳисобига амалга оширилган бўлса, саноат аҳамиятига эга бўлган фойдали қазилмаларнинг илгари маълум бўлмаган конларини очиш, қидириш, шунингдек илгари маълум бўлган кон-да унинг саноат аҳамиятини жиддий равишда кўпайтирадиган фойдали қазилмалар-нинг қўшимча захираларини ёки янги фойдали қазилмалар ва қўшилиб чиқадиган фойдали компонентларни очишда, қидиришда қатнашган шахсларга жорий этилмайди.

3. Пул мукофотлари Ўзбекистон Республикаси фуқароларига тўланади.

4. Ўзбекистон Республикаси ҳудудида саноат аҳамиятига эга бўлган фойдали қазилмаларнинг илгари маълум бўлмаган конларини очган, қидирган, шунингдек илгари маълум бўлган конда унинг саноат аҳамиятини жиддий равишда кўпайтира-диган фойдали қазилмаларнинг қўшимча захираларини ёки янги фойдали қазилма-лар ва қўшилиб чиқадиган фойдали компонентларни очган, қидирган шахслар пул мукофоти олиш ҳуқуқига эга бўлади.

5. Фойдали қазилмаларнинг қўшимча захиралари ёки янги фойдали қазилма-лар ва қўшилиб чиқадиган фойдали компонентлар аниқланганлиги муносабати би-лан саноат аҳамиятига эга бўлган фойдали қазилмаларнинг илгари маълум бўлган конини (кон участкасини) тубдан қайта баҳолаш тўғрисидаги қарор захиралар ҳисоб-лаб чиқилган материалларни кўриб чиқишда Ўзбекистон Республикаси Давлат геол-огия ва минерал ресурслар қўмитаси ҳузуридаги Фойдали қазилмалар захиралари бўйича давлат комиссияси томонидан белгиланган тартибда қабул қилинади.

6. Пул мукофоти фақат фойдали қазилмалар кони (коннинг участкаси) захи-ралари белгиланган тартибда тасдиқлангандан кейин тўланиши мумкин.

7. Захиралар таснифини фойдали қазилмаларнинг ҳар хил турлари конларига нисбатан қўллашга доир йўриқномага мувофиқ конлар геологик таркибининг му-раккаблиги бўйича тўрт гуруҳга бўлинади.

Ушбу Низом мақсадлари учун C_2 тоифали қаттиқ фойдали қазилма конлари захиралари фойдали қазилма турига ва коннинг геологик таркиби мураккаблиги гуруҳига қараб:

а) геологик таркиби мураккаблигига кўра биринчи гуруҳ конлари бўйича — тасдиқланган захираларнинг 30 фоизи;

б) геологик таркиби мураккаблигига кўра иккинчи гуруҳ конлари бўйича — тасдиқланган захираларнинг 50 фоизи;

в) геологик таркиби мураккаблигига кўра учинчи гуруҳ конлари бўйича — тасдиқланган захираларнинг 70 фоизи;

г) геологик таркиби мураккаблигига кўра тўртинчи гуруҳ конлари бўйича — тасдиқланган захираларнинг 100 фоизи миқдорида ҳисобга олинади.

8. Иқтисодий аҳамиятига қараб фойдали қазилмалар конлари захираларининг миқдори, сифати ва уларни саноат йўли билан ўзлаштириш шартлари ушбу Низом-га 1-иловага мувофиқ $A+B+C_1+C_2$ тоифали тасдиқланган захираларнинг умумий сонидан келиб чиқиб тўрт асосий гуруҳга бўлинади.

Бунда қаттиқ фойдали қазилма конлари бўйича C_2 тоифали захиралар коннинг умумий захираларида ушбу Низомнинг 4-бандида кўрсатилган ҳисоб-китоб коэффи-циентлари ҳисобга олинган ҳолда қабул қилинади, углеводород конлари ва ер ости сувлари бўйича эса C_2 тоифали захиралар ҳисобга олинмайди.

Захиралари миқдори ушбу Низомга 1-иловага мувофиқ конларнинг IV гуруҳи

учун назарда тутилганидан паст бўлган фойдали қазилмалар конларини очганлик ва қидирганлик учун пул мукофоти тайинланмайди.

9. Комплекс коннинг умумий захиралари ва саноатдаги аҳамияти қазиб олиш рентабеллиги технологик синовлар ва техник-иқтисодий ҳисоб-китоблар билан тасдиқланган қўшилиб чиқадиган фойдали компонентлар мавжуд бўлган тақдирда ўтказма қиймат коэффициентларини қўллаш йўли билан асосий фойдали қазилмага қайта ҳисоблаб чиқиб аниқланади.

**II. Фойдали қазилмалар конини (коннинг участкасини)
очганлик ёки тубдан қайта баҳолаганлик учун пул мукофоти
миқдорини белгилаш тартиби**

10. Фойдали қазилмаларнинг янги конини очганлик ёки илгари маълум бўлган конни (коннинг участкасини) тубдан қайта баҳолаганлик учун пул мукофоти миқдорини белгилаш тўғрисидаги материалларни кўриб чиқиш Ўзбекистон Республикаси Давлат геология ва минерал ресурслар қўмитаси (кейинги ўринларда Давлат геология қўмитаси деб аталади) ҳузуридаги Фойдали қазилмалар конларини очганлик учун мукофотлаш бўйича идоралараро комиссия (кейинги ўринларда Идоралараро комиссия деб аталади) ташкил этилади.

Идоралараро комиссия Давлат геология қўмитаси, етакчи кон корхоналари ҳамда нефть ва газ қазиб олувчи корхоналар, ташкилотлар ва илмий-тадқиқот институтлари вакиллари билан шакллантирилади.

Давлат геология қўмитасининг раиси Идоралараро комиссиянинг раиси ҳисобланади. Идоралараро комиссиянинг таркиби тегишли корхоналар, ташкилотлар ва илмий-тадқиқот институтлари билан келишган ҳолда Давлат геология қўмитаси раиси томонидан тасдиқланади.

Идоралараро комиссия ушбу Низомга 1-илова ва захиралар таснифини фойдали қазилмаларнинг тегишли турига қўллашга доир йўриқнома асосида конни фойдали қазилмалар захиралари миқдори бўйича коннинг тегишли гуруҳига тегишли деб топади ва мана шу асосда конни очганлик ёки тубдан қайта баҳолаганлик учун пул мукофоти миқдорини белгилайди.

11. Фойдали қазилмалар захиралари миқдори бўйича конларнинг гуруҳига ва уларнинг турига қараб пул мукофоти миқдори:

а) асл металллар, уран, вольфрам, қалай, молибден, бошқа нодир металллар ва углеводородларнинг янги конларини очганлик ёки илгари маълум бўлган конларни (конларнинг участкаларини) тубдан қайта баҳолаганлик учун:

I гуруҳ конлари бўйича — энг кам ойлик иш ҳақининг 1800 бараваригача миқдорни;

II гуруҳ конлари бўйича — энг кам ойлик иш ҳақининг 1500 бараваригача миқдорни;

III гуруҳ конлари бўйича — энг кам ойлик иш ҳақининг 1000 бараваригача миқдорни;

IV гуруҳ конлари бўйича — энг кам ойлик иш ҳақининг 500 бараваригача миқдорни;

б) фойдали қазилмалар бошқа турларининг янги конларини очганлик ёки илгари маълум бўлган конларини (конларнинг участкаларини) тубдан қайта баҳолаганлик учун:

I гуруҳ конлари бўйича — энг кам ойлик иш ҳақининг 1200 баравари миқдоригача;

II гуруҳ конлари бўйича — энг кам ойлик иш ҳақининг 900 баравари миқдоригачани;

III гуруҳ конлари бўйича — энг кам ойлик иш ҳақининг 600 баравари миқдоригачани;

IV гуруҳ конлари бўйича — энг кам ойлик иш ҳақининг 400 баравари миқдоригачани ташкил қилади.

12. Асл металллар, уран, вольфрам, қалай, молибден, бошқа нодир металллар ёки захиралари I гуруҳ конлари учун белгилангандан анча ошадиган углеводородлар (ушбу Низомга 1-илова) конлари очилган тақдирда у Ўзбекистон Республикаси Вазирлар Маҳкамасининг қарорига биноан фойдали қазилма конлари захиралари бўйича ноёб ҳисобланиши мумкин.

Бунда захиралари бўйича ноёб фойдали қазилма конини очганлик учун махсус пул мукофоти миқдорлари Ўзбекистон Республикаси Вазирлар Маҳкамаси қарори билан белгиланади.

13. Пул мукофоти бўйича материалларни тайёрлаш ва Идоралараро комиссияга тақдим этиш манфаатдор корхоналар, ташкилотлар томонидан амалга оширилади.

Кўрсатиб ўтилган материалларда қуйидагилар бўлиши керак:

а) саноат аҳамиятига эга бўлган фойдали қазилмаларнинг янги конини очганлик ёки илгари маълум бўлган конни (кон участкасини) тубдан баҳолаганлик учун пул мукофоти тўлаш тўғрисидаги илтимоснома;

б) коннинг жуғрофий-иқтисодий ҳолатига, тасдиқланган захиралар таркиби ва миқдорига, уларни қидиришнинг асосли техник-иқтисодий кўрсаткичларига доир маълумотлардан ҳамда конни ушбу фойдали қазилмалар захиралари миқдори бўйича ушбу Низомнинг 1-илосида назарда тутилган гуруҳлардан бирига киритишни асословчи бошқа маълумотлардан иборат бўлган изоҳнома;

в) корхона (ташкилот)нинг ёки геология-қидирув ишларини ҳамда кон (кон участкаси) бўйича захираларни ҳисоблаб чиқишни ёхуд илгари маълум бўлган конни (кон участкасини) тубдан қайта баҳолашни амалга оширган корхона (ташкилот) ҳуқуқий ворисининг биринчи раҳбари томонидан имзоланган пул мукофоти тавсия этилган шахслар рўйхати. Рўйхатда улардан ҳар бирининг конни (кон участкасини) очиш ва қидириш ёки тубдан қайта баҳолашдаги шахсий ҳиссаси ҳамда махсус пул мукофотининг тавсия этилаётган миқдори ушбу Низомга 2-иловага мувофиқ шакл бўйича кўрсатилади.

Фойдали қазилмаларнинг янги конини очишда ёки илгаридан маълум бўлган конни (кон участкасини) тубдан қайта баҳолашда қатнашган, лекин кўрсатиб ўтилган материаллар тайёрланаётган вақтда вафот этган шахслар ҳам мукофотлашга тавсия этилаётган шахслар рўйхатига киритилиши мумкин.

Фойдали қазилмаларнинг янги конини очишда ва разведка қилишда ёки маълум бўлган конни (кон участкасини) тубдан қайта баҳолашда бошқа корхоналар ва ташкилотларнинг мутахассислари қатнашган ҳолларда мукофотлашга тавсия этилаётган шахслар рўйхати кўрсатиб ўтилган корхоналар ва ташкилотлар билан келишилган бўлиши керак.

14. Махсус пул мукофотининг миқдори конни очганлик, саноат жиҳатидан баҳолаганлик учун мукофотлашга тавсия этилган шахсларнинг қўшган шахсий ҳиссасига боғлиқ ҳолда белгиланади ва у қуйидаги миқдордан ошмаслиги керак:

а) асл металллар, уран, вольфрам, қалай, молибден ва бошқа нодир металллар, углеводород хом ашёсининг янги конларини очганлик ёки илгаридан маълум бўлган конни (кон участкаларини) тубдан қайта баҳолаганлик учун:

I гуруҳ конлари бўйича — энг кам ойлик иш ҳақининг 180 баравари миқдориди;

II гуруҳ конлари бўйича — энг кам ойлик иш ҳақининг 150 баравари миқдориди;

III гуруҳ конлари бўйича — энг кам ойлик иш ҳақининг 100 баравари миқдориди;

IV гуруҳ конлари бўйича — энг кам ойлик иш ҳақининг 50 баравари миқдориди;

б) фойдали қазилмалар бошқа турларининг янги конларини очганлик ёки илгари маълум бўлган конларни (кон участкаларини) тубдан қайта баҳолаганлик учун:

I гуруҳ конлари бўйича — энг кам ойлик иш ҳақининг 120 баравари миқдориди;

II гуруҳ конлари бўйича — энг кам ойлик иш ҳақининг 90 баравари миқдориди;

III гуруҳ конлари бўйича — энг кам ойлик иш ҳақининг 60 баравари миқдориди;

IV гуруҳ конлари бўйича — энг кам ойлик иш ҳақининг 40 баравари миқдориди.

15. Махсус пул мукофотининг энг катта суммаси фойдали қазилмаларнинг янги конини очган шахсларга ёки уларнинг илгари маълум бўлган конни (кон участкасини) тубдан қайта баҳолашга энг кўп ҳисса қўшган шахсларга тайинланади. Шунингдек у захираларни ҳисоблашга киритиладиган ҳисобот муаллифларига, улардан ҳар бирининг конни очишга ва қидиришга ёки тубдан қайта баҳолашга қўшган ҳиссаси даражасини ҳисобга олган ҳолда белгиланиши мумкин.

Мукофот мутахассиснинг объектни очиш ва қидириш давридаги ишлари натижаларига қараб, унинг пул мукофотини тайинлаш тўғрисидаги масалани ҳал этиш давридаги иш жойидан қатъи назар, белгиланади.

16. Агар конни очган шахс захираларни ҳисоблаш билан бирга ҳисобот муаллифи ҳам бўлса, у ҳолда Идоралараро комиссия қарорига кўра пул мукофоти миқдори қўшимча равишда 10 — 20 фоизга оширилиши мумкин.

17. Мукофотлаш учун тавсия этилган бошқа шахсларга махсус пул мукофоти миқдори конни очган шахсларга ёхуд захираларни ҳисоблаш билан бирга ҳисобот муаллифларига белгиланган миқдордан ошмаслиги керак.

18. Пул мукофоти фойдали қазилмаларнинг янги конини очишда ва қидиришда ёки илгари маълум бўлган конни (кон участкасини) тубдан қайта баҳолашда бевосита қатнашган геология соҳасидаги мутахассисларга (геологларга, гидрогеологларга, геофизикларга, технологларга ва бошқаларга), шунингдек қидиришнинг юқори суръатларини ва ишончлилигини бевосита таъминлаган техника соҳаси ва бошқа соҳа мутахассисларига тўланади.

III. Пул мукофотининг махсус миқдорини белгилаш шартлари ва уни тўлаш тартиби

19. Идоралараро комиссия икки ой муддатда тақдим этилган материалларни кўриб чиқади ва фойдали қазилмаларнинг янги конини очган, қидирган шахсларга ёки илгари маълум бўлган конни (кон участкасини) тубдан қайта баҳолашга салмоқли ҳисса қўшган шахсларга пул мукофотининг махсус миқдорини белгилаш тўғрисида қарор қабул қилади.

Пул мукофотларини тўлаш тўғрисидаги қарор Идоралараро комиссия протоко-

ли билан расмийлаштирилади, протокол имзолангандан кейин беш кун муддатда мукофотлаш учун материаллар тақдим этган корхоналарга, ташкилотларга юборилади.

20. Идоралараро комиссия қарори асосида пул мукофотини тўлаш Давлат геология қўмитаси томонидан амалга оширилади.

21. Пул мукофотига тавсия қилинган шахс вафот этган тақдирда унга тегишли бўлган пул мукофоти унинг меросхўрига қонун ҳужжатларида назарда тутилган тартибда тўланади.

IV. Пул мукофотини тўлаш манбаи

22. Фойдали қазилмаларнинг янги конларини очганлик ёки илгари маълум бўлган конларни (кон участкаларини) тубдан баҳолаганлик учун пул мукофотлари Давлат геология қўмитаси томонидан ўз маблағлари ҳисобига тўланади.

23. Вазирлар Маҳкамасининг 1999 йил 5 февралдаги 54-сон қарори билан тасдиқланган Маҳсулот (ишлар, хизматлар)ни ишлаб чиқариш ва сотиш харажатлари таркиби ҳамда молиявий натижаларни шакллантириш тартиби тўғрисидаги низомга мувофиқ пул мукофотини тўлаш харажатлари бошқа операцион харажатларга киритилади.

V. Якуний қоидалар

— 24. Идоралараро комиссиянинг фойдали қазилмаларнинг янги конларини очганлик ёки илгари маълум бўлган конларни (кон участкаларини) тубдан баҳолаганлик учун пул мукофотларини тўлаш масалалари бўйича қарорлари юзасидан Ўзбекистон Республикаси қонун ҳужжатларида белгиланган тартибда шикоят қилиниши мумкин. +

+

Саноат аҳамиятига эга бўлган фойдали қазилмалар янги конларини очганлик ёки илгари маълум бўлган конларни (конларнинг участкаларини) тубдан қайта баҳолаганлик учун пул мукофотлари тўғрисида низомга
1-ИЛОВА

Фойдали қазилмалар захираларининг гуруҳ ва миқдори бўйича конлар таснифи

Т/р	Фойдали қазилма	I гуруҳ	II гуруҳ	III гуруҳ	IV гуруҳ
1	2	3	4	5	6
<i>Рангли, подир ва асл металллар конлари</i>					
1.	Мис	1 млн. тоннадан зиёд мис захирали	0,8 — 1,0 млн. тонна мис захирали	0,6 — 0,8 млн. тонна мис захирали	Ишлаб турган корхоналар районларида 0,5 — 0,6 млн. тонна мис захирали
2.	Кўрғошин ва рух	2 млн. тоннадан зиёд металллар захирали	1,2—2 млн. тонна металл захирали	0,6—1,2 млн. тонна металл захирали	Ишлаб турган корхоналар районларида 0,2 — 0,6 млн. тонна металл захирали
3.	Қалай а) асосий конлар б) тарқоқ конлар	50 минг тоннадан зиёд қалай захирали 7 минг тоннадан зиёд қалай захирали	30 — 50 минг тонна қалай захирали 5 — 7 минг тонна қалай захирали	Ишлаб турган корхоналар яқинидаги 20 — 30 минг тонна қалай захирали 3—5 минг тонна қалай захирали	Ишлаб турган корхоналар яқинидаги 10 — 20 минг тонна қалай захирали Ишлаб турган корхоналар яқинидаги 1 — 3 минг тонна қалай захирали
4.	Молибден	50 минг тоннадан зиёд молибден захирали	30 — 50 минг тонна молибден захирали	20 — 30 минг тонна молибден захирали	Ишлаб турган корхоналар яқинидаги 10—20 минг тонна молибден захирали
5.	Вольфрам а) асосий конлар б) тарқоқ конлар	150 минг тоннадан зиёд вольфрам уч оксиди захирали 7 минг тоннадан зиёд вольфрам уч оксиди захирали	100 — 150 минг тонна вольфрам уч оксиди захирали 5 — 10 минг тонна вольфрам уч оксиди захирали	50 — 100 минг тонна вольфрам уч оксиди захирали 3 — 5 минг тонна вольфрам уч оксиди захирали	Ишлаб турган корхоналар яқинидаги 10 — 50 минг тонна вольфрам уч оксиди захирали Ишлаб турган корхоналар яқинидаги 1 — 3 минг тонна вольфрам уч оксиди захирали
6.	Симоб	15 минг тоннадан зиёд симоб захирали	7 — 15 минг тонна симоб захирали	3 — 7 минг тонна симоб захирали	Ишлаб турган корхоналар яқинидаги 1 — 3 минг тонна симоб захирали
7.	Висмут	10 минг тоннадан зиёд висмут захирали	5 — 10 минг тонна висмут захирали	3 — 5 минг тонна висмут захирали	Ишлаб турган корхоналар яқинидаги 1 — 3 минг тонна висмут захирали

I

T/p	Фойдали қазилма	I гуруҳ	II гуруҳ	III гуруҳ	IV гуруҳ
1	2	3	4	5	6
8.		200 минг тоннадан зиёд сурма захирали	100 — 200 минг тонна сурма захирали	50 — 100 минг тонна сурма захирали	Ишлаб турган корхоналар яқинидаги 10 — 50 минг тонна сурма захирали
9.		—	—	10 млн тоннадан зиёд титан икки оксиди захирали	Ишлаб турган корхоналар яқинидаги 3 — 10 млн тонна титан икки оксиди захирали
10.		150 минг тоннадан зиёд ниобий беш оксиди захирали	100 — 150 минг тонна ниобий беш оксиди захирали	50 — 100 минг тонна ниобий беш оксиди захирали	Ишлаб турган корхоналар яқинидаги 30 — 50 минг тонна ниобий беш оксиди захирали
11.		20 минг тоннадан зиёд бериллий оксиди захирали	15 — 20 минг тонна бериллий оксиди захирали	10 — 50 минг тонна бериллий оксиди захирали	Ишлаб турган корхоналар яқинидаги 5 — 10 минг тонна бериллий оксиди захирали
12.		5 минг тоннадан зиёд тантал беш оксиди захирали	3 — 5 минг тонна тантал беш оксиди захирали	2 — 3 минг тонна тантал беш оксиди захирали	0,5 минг тонна тантал беш оксиди захирали
13.		300 минг тоннадан зиёд литий оксиди захирали	100 — 300 минг тонна литий оксиди захирали	70 — 100 минг тонна литий оксиди захирали	Ишлаб турган корхоналар яқинидаги 50 — 70 минг тонна литий оксиди захирали
14.		5 минг тоннадан зиёд цезий оксиди захирали	2 — 5 минг тонна цезий оксиди захирали	1 — 2 минг тонна цезий оксиди захирали	Ишлаб турган корхоналар яқинидаги 0,5 — 1,0 минг тонна цезий оксиди захирали
15.		—	—	1 тонна кўмирда 100 г дан зиёд германий бўлган кўмир конларидаги 1,5 минг тоннадан ортиқ германий захирали	1 тонна кўмирда 100 г дан зиёд германий бўлган кўмир конларидаги 0,5 — 1,5 минг тоннадан ортиқ германий захирали
16.		—	—	75 — 150 минг тонна целестин ёки стронцианит захирали	Янги руда жисмларида ва ишлаб турган корхоналар яқинидаги 40 — 75 минг тонна целестин ёки стронцианит захирали
17.	Уран а) Учқудуқ (қумтош тури) б) гидротермал тури в) полиген тури	50 минг тоннадан зиёд металл захирали 5 минг тоннадан зиёд металл захирали 10 минг тоннадан зиёд металл захирали	10 — 50 минг тонна металл захирали 3 — 5 минг тонна металл захирали 5 — 10 минг тонна металл захирали	5 — 10 минг тонна металл захирали 1 — 3 минг тонна металл захирали 3 — 5 минг тонна металл захирали	Ишлаб турган корхоналар яқинидаги 1 — 5 минг тонна металл захирали Ишлаб турган корхоналар яқинидаги 0,2 — 1 минг тонна металл захирали Ишлаб турган корхоналар яқинидаги 1 — 3 минг тонна металл захирали

+

+

Т/р	Фойдалани қазилма	IV гуруҳ				III гуруҳ				II гуруҳ				I гуруҳ				Фойдалани қазилма			
		6				5				4				3				2			
18.	Олтин а) асосий конлар	а) Ишлаб турган корхоналар яқинида фабрикада қайта ишлаш учун 5—15 тонна олтин захирали б) Ишлаб турган корхоналар яқинида зичлаб ишқорга солиш учун 10—50 тонна олтин захирали 1—2 тонна олтин захирали 0,3—1,0 минг тонна кумуш захирали				а) фабрикада қайта ишлаш учун 30—50 тонна олтин захирали б) зичлаб ишқорга солиш учун 50—70 тонна олтин захирали 2 тоннадан зиёд олтин захирали 1—2 минг тонна кумуш захирали				а) фабрикада қайта ишлаш учун 30—50 тонна олтин захирали б) зичлаб ишқорга солиш учун 70—100 тонна олтин захирали				а) фабрикада қайта ишлаш учун 50 тоннадан зиёд олтин захирали б) зичлаб ишқорга солиш учун 100 тоннадан зиёд олтин захирали							
19.	Темир рудаси	Ишлаб турган корхоналар яқинидаги 100—300 млн. тонна темир рудаси захирали				300—500 млн. тонна темир рудаси захирали				2—3 минг тонна кумуш захирали 0,5—1,0 млрд. тонна темир рудаси захирали				3 минг тоннадан зиёд кумуш захирали 1 млрд. тоннадан зиёд темир рудаси захирали							
20.	Марганец рудаси	Ишлаб турган корхоналар яқинидаги 100—300 млн. тонна марганец рудаси захирали				20—50 млн. тонна марганец рудаси захирали				50—100 млн. тонна марганец рудаси захирали				100 млн. тоннадан зиёд марганец рудаси захирали							
21.	Нефть	Нефть қазиб олинаётган конлар ва ишлаб турган нефть қурулари яқинида 10 млн. тоннагача нефть захирали				10—30 млн. тонна нефть захирали				30—100 млн. тонна нефть захирали				100 млн. тоннадан зиёд нефть захирали							
22.	Табийий газ	Йирик саноат марказлари ёки газ қазиб олинаётган конлар ва ишлаб турган газ қуруллари яқинида 10 млрд. м ³ гача газ захирали				10—30 млрд. м ³ газ захирали				30—100 млрд. м ³ газ захирали				100 млрд. м ³ дан зиёд газ захирали							
23.	Кўмир	а) ишлаб турган корхоналар яқинидаги 100—300 млн. тонна энергетик тошкўмир захирали б) ишлаб турган корхоналар яқинидаги карьердан қазиб олиш учун ярқоли бўлган 100—300 млн. тонна кул ранг кўмир захирали				а) 300 млн. тоннадан зиёд энергетик тошкўмир захирали б) карьердан қазиб олиш учун ярқоли бўлган 300—500 млн. тонна кул ранг кўмир захирали в) ер остидан қазиб олиш учун ярқоли бўлган 300 млн. тоннадан зиёд кул ранг кўмир захирали				Карьердан қазиб олиш учун ярқоли бўлган 0,5—1 млрд. тонна кул ранг кўмир захирали				Карьердан қазиб олиш учун ярқоли бўлган 1 млрд. тоннадан зиёд кул ранг кўмир захирали							
24.	Ёнувчи сланецлар	Ишлаб турган корхоналар яқинидаги 100—300 млн. тонна захирали				300—500 млн. тонна захирали				—				—							
25.																					

I

Т/р	Фойдали қазилма 2	I гуруҳ				II гуруҳ				III гуруҳ				IV гуруҳ			
		3				4				5				6			
1		50 млн. қаратдан зиёд олмос захирали				20—50 млн. қарат олмос захирали				15—20 млн. қарат олмос захирали				10—15 млн. қарат олмос захирали			
26.	Олмослар	3 фойздан ортқ саноат толаси бўлган 10 млн. тоннадан зиёд асбест захирали				3 фойздан ортқ саноат толаси бўлган 5—10 млн. тонна асбест захирали				3 фойздан ортқ саноат толаси бўлган 3—5 млн. тонна асбест захирали				3 фойздан ортқ саноат толаси бўлган 1—3 млн. тонна асбест захирали			
27.	Хризотил асбести																
28.	Графит а) тангачали ва майда кристалли графит б) аморф графит	—				Рудада 40 фойздан ортқ графит бўлган 20 млн.тоннадан зиёд руда захирали				Рудада 30 фойздан ортқ графит бўлган 10 млн. тоннадан зиёд руда захирали Рудада 40 фойздан ортқ графит бўлган 10—15 млн. тонна руда захирали				5—10 млн. тонна руда захирали 3—10 млн. тонна руда захирали			
29.	Тальк	—				—				А маркали тальк 50 фойздан ортқ бўлган 3—5 млн. тонна тальк захирали				А ва В маркали тальк 50 фойздан ортқ бўлган 1,5—3 млн. тонна тальк захирали			
30.	Тальк тоши	—				—				15 млн.тоннадан зиёд захирали				5—15 млн. тонна захирали			
31.	Абразив хом ашё а) корунд б) наждак	—				—				Рудада 30 фойздан ортқ корунд бўлган 100 минг тоннадан зиёд руда захирали				Рудада 30 фойздан ортқ корунд бўлган 30—100 минг тонна руда захирали Рудада 25 фойздан ортқ корунд бўлган 100—200 минг тонна наждак захирали			
32.	Пьезооптик хом ашё а) пьезокварц б) оптик кальцит (исланд шпати) в) оптик флюорит г) чизикли кварц (кварц ойнаси ва оптик шиша эритиш учун)	6 минг кг дан ортқ юқори сорт (оптика, экстра ва I сорт) чи- қадиган 10 минг кг дан зиёд пьезо- кварц моноблоклар захирали 25 фойздан ортқ юқори сорт (экстра ва I сорт) чиқадиган 8 минг кг дан зиёд захирали				3,5—6 минг кг юқори сорт (оптика, экстра ва I сорт) чиқадиган 5—10 минг кг пьезокварц моноблоклар захирали 25 фойздан ортқ юқори сорт (экстра ва I сорт) чиқадиган 4—8 минг кг дан зиёд захирали				1,5—3,5 минг кг дан ортқ юқори сорт (оптика, экстра ва I сорт) чиқадиган 3—5 минг кг пьезокварц моноблоклар захирали				0,5—1,5 минг кг юқори сорт (оптика, экстра ва I сорт) чиқадиган 1,0—3,0 минг кг пьезокварц моноблоклар захирали 1—2 минг кг захирали 0,3—1 минг кг захирали 0,2—0,5 млн.тонна захирали			

+

+

Т/р	Фойдали қазилма 2	I гуруҳ 3		II гуруҳ 4		III гуруҳ 5		IV гуруҳ 6	
33.	Техник тошлар а) ақиқ	—	—	—	—	Камида 25 фоиз I сорт чиқадиган 0,5—1,5 минг тонна ақиқ захирали		Камида 25 фоиз I сорт чиқадиган 0,2—0,5 минг тонна ақиқ захирали	
	б) халцедон	—	—	—	—	Камида 30 фоиз I—II сорт чиқадиган 1,5 минг тоннадан зиёд техник халцедон захирали		Камида 30 фоиз I—II сорт чиқадиган 0,5—1,5 минг тонна техник халцедон захирали	
34.	Ярим қимматбаҳо рангли тошлар а) асл конлардаги аквамарин, амелист, циркон, хризолит, феруза ва бошқа қиймати уларга тенг бўлган ярим қимматбаҳо тошлар б) тарқоқ конлар	—	—	—	—	Камида 25 фоиз юқори (I ва II) сортлар чиқадиган 300 кг дан зиёд қиррали хом ашё захирали		Камида 10 фоиз юқори (I ва II) сортлар чиқадиган 50—200 кг дан зиёд қиррали хом ашё захирали	
	Қўлда майда буюмлар тайёрланадиган рангли тошлар а) малахит б) кахолонг в) оддий опал	—	—	—	—	Камида 25 фоиз I ва II сортлар чиқадиган 10 тоннадан зиёд хом ашё захирали		Камида 25 фоиз I ва II сортлар чиқадиган 10 тоннадан зиёд хом ашё захирали	
35.	г) радонит	—	—	—	—	Камида 25 фоиз I ва II сортлар чиқадиган 200 тоннадан зиёд хом ашё захирали		Камида 25 фоиз I ва II сортлар чиқадиган 50 тоннадан зиёд хом ашё захирали	
	д) мрамар оникс	—	—	—	—	Камида 25 фоиз I ва II сортлар чиқадиган 200 тоннадан зиёд хом ашё захирали		Камида 25 фоиз I ва II сортлар чиқадиган 50 тоннадан зиёд хом ашё захирали	
36.	е) асл конлардаги гематит-кравик ва бошқа унга тенг қийматлилар	—	—	—	—	Камида 25 фоиз I ва II сортлар чиқадиган 200 тоннадан зиёд хом ашё захирали		Камида 25 фоиз I ва II сортлар чиқадиган 50 тоннадан зиёд хом ашё захирали	
	Плавик шпат	2 млн. тоннадан зиёд плавик шпат захирали	1—2 млн. тонна плавик шпат захирали	—	—	0,8—1 млн. тонна плавик шпат захирали		Ишлаб турган корхона яқинидаги 0,5—0,8 млн. тонна плавик шпат захирали	

I

Т/р	Фойдали қазилма	I гуруҳ				II гуруҳ				III гуруҳ				IV гуруҳ			
		2				3				4				5			
1																	
37.	Фосфоритлар					50 млн. тоннадан зиёд P_2O_5 захирали				30—50 млн. тонна P_2O_5 захирали				10—30 млн. тонна P_2O_5 захирали			
38.	Калийли тузлар а) хлорли туз б) сульфат ва аралаш тузлар	20 фойздан ортиқ калий оксиди бўлган 1 млрд. тоннадан зиёд хом туз захирали 10 фойздан ортиқ калий оксиди бўлган 500 млн. тоннадан зиёд хом туз захирали				20 фойздан ортиқ калий оксиди бўлган 0,6—1,0 млрд. тонна хом туз захирали 10 фойздан ортиқ калий оксиди бўлган 300—500 млн. тонна хом туз захирали				20 фойздан ортиқ калий оксиди бўлган 400—600 млн. тонна хом туз захирали 200—300 млн. тонна хом туз захирали				Қазиб олиш конлари яқиндаги 200—400 млн. тонна хом туз захирали 100—200 млн. тонна хом туз захирали			
39.	Ош тузи а) озиқ-овқат саноати учун б) килмё саноати учун	—				туз сифати ундан симоб электролизи ёки сода ишлаб чиқариш учун фойдаланиш имконини берадиган 1 млрд. тоннадан зиёд туз захирали				туз сифати ундан сода ишлаб чиқариш учун фойдаланиш имконини берадиган 0,8—1 млрд. тонна туз захирали				300 млн. тоннадан зиёд хом туз захирали 400—800 млн. тонна хом туз захирали			
40.	Натрий сульфат (мирабилит и тенардит)	10 млн. тоннадан зиёд захирали				8—10 млн. тонна захирали				5—8 млн. тонна захирали				2,5—5 млн. тонна захирали			
41.	Соф олтингугурт	20 млн. тоннадан зиёд олтингугурт захирали				15—20 млн. тонна олтингугурт захирали				7—15 млн. тонна олтингугурт захирали				2—7 млн. тонна олтингугурт захирали			
42.	Саноат сувлари а) таркибида камда 15 мг/л йод бўлган йодли сувлар б) таркибида камда 500 мг/л бром бўлган бромли сувлар	20 минг тоннадан зиёд йод захирали ёки суткасига 35 минг m^3 сув захирали 220 минг тоннадан зиёд бром захирали ёки суткасига 45 минг m^3 сув захирали				15—20 минг тонна йод ёки суткасига 25—35 минг m^3 сув захирали 150—220 минг тонна бром ёки суткасига 30—45 минг m^3 сув захирали				9—15 минг тонна йод ёки суткасига 15—25 минг m^3 сув захирали 90—150 минг тонна бром ёки суткасига 18—30 минг m^3 сув захирали				3—9 минг тонна йод ёки суткасига 5—15 минг m^3 сув захирали 30—90 минг тонна бром ёки суткасига 6—18 минг m^3 сув захирали			

+

+

Т/р	Фойдалани қазилма	IV гуруҳ			
		I гуруҳ	II гуруҳ	III гуруҳ	IV гуруҳ
1	2	3	4	5	6
	в) таркибда камда 10 мг/л йод, камда 250 мг/л бром бўлган йод-бромли сувлар	4,5 минг тоннадан зиёд йод ва 115 минг тонна бром захирали ёки суткасига 45 минг м ³ сув захирали	3—4,5 минг тонна йод ва 75—115 минг тонна бром ёки суткасига 30—45 минг м ³ сув захирали	1,8—3,0 минг тонна йод ва 45—75 минг тонна бром ёки суткасига 18—30 минг м ³ сув захирали	0,6—1,8 минг тонна йод ва 45—75 минг тонна бром ёки суткасига 6—18 минг м ³ сув захирали
43.	Барит	—	—	Рудад 70 фоиздан ортқ барий олтингурут тузи бўлган 2—3 млн. тонна захирали	Ишлаб турган корхоналар яқинида рудала 50 фоиздан ортқ барий олтингурут тузи бўлган 1—2 млн. тонна захирали
44.	Магnezитлар	100 млн. тоннадан зиёд захирали	50—100 млн. тонна захирали	30—50 млн. тонна захирали	Ишлаб турган корхоналар яқинида 10—30 млн. тонна захирали
45.	Бруситлар	—	—	Бойитиш талаб қилинмай— диган 5 млн. тоннадан зиёд брусит захирали	Бойитиш талаб қилинмайдиган 2—2,5 млн. тонна брусит захирали
46.	Доломитлар (металлургия ва кимё саноати учун)	—	—	Камида 30 млн. тоннаси ўтга чидамли смолодолитлар ишлаб чиқариш учун яроқли бўлган 100 млн. тоннадан зиёд доломит захирали	30—100 млн. тонна захирали
47.	Оҳақтош (металлургия, пишасозлик ва кимё саноати учун)	—	—	Металлургия ишлаб чиқариши учун 150 млн. тоннадан зиёд захирали	Металлургия ишлаб чиқариши учун 30—150 млн. тонна захирали
48.	Гил а) ўтга чидамли гил б) қийин эрийдиган гил в) бентонит гил г) агрокимё рудалари (бентонит, глауконит хом ашё)	— — —	— — —	15 млн. тоннадан зиёд захирали 30—50 млн. тонна захирали темир рудаси ва бошқа оқатиш ва юқори сифатли адсорбентлар тайёрлаш учун яроқли бўлган 15—25 млн. тонна захирали	5—15 млн. тонна захирали 10—30 млн. тонна захирали 5—15 млн. тоннадан зиёд захирали
49.	Каолинлар	50 млн. тоннадан зиёд захирали	30—50 млн. тонна захирали	20—30 млн. тонна захирали	5—20 млн. тонна захирали
50.	Кварцитлар — кимё ва абразив саноати учун ферроқотишмалар, карбид, кремний ва юқори кремнезёмли жинселар учун	—	—	20 млн. тоннадан зиёд захирали 30 млн. тоннадан зиёд захирали	5—20 млн. тонна захирали 5—30 млн. тонна захирали
51.	Қолинлаш қўмлари ва бошқа қолинлаш материаллари	—	—	20 млн. тоннадан зиёд захирали	8—20 млн. тонна захирали

I

Т/р	Фойдалани қазилма	I гуруҳ				II гуруҳ				III гуруҳ				IV гуруҳ			
		3				4				5				6			
1	Цемент хом ашёси	—				—				150 млн. тоннадан зиёд карбонат хом ашёси ва 50 млн. тоннадан зиёд гилли компонентлар захиралари				75—150 млн. тонна карбонат хом ашёси ва 30—50 млн. тонна гилли компонентлар захиралари			
52.	б) гидравлик қўшилмалар (трепел диатомитлар, опокалар ва бошқалар)	—				—				—				Цемент ишлаб чиқариш учун яроқли бўлган 10 млн. тонна хом ашё захиралари			
53.	Шиша саноати қўмлари (дераза ойнаси ва махсус буюмлар учун)	—				—				а) бойитилгандан кейин таркибида 0,03 фойздан кўп бўлмаган темир оксиди бўлган 15 млн. тоннадан зиёд қўм захиралари б) бойитилгандан кейин таркибида 0,015 фойздан кўп бўлмаган темир оксиди бўлган 5 млн. тоннадан зиёд қўм захиралари				Бойитилгандан кейин таркибида 0,03 фойздан кўп бўлмаган темир оксиди бўлган 5—15 млн. тонна қўм захиралари			
54.	Пегматитлар ва полевошпат хом ашёсининг бошқа турлари	—				—				2 млн. тоннадан зиёд қўм захиралари, шундан камида 1 млн. тоннаси калий ва натрийнинг ўзаро нисбати 3 : 1 ташкил этади				1—2 млн. тонна захиралари			
55.	Пардозлаш тошлари а) декоратив-пардозлаш материаллари тайёрлаш учун отилиб чиққан, метаморфик ва бошқа жинслар б) мрамртошлар (архитектура-қурилиш, майда буюмлар ясаш материаллари ва статуялар в) қўмтошлар	—				—				Камида 30 фойз блоклар чиқадиган 5 млн. м ³ тош захиралари Камида 15 фойз блоклар чиқадиган 2 млн. м ³ рангли ва оқ мрамртош захиралари				Камида 30 фойз блоклар чиқадиган 2—5 млн. м ³ тош захиралари Камида 15 фойз блоклар чиқадиган 1—2 млн. м ³ рангли ва оқ мрамртош захиралари Камида 15 фойз блоклар чиқадиган 1 млн. м ³ қўмтош захиралари			
56.	Гилслар	—				—				—				Ушбу хом ашё танқис бўлган районларда 5 млн. тоннадан зиёд гипс захиралари			
57.	Бўрттирилган ва композицион материаллар ишлаб чиқариш учун базальтлар ва бошқа эффузив ва гилли жинслар	—				—				—				3 млн. м ³ дан зиёд захиралари			
58.	Воластонит (қўлчилик ва саноатнинг бошқа тармоқлари учун)	—				—				—				1 млн. м ³ дан зиёд захиралари			

+

+

Т/р	Фойдаланиш қазилма	I гуруҳ	II гуруҳ	III гуруҳ	IV гуруҳ
1	2	3	4	5	6
59.	Силикат гипс ишлаб чиқариш қумлари Оҳак сўндириш, силикат гипс ишлаб чиқариш ва бошқа эҳтиёжлар учун мўлжалланган оҳак-тошлар	—	—	—	10 млн. м ³ дан зиёд қум захирали 10 млн. тоннадан зиёд оҳактош захирали
60.	Сув табииноти учун мўлжалланган чўчук сувлар: а) сув захиралари ўта танқис бўлган чўл ва ярим чўл ҳудудларидаги чўчук сувлар б) Ўзбекистоннинг бошқа ҳудудларидаги чўчук сувлар	—	Суткасига 100 минг м ³ дан зиёд захирали Суткасига 300 минг м ³ дан зиёд захирали	Суткасига 50—100 минг м ³ захирали Суткасига 100—300 минг м ³ захирали	Суткасига 10—50 минг м ³ захирали Суткасига 30—100 минг м ³ захирали
61.	Даволаниш учун фойдаланиладиган маъданли сувлар: а) таркибида эритилган карбонат кислота камда 1 г/л ва маъданланганлиги 4 г/л бўлган карбонат сувлар (боржоми, эссенуки, арзинистису, жермук, пятиягорек турлари); б) таркибида эритилган карбонат кислота камда 1,5 г/л ва умумий маъданланганлиги камда 2 г/л бўлган карбонат сувлар (кислородек, дарасунок ва бошқа турлари); в) таркибида темир камда 20 мг/л бўлган карбонат-темирли сувлар ва таркибида мишьяк камда 10 мг/л бўлган карбонат-мишьякли сувлар; г) гидрокарбонат магний-кальцийли сувларнинг нафтуса хили (бальнеология таъсири таърибада тасдиқланган); д) турли ион таркибли ва таркибида камда 100 мг/л сульфид билан маъданланган сульфидли сувлар; е) таркибида радон 10 ммкюри (100 эман) дан ортиқ бўлган турли ион таркибли радонли сувлар; ж) карбонатли (1,5 г/л дан ортиқ эритилган карбонат кислотали) ёки термал (35° С дан ортиқ ёки 10 г/л ортиқ маъданланган) совуқ ва илқ кам маъданланган сувлар;	—	—	Суткасига 200—300 минг м ³ захирали Суткасига 250—500 минг м ³ захирали Суткасига 100 минг м ³ дан зиёд захирали Суткасига 25—50 минг м ³ захирали Суткасига 400—800 минг м ³ захирали Суткасига 250—500 минг м ³ захирали Суткасига 500 минг м ³ захирали	Суткасига 75—200 минг м ³ захирали Суткасига 100—250 минг м ³ захирали Суткасига 50—100 минг м ³ захирали Суткасига 10—25 минг м ³ захирали Суткасига 200—400 минг м ³ захирали Суткасига 100—250 минг м ³ захирали Суткасига 250—500 минг м ³ захирали

I

Т/р	Фойдали қазилма	I гуруҳ	II гуруҳ	III гуруҳ	IV гуруҳ
1	2	3	4	5	6
	з) азотли и метан термал (35°C дан ортиқ) ва кремний (таркибида кремний кислотаси 0,05 г/л дан ортиқ бўлган) турли ион таркибли ва маъданланган сувлар.	—	—	Суткасига 1000 минг м^3 дан зиёд захирали	Суткасига 1000 минг м^3 гача захирали
62.	Термал сувлар (иссиқ техник сувлар ҳарорати 60° дан зиёд ва маъданланганлиги 10 г/л гача бўлган ёғинларда тушадиган агрессив компонентлар ва тузлар бўлмаган тақдирда)	—	—	Суткасига 25 минг м^3 да зиёд захирали	Суткасига 10—25 минг м^3 захирали

Изоҳ:

1. Суюқ углеводородлар захиралари биргаликда баҳоланади (нефть + конденсат).
2. Углеводородлар комплекс конлари бўйича захиралари углеводородлар суммаси бўйича баҳоланади (нефть + газ + конденсат).
3. Ер ости сувлари конларини очганлик учун пул мукофоти лойиҳалашда ҳисобга олинadиган захиралардан келиб чиқиб, лойиҳа топшириғида аниқланган эҳтиёжга мувофиқ белгиланади
4. Битта ва худди шу сақланган сув қатламининг захираларини ёнма-ён ёки яқин жойлашган участкалари бўйича, шунингдек ишлаб турган сув чиқариш иншоотлари участкалари бўйича ер ости чучук сувларини қидирганлик ва ҳисоблаб чиққанлик учун пул мукофоти белгиланмайди.
5. Шу ёки бошқа ер ости сувларидан фойдаланишни мушкуллаштирадиган иқтисодий омиллар бўлганда (сув чиқариш иншоотининг истеъмолчидан анча узоқлиги, сувни истеъмол қилишни чеклайдиган ёки мураккаб тозалаш иншоотларини қуриш зарурияти туғдирадиган сув сифатининг ёмонлашуви, сув чиқариш иншоотининг жуда чуқурлиги ва бошқалар) пул мукофоти миқдори камаяди.
6. Ҳудуд учун ер ости сувларининг танқислик даражаси Ўзбекистон Республикаси Давлат геология ва минерал ресурслар қўмитаси маълумотномаси билан тасдиқланади.
7. Захиралари фойдали қазилмалар миқдори бўйича I гуруҳ конидагидан 2 барабар ва ундан кўп ошадиган конлар бўйича пул мукофоти миқдори захираларнинг кўпайишига мутаносиб равишда оширилиши мумкин.
8. Янги ёки илгари маълум бўлган кам учрайдиган ва тарқоқ элементлар (индий, тулий, теллур ва бошқалар), шунингдек қазиб олиш учун мустақил қийматга эга бўлган миқдорда олтин, қумуш ва платина ҳамда ушбу иловада назарда тутилмаган фойдали қазилмалар конларини очганлик учун пул мукофотлари Идоралараро комиссия томонидан белгиланadиган миқдорларда тўланиши мумкин.

+

Саноат аҳамиятига эга бўлган фойдали қазилмалар янги конларини очганлик ёки илгари маълум бўлган конларни (конларнинг участкаларини) тубдан қайта баҳолаганлик учун пул мукофотлари тўғрисидаги низомга
2-ИЛОВА

Саноат аҳамиятига эга бўлган фойдали қазилмалар янги конларини (коннинг, фойдали қазилманинг номи) очганлик ёки илгари маълум бўлган конларни (конларнинг участкаларини) тубдан қайта баҳолаганлик учун пул мукофоти тавсия этилаётган шахслар рўйхати

Кон _____ йилда очилган.

Қидирув (қайта баҳолаш) _____ йилда ўтказилган.

Захиралар _____ йилда ўрганиб чиқиш ҳолати бўйича

_____ йилда тасдиқланган.

Сейсмология-қидирув ишлари _____ йилда ўтказилган

Т/р	Фамилияси, исми, отасининг исми	Манзили, яшаш жойи	Иш жойи ва эгаллаб турган лавозими		Кон очилган, қидирилган ёки қайта баҳоланган даврда ишлаган вақти (ишлаган йиллари)	Кон очиш ва қидиришда (қайта баҳолашда) қатнашиш тавсифи ва даражаси	Махсус пул мукофотининг таклиф этилаётган миқдори, сўм
			кон очилган ва қидирилган даврда	ҳозирги вақтда			
1	2	3	4	5	6	7	8

I. Конни очган ва (ёки) қидирган шахслар

II. Кон очилишига олиб келган ер ости бойликларини геологик ўрганиш ишларида бевосита қатнашган ва (ёки) конни қидиришга (тубдан қайта баҳолашга) ва унинг саноатдаги аҳамиятини аниқлашга алоҳида ҳисса қўшган шахслар

Жами: _____ сўм

Корхона (ташкилот) раҳбари _____

имзо, Ф.И.О. (гербли муҳр)

БЕШИНЧИ БЎЛИМ

ЎЗБЕКИСТОН РЕСПУБЛИКАСИ ДАВЛАТ ПАТЕНТ ИДОРАСИ
ДИРЕКТОРИНИНГ
БҮЙРУҒИ

474 Товар келиб чиққан жой номини ва товар келиб
чиққан жой номидан фойдаланиш ҳуқуқини бериш-
ни рўйхатдан ўтказишга доир талабнома тузиш, топшириш ва
кўриб чиқиш қоидаларига ўзгартириш ва қўшимчалар кири-
тиш тўғрисида

*Ўзбекистон Республикаси Адлия вазирлиги томонидан 2007 йил
13 ноябрда 1185-1-сон билан давлат рўйхатидан ўтказилди*

(2007 йил 23 ноябрдан кучга киради)

Ўзбекистон Республикасининг «Товар белгилари, хизмат кўрсатиш белгилари
ва товар келиб чиққан жой номлари тўғрисида»ги Қонунига мувофиқ **буюраман:**

1. Ўзбекистон Республикаси Давлат патент идораси директорининг 2002 йил
11 октябрдаги 52-сонли буйруғи билан тасдиқланган «Товар келиб чиққан жой
номини ва товар келиб чиққан жой номидан фойдаланиш ҳуқуқини беришни рўйхат-
дан ўтказишга доир талабнома тузиш, топшириш ва кўриб чиқиш қоидалари»га
(2002 йил 1 октябрь, рўйхат рақами 1185) иловага* мувофиқ ўзгартириш ва қўшим-
чалар киритилсин.

2. Мазкур буйруқ Ўзбекистон Республикаси Адлия вазирлигида давлат рўйха-
тидан ўтказилган вақтдан эътиборан ўн кун ўтгач кучга киради.

**Давлат патент
идораси директори**

А. АЗИМОВ

Тошкент ш.,
2007 йил 17 октябрь,
72-сон

* Илова рус тилидаги матнда берилган.

ЎЗБЕКИСТОН РЕСПУБЛИКАСИ МОЛИЯ ВАЗИРЛИГИ
ЎЗБЕКИСТОН РЕСПУБЛИКАСИ ҚИШЛОҚ ВА СУВ ХЎЖАЛИГИ
ВАЗИРЛИГИНИНГ
ҚАРОРИ

**475 Уруғлик пахта хом ашёси етиштириш миқдорини
аниқлаш ва унга асосан шартномалар тузиш тарти-
би тўғрисидаги низомни тасдиқлаш ҳақида**

*Ўзбекистон Республикаси Адлия вазирлиги томонидан 2007 йил
14 ноябрда 1738-сон билан давлат рўйхатидан ўтказилди*

(2007 йил 24 ноябрдан кучга киради)

Ўзбекистон Республикасининг «Уруғчилик тўғрисида» ва «Селекция ютуқлари тўғрисида»ги қонунларига мувофиқ ҳамда Ўзбекистон Республикаси Президентининг 2006 йил 27 декабрдаги ПҚ–543-сон «2007 йилда пахта етиштиришнинг прогноз ҳажмлари ва ғўзани навлар бўйича жойлаштириш тўғрисида» (Ўзбекистон Республикаси Олий Мажлиси палаталарининг ахборотномаси, 2006 йил 10-сон, 721-модда)ги қарорини бажарилишини таъминлаш мақсадида **қарор қиламиз:**

1. Илова қилинаётган «Уруғлик пахта хом ашёси етиштириш миқдорини аниқлаш ва унга асосан шартномалар тузиш тартиби тўғрисидаги низом» тасдиқлансин.
2. Мазкур қарор Ўзбекистон Республикаси Адлия вазирлигида давлат рўйхатидан ўтказилганидан сўнг ўн кундан кейин кучга киради.

Молия вазири

Р. АЗИМОВ

Тошкент ш.,
2007 йил 2 октябрь,
89-сон

**Қишлоқ ва сув
хўжалиги вазири**

С. ИСМОИЛОВ

Тошкент ш.,
2007 йил 2 октябрь,
3/11-сон

Молия вазирлиги, Қишлоқ ва сув хўжали-
ги вазирлигининг 2007 йил 2 октябрдаги
89, 3/11-сон қарори билан
ТАСДИҚЛАНГАН

Уруғлик пахта хом ашёси етиштириш миқдорини аниқлаш ва унга асосан шартномалар тузиш тартиби тўғрисида НИЗОМ

Мазкур Низом Ўзбекистон Республикасининг «Уруғчилик тўғрисида», «Селекция ютуқлари тўғрисида»ги қонунларига ҳамда «2007 йилда пахта етиштиришнинг прогноз ҳажмлари ва ғўзани навлар бўйича жойлаштириш тўғрисида» Ўзбекистон Республикаси Президентининг 2006 йил 27 декабрдаги ПҚ-543-сон (Ўзбекистон Республикаси Олий Мажлиси палаталарининг ахборотномаси, 2006 йил, 10-сон, 721-модда) қарорига мувофиқ, уруғлик пахта хом ашёси етиштириш миқдорини аниқлаш ва унга асосан шартномалар тузиш ҳамда етиштирилган уруғлик пахта хом ашёси учун ҳисоб-китобларни амалга ошириш тартибини белгилайди.

I. Уруғлик пахта хом ашёси етиштириш миқдорини аниқлаш

1. Ўзбекистон Республикаси Қишлоқ ва сув хўжалиги вазирлиги «Ўзпахтасаноат» уюшмаси билан биргаликда республикада охириги 3 йилда уруғлик чигитнинг ҳақиқатдаги сарфидан ҳамда келгуси йил пахта хом ашёсини етиштиришнинг прогноз ҳажмларидан келиб чиқиб, етиштириладиган уруғлик пахта хом ашёсининг асосий ва захира фондлари миқдорини аниқлайди ва Ўзбекистон Республикаси Иқтисодиёт вазирлиги билан келишилган ҳолда ҳар йили 1 ноябрдан кечиктирмасдан Ўзбекистон Республикаси Вазирлар Маҳкамасига тақдим этади.

2. Уруғлик пахта хом ашёси экиладиган майдон миқдори пахта етиштиришнинг прогноз ҳажмлари ва ғўзани навлар бўйича жойлаштириш тўғрисида Ҳукумат қарорига мувофиқ белгиланади.

II. Уруғлик пахта хом ашёсини етиштириш учун шартномалар тузиш ва ҳисоб-китобларни амалга ошириш тартиби

3. Уруғлик пахта хом ашёсининг асосий ва захира фондини етиштирувчи хўжаликлар «Супер элита, элита ва кейинги авлодларга мансуб уруғлик пахта етиштириш ҳуқуқига эга бўлиш учун хўжаликлар ўртасида танлов ўтказиш тартиби тўғрисида низом»га (2006 йил 13 март, рўйхат рақами 1551 — Ўзбекистон Республикаси қонун ҳужжатлари тўплами, 2006 йил, 11-сон, 88-модда) мувофиқ танлов асосида аниқланади.

4. Танлов асосида аниқланган уруғлик пахта хом ашёси етиштирувчи хўжаликлар билан пахта тозалаш корхоналари ўртасида «2004 — 2006 йилларда фермер хўжаликларини ривожлантириш концепциясини амалга ошириш чора-тадбирлари тўғрисида» Ўзбекистон Республикаси Вазирлар Маҳкамасининг 2003 йил 30 октябрдаги 476-сон қарорига (Ўзбекистон Республикаси қонун ҳужжатлари тўплами, 2003 йил, 20-сон, 200-модда) мувофиқ, уруғлик пахта хом ашёси етиштириб бериш бўйича контрактация шартномалари тузилади ва ушбу шартномада етиштириладиган уруғлик пахта хом ашёсининг асосий ва захира фонди, уруғлик пахта хом ашё-

сининг селекцион нави, авлоди ва миқдори ҳамда пахта уруғчилигига оид бошқа шартлар кўрсатилади.

5. Уруғлик пахта хом ашёсига «1999-2000 йилларда пахта навларини янгилаш ва жойлаштириш дастури тўғрисида» Ўзбекистон Республикаси Вазирлар Маҳкамасининг 1998 йил 25 ноябрдаги 491-сон қарорига мувофиқ етиштирилган уруғлик пахта хом ашёсидан тайёрланган уруғлик чигит Ўзбекистон Давлат стандарти (O'zDSt-663-2006 «Уруғлик чигит. Техникавий шартлар») талабларига мос бўлганда, пахта хом ашёси қийматига нисбатан супер элита ва элита уруғлик чигит учун 100 фоиз, I-авлод (R_1) учун 75 фоиз, II-авлод (R_2) учун 50 фоиз ва III-авлод (R_3) учун 25 фоиз миқдорида устамалар ҳисобланади.

6. Устамалар етиштирилган уруғлик пахта хом ашёсининг асосий фонди миқдорига ҳисобланади ва қуйидаги тартибда икки босқичда ҳисоб-китоб амалга оширилади:

а) биринчи босқичда — топширилган уруғлик пахта хом ашёси учун ҳисобланган устаманинг 50 фоизи миқдорида уруғчилиги хўжаликларига пахта хом ашёсини пахта тозалаш корхонасига топширган вақтда;

б) иккинчи босқичда — топширилган уруғлик пахта хом ашёсидан тайёрланган ва сифати Ўзбекистон Республикаси Қишлоқ ва сув хўжалиги вазирлиги ҳузуридаги «Ўздавуруғназоратмаркази» томонидан сертификатланган уруғлик чигит учун бевосита уруғлик етиштирувчи хўжаликларга ва нав оригинаторлари бўлган илмий муассасаларга ҳамда уруғни тайёрлашда иштирок этган бошқа субъектларга ҳисобланган устаманинг қолган қисми — 100 фоиз деб ҳисобланиб, 10 фоизи уруғчиликни ташкил этишда иштирок этувчи пахта тозалаш корхоналари ихтиёрида қолдирилади, 40 фоизи уруғлик пахта хом ашёсини етиштирувчи хўжаликларнинг ҳисобварағига ва қолган 50 фоизи Ўзбекистон Республикаси Қишлоқ ва сув хўжалиги вазирлиги ҳузуридаги Ғўза уруғчилиги республика марказининг ҳисобварағига ўтказилади ва қуйидагича тақсимланади:

Ғўза уруғчилиги республика марказига ва унинг вилоят бирлашмаларига ҳамда элита уруғчилиги лабораторияларига — 20 фоиз;

нав оригинаторлари, институтлар, селекционер ва уруғчиликда иштирок этувчи бошқа субъектларга — 30 фоиз.

7. Ўтказиладиган маблағнинг нав оригинаторлари, институтлар, селекционер олимларга тегишли қисми тақсимоотида уларнинг тайёрланган пахта уруғлигидаги улуши эътиборга олинади.

8. Нав оригинаторлари, институтлар, селекционер олимлар ва уруғчиликда иштирок этувчи бошқа субъектларга устама маблағлар Қишлоқ ва сув хўжалиги вазирлиги томонидан тасдиқланадиган йиллик харажатлар сметасига ҳамда тегишли ташкилотлар билан тузиладиган шартномаларга мувофиқ Ўзбекистон Республикаси Қишлоқ ва сув хўжалиги вазирлиги ҳузуридаги Ғўза уруғчилиги республика маркази махсус ҳисобварағидан ўтказиб берилади.

9. Зарурий ҳолатларда уруғлик пахта хом ашёсининг захира фондидан тайёрланган уруғлик чигит экиш учун ишлатилиши мумкин. Бу ҳолатда устама ҳақ экилган уруғлик чигит миқдорида мос равишда аниқланган пахта хом ашёси ҳажмига ва бу уруғлик пахта хом ашёсини топширган хўжаликларга мутаносиб равишда ҳисобланади ва иккинчи босқичда ушбу Низомнинг 7-бандига мувофиқ белгиланган тартибда тўловлар амалга оширилади.

10. Пахта тозалаш корхоналарида қабул қилинган асосий фонддаги уруғлик пахта хом ашёсидан белгиланган миқдорда уруғлик чигитни дориланган асосий ва захира

жамғармаси тайёрланади ҳамда ҳўжаликларга экиш учун беришда қуйидаги тартибда ҳисоб-китоблар амалга оширилади:

асосий жамғармадаги уруғлик чигитнинг баҳоси умумий уруғлик чигит (асосий ва захирадаги уруғлик)ни тайёрлаш учун кетган барча харажатларни ҳисобга олиб аниқланади ва ҳўжаликларга ушбу баҳода сотилади;

захира жамғармасидаги уруғлик чигитнинг баҳоси асосий жамғармадаги уруғлик чигит ҳўжаликларга сотилган вақтдан кейинги даврдаги харажатлар ҳисобга олиниб аниқланади ва зарурий ҳолатларда ҳўжаликларга шу баҳода сотилади.

III. Томонларнинг жавобгарлиги ва назорат

11. Белгиланган миқдорда уруғлик пахта хом ашёсини етиштиришга ва уни қайта ишлаб сифатли уруғлик тайёрланишига барча манфаатдор идоралар ва корхоналар ҳамда масъул шахслар «Вазирликлар, идоралар, илмий-тадқиқот муассасалари, элита уруғчилик ҳўжаликлари, пахта етиштирувчи ҳўжаликлар, ғўза уруғчилиги ва селекциясига алоқадор бўлган мансабдор шахсларнинг якуний натижалар учун жавобгарлиги тўғрисида низом»га (2005 йил 12 февраль, рўйхат рақами 1449 — Ўзбекистон Республикаси қонун ҳужжатлари тўплами, 2005 йил, 7-сон, 60-модда) ва бошқа қонун ҳужжатларига мувофиқ жавобгар бўлади.

12. Пахта тозалаш корхоналарига топширилган уруғлик пахта хом ашёси учун ҳисоб-китобларни тўғрилиги ва ўз вақтида амалга оширилишини Ўзбекистон Республикаси Молия вазирлигининг Назорат-тафтиш бош бошқармаси назорат қилади.

IV. Якуний қоида

13. Ушбу тартиб 2007 йил пахта ҳосилидан бошлаб татбиқ этилади.

14. Мазкур Низом Ўзбекистон Республикаси Иқтисодиёт вазирлиги ва «Ўзпахтасаноат» уюшмаси билан келишилган.

Иқтисодиёт вазири

Б. ХОДЖАЕВ

*Тошкент ш.,
2007 йил 2 октябрь*

*«Ўзпахтасаноат»
уюшмаси раиси*

Ф. ОМОНОВ

*Тошкент ш.,
2007 йил 2 октябрь*

ЎЗБЕКИСТОН РЕСПУБЛИКАСИ ДАВЛАТ СТАТИСТИКА ҚЎМИТАСИ
ЎЗБЕКИСТОН РЕСПУБЛИКАСИ ДАВЛАТ МУЛКИНИ БОШҚАРИШ ДАВЛАТ
ҚЎМИТАСИНING
ҚАРОРИ

476 «Давлат активлари иштирокида ташкил этилган қўшма корхоналарнинг ҳисоби ва фаолияти мониторингининг ягона тартиби»ни ўз кучини йўқотган деб топиш тўғрисида

*Ўзбекистон Республикаси Адлия вазирлиги томонидан 2007 йил
16 ноябрда 797-1-сон билан давлат рўйхатидан ўтказилди*

(2007 йил 26 ноябрдан кучга киради)

Ўзбекистон Республикасининг «Давлат статистикаси тўғрисида»ги Қонунининг 6-моддасига асосан ҳамда Ўзбекистон Республикаси Вазирлар Маҳкамасининг 2003 йил 8 январдаги 8-сонли қарори билан тасдиқланган Ўзбекистон Республикаси Давлат статистика қўмитаси тўғрисидаги низомга ва Ўзбекистон Республикаси Президентининг 2006 йил 26 апрелдаги ПҚ-335-сонли қарори билан тасдиқланган Ўзбекистон Республикаси Давлат мулкни бошқариш давлат қўмитаси тўғрисидаги низомга мувофиқ, Ўзбекистон Республикаси Давлат статистика қўмитаси ва Ўзбекистон Республикаси Давлат мулкни бошқариш давлат қўмитаси **қарор қилади:**

1. Ўзбекистон Республикаси Макроиктисодиёт ва статистика вазирлиги томонидан 1999 йил 5 июлдаги 2-5-4-54-сон билан ва Давлат мулкни бошқариш ва тадбиркорликни қўллаб-қувватлаш қўмитаси томонидан тасдиқланган ҳамда Ташқи иқтисодий алоқалар вазирлиги (1999 йил 6 июлдаги ША-01-01-3472-сонли), Давлат солиқ қўмитаси (1999 йил 9 июлдаги 99-88-сонли) билан келишилган «Давлат активлари иштирокида ташкил этилган қўшма корхоналарнинг ҳисоби ва фаолияти мониторингининг ягона тартиби» (1999 йил 6 август, рўйхат рақами 797) ўз кучини йўқотган деб топилсин.

2. Мазкур Қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киради.

**Давлат статистика
қўмитаси раиси**

Тошкент ш.,
2007 йил 5 ноябрь,
15-сон

Ғ. ҚУДРАТОВ

**Давлат мулкни бошқариш
давлат қўмитаси раиси**

Тошкент ш.,
2007 йил 5 ноябрь,
01/16-18/15-сон

Д. МУСАЕВ

Келишилди:

*Ташқи иқтисодий алоқалар,
инвестициялар ва савдо вазири*

Э. ҒАНИЕВ

*Тошкент ш.,
2007 йил 5 ноябрь*

*Давлат солиқ
қўмитаси раиси*

Б. ПАРПИЕВ

*Тошкент ш.,
2007 йил 5 ноябрь*

ЎЗБЕКИСТОН РЕСПУБЛИКАСИ ДАВЛАТ СТАТИСТИКА ҚўМИТАСИ
ЎЗБЕКИСТОН РЕСПУБЛИКАСИ МОНОПОЛИЯДАН ЧИҚАРИШ, РАҚОБАТ
ВА ТАДБИРКОРЛИКНИ ҚўЛЛАБ-ҚУВВАТЛАШ ДАВЛАТ ҚўМИТАСИНING
ҚАРОРИ

**477 1-МОН «Маҳсулотни ишлаб чиқариш ва жўнатиш
бўйича ҳисобот»ни тўлдириш тартиби тўғрисида
йўриқномани тасдиқлаш ҳақидаги қарорни ўз кучини йўқот-
ган деб топиш ҳақида**

*Ўзбекистон Республикаси Адлия вазирлиги томонидан 2007 йил
16 ноябрда 1066-1-сон билан давлат рўйхатидан ўтказилди*

(2007 йил 26 ноябрдан кучга киради)

Ўзбекистон Республикасининг «Давлат статистикаси тўғрисида»ги Қонунининг 6-моддасига асосан ҳамда Ўзбекистон Республикаси Вазирлар Маҳкамасининг 2003 йил 8 январдаги 8-сон қарори билан тасдиқланган Ўзбекистон Республикаси Давлат статистика қўмитаси тўғрисидаги низомга ва Ўзбекистон Республикаси Президентининг 2005 йил 2 майдаги ПҚ-66-сон қарори билан тасдиқланган Монополиядан чиқариш, рақобат ва тадбиркорликни қўллаб-қувватлаш давлат қўмитаси тўғрисидаги низомга мувофиқ, Давлат статистика қўмитаси ҳамда Монополиядан чиқариш, рақобат ва тадбиркорликни қўллаб-қувватлаш давлат қўмитаси **қарор қилади:**

1. Макроиктисодиёт ва статистика вазирлигининг ва Монополиядан чиқариш ва рақобатни ривожлантириш давлат қўмитасининг 2001 йил 28 августдаги 8, 9-сон «1-МОН «Маҳсулотни ишлаб чиқариш ва жўнатиш бўйича ҳисобот»ни тўлдириш тартиби тўғрисида йўриқномани тасдиқлаш ҳақида»ги қарор (2001 йил 15 сентябрь, рўйхат рақами 1066 — Меъёрий ҳужжатлар ахборотномаси, 2001 йил, 17-сон) ўз кучини йўқотган деб топилсин.

Ўзбекистон Республикаси қонун ҳужжатлари тўплами, 2007 й.

2. Мазкур Қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киради.

**Давлат статистика
қўмитаси раиси**

Ғ. ҚУДРАТОВ

Тошкент ш.,
2007 йил 6 ноябрь,
18-сон

**Монополиядан чиқариш, рақобат
ва тадбиркорликни қўллаб-қувватлаш
Давлат қўмитаси раиси в.б.**

Б. УЛАШОВ

Тошкент ш.,
2007 йил 6 ноябрь,
13-сон

+

ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИНИНГ
ҚАРОРИ

—

478 Ўзбекистон Республикаси банк тизимида дастурий
таъминотлардан фойдаланишга рухсат бериш тарти-
бини тасдиқлаш тўғрисидаги қарорни ўз кучини йўқотган деб
ҳисоблаш ҳақида

*Ўзбекистон Республикаси Адлия вазирлиги томонидан 2007 йил
20 ноябрда 856-1-сон билан давлат рўйхатидан ўтказилди*

(2007 йил 30 ноябрдан кучга киради)

«Ўзбекистон Республикасининг Марказий банки тўғрисида»ги Қонунга муво-
фиқ Ўзбекистон Республикаси Марказий банки Бошқаруви **қарор қилади:**

Марказий банк Бошқарувининг 1999 йил 29 октябрдаги 20/5-сонли «Ўзбекис-
тон Республикаси банк тизимида дастурий таъминотлардан фойдаланишга рухсат
бериш Тартибини тасдиқлаш тўғрисида»ги қарори (1999 йил 21 декабрь, рўйхат
рақами 856) ўз кучини йўқотган деб топилсин.

**Марказий банк
Бошқаруви раиси**

Ф. МУЛЛАЖОНОВ

Тошкент ш.,
2007 йил 29 сентябрь,
25/3-сон

Келишилган:

*Вазирлар Маҳкамаси ҳузуридаги
«Ўзархив» агентлиги Бош директори*

А. АБДУЛЛАЕВ

*Тошкент ш.,
2007 йил 29 сентябрь*

*Вазирлар Маҳкамаси ҳузуридаги
Фан ва технологияларни
ривожлантиришни мувофиқлаштириш
қўмитаси ижро аппарати раҳбари*

Э. ЗОХИДОВ

*Тошкент ш.,
2007 йил 29 сентябрь*

ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИНИНГ
ҚАРОРИ

**479 Ўзбекистон Республикаси банк тизимида дастурий
маҳсулотлардан фойдаланиш учун рухсатнома бериш
тартиби тўғрисидаги низомни тасдиқлаш ҳақида**

*Ўзбекистон Республикаси Адлия вазирлиги томонидан 2007 йил
20 ноябрда 1739-сон билан давлат рўйхатидан ўтказилди*

(2007 йил 30 ноябрдан кучга киради)

«Ўзбекистон Республикасининг Марказий банки тўғрисида»ги Қонунга мувофиқ Ўзбекистон Республикаси Марказий банки Бошқаруви қарор қилади:

1. «Ўзбекистон Республикаси банк тизимида дастурий маҳсулотлардан фойдаланиш учун рухсатнома бериш тартиби тўғрисида»ги низом иловага мувофиқ тасдиқлансин.

2. Мазкур Қарор Ўзбекистон Республикаси Адлия вазирлигида давлат рўйхатидан ўтказилган кундан ўн кун ўтгандан кейин кучга киради.

**Марказий банк
Бошқаруви раиси**

Ф. МУЛЛАЖОНОВ

*Тошкент ш.,
2007 йил 29 сентябрь,
25/4-сон*

Марказий банки Бошқарувининг
2007 йил 29 сентябрдаги
25/4-сонли қарори билан
ТАСДИҚЛАНГАН

**Ўзбекистон Республикаси банк тизимида дастурий
маҳсулотлардан фойдаланиш учун рухсатнома бериш
тартиби тўғрисида
НИЗОМ**

Мазкур Низом Ўзбекистон Республикасининг «Ўзбекистон Республикасининг Марказий банки тўғрисида»ги, «Банклар ва банк фаолияти тўғрисида»ги, «Ахборотлаштириш тўғрисида»ги қонунлари ва Ўзбекистон Республикаси банк фаолиятини тартибга солишга доир меъёрий ҳужжатлар асосида ишлаб чиқилган бўлиб, банк технологияларини автоматлаштирувчи ва Ўзбекистон Республикаси Марказий банкнинг ахборот тизимлари билан функционал ўзаро мувофиқ равишда ишловчи дастурий маҳсулотлардан фойдаланиш имкониятларини ўрганиш ишларини ташкил этиш, ўрганишнинг мақсади, вазифаси, тамойиллари, иштирокчилари ва тартибини ҳамда уларни Ўзбекистон Республикаси банк тизими (кейинги ўринларда банк тизими) дастурий маҳсулотлари рўйхатида қайд қилиш қоидаларини белгилайди.

I. Умумий қоидалар

1. Ушбу Низом мақсадлари учун қуйидаги атамалардан фойдаланилган:

дастурий маҳсулот — тижорат банкларида фойдаланишга мўлжалланган, Марказий банкнинг ахборот тизимлари ҳамда ахборот ресурслари билан ўзаро ҳамкорликда ишлайдиган дастурий воситалар.

дастурий маҳсулотлар рўйхати — Ўзбекистон Республикаси банкларида фойдаланишга рухсат этилган дастурий маҳсулотларга доир маълумотларни ўз ичига олувчи маълумотлар базаси.

ариза берувчи — дастурий маҳсулотни текширувдан ўтказиш учун ариза берган банк.

Марказий банк рухсатномаси — Марказий банк томонидан ариза берувчига бериладиган ва дастурий маҳсулотнинг банк фаолияти талабларига мослигини ва ундан Ўзбекистон Республикаси банк тизимида фойдаланиш мумкинлигини кўрсатувчи ҳужжат.

**II. Дастурий маҳсулотларни ўрганиш мақсади, вазифаси ва
асосий қоидалари**

2. Дастурий маҳсулотни ўрганишнинг асосий мақсади — дастурий маҳсулотнинг Ўзбекистон Республикаси банк тизимида қўлланилиш лаёқатлилиги ҳамда Ўзбекистон Республикаси Марказий банки (кейинги ўринларда — Марказий банк) талабларига мувофиқлигини аниқлашдан иборатдир.

3. Дастурий маҳсулотни ўрганишнинг асосий вазифалари қуйидагилардир:

- а) дастурий маҳсулотни Ўзбекистон Республикаси қонун ҳужжатлари ва Марказий банк талабларига жавоб беришини аниқлаш;
- б) дастурий маҳсулотни ахборот хавфсизлиги талабларига мослигини аниқлаш;
- в) Ўзбекистон Республикаси банкларида ишлатилаётган дастурий маҳсулотларни

тартибга солиш ва сотиб олинadиган ёки ишлаб чиқилadиган янги дастурий махсулотларни назорат қилиш.

4. Банк фаолиятини автоматлаштиришга мўлжалланган Марказий банк ахборот тизимлари билан функционал ўзаро мувофиқ равишда ишловчи (ишлаб чиқарилган ёки сотиб олинган) дастурий махсулотлар белгиланган тартибда Марказий банк экспертлар комиссияси томонидан ўрганилиши ва банк тизими дастурий махсулотлар рўйхатидан ўтказилиши лозим.

5. Марказий банк рухсатномаси бўлмаган дастурий махсулотлар тажрибавий синовдан ўтгандан сўнг уч ой муддатда рўйхатга олиниши учун Марказий банкка ариза берувчи томонидан тақдим қилиниши керак.

6. Дастурий махсулотлар Марказий банкнинг амалдаги меъёрий ҳужжатларида белгиланган тартиб ва муддатларда ўрганилади.

7. Қайта ишланган дастурий махсулотлар (дастурий махсулотларнинг ўзгартирилган ёки янги версиялари) ушбу Низом талаблари асосида қайтадан ўрганилиши лозим.

8. Марказий банкнинг меъёрий ҳужжатларига ўзгартириш ва қўшимчалар киритилиши оқибатида ўзгартирилган дастурий махсулот версиялари бу ўзгартириш ва қўшимчалар кучга кирган пайтдан бошлаб уч ой мобайнида ўрганишга тақдим этилади.

9. Ўрганиш натижасида дастурий махсулотдаги ахборот билан ишлаш технология жараёнларининг Марказий банк меъёрий ҳужжатлари талаблари ва шартларига, дастурий махсулотнинг ахборот хавфсизлиги талабларига мос эмаслиги, тадбиқ этилаётган дастурий махсулотнинг амалдаги тизимга дастур ва ахборот бўйича ўзаро номувофиқлиги аниқланса, бу ҳолат Марказий банк рухсатномасини берилмаслигига асос бўлади.

10. Дастурий махсулотлар рўйхатида қайд этилмаган дастурий махсулотлардан (5-бандда келтирилган ҳолатдан ташқари ҳолларда) фойдаланганлиги учун банкларга нисбатан амалдаги қонун ҳужжатлари асосида тегишли чоралар қўлланилиши мумкин.

11. Илгари Марказий банк рухсатномаси берилган дастурий махсулотнинг банк тизими меъёрий ҳужжатлари талабларига мос келмаслиги аниқланганда (ўзгартирилганда ёки янги талаблар қўйилганда), ушбу дастурий махсулотлар рўйхатига тегишли белги қўйган ҳолда рухсатнома ҳақиқий эмас деб эълон қилинади ва дастурий махсулотдан фойдаланаётган барча банклар хабардор қилинади.

12. Марказий банк рухсатномаси белгиланган намунадаги бланкларда расмийлаштирилади.

13. Марказий банк рухсатномаси белгиланган намунадаги бланklarини сақлаш ва уларнинг рўйхатини юритиш Тўлов тизими ва ахборотлаштириш департаменти томонидан амалга оширилади.

14. Дастурий махсулотни ўрганиш ҳулосаси бўйича шикоят аризасини бериш қонун ҳужжатларида белгиланган тартибда амалга оширилиши мумкин.

III. Рухсатнома олиш учун тақдим этиладиган дастурий махсулотнинг ҳужжатлар тўпламига қўйиладиган умумий талаблар

15. Дастурий махсулотдан фойдаланувчи банк Марказий банкка дастурий махсулотни рўйхатдан ўтказиб бериш учун ариза билан мурожаат қилади ва унга дасту-

рий маҳсулотнинг намунаси (компьютер ахборотини сақловчи воситадаги нусхаси)ни ҳамда қуйидаги ҳужжатларни тақдим этади:

- а) белгиланган шаклдаги ариза (1-илова);
- б) дастурий маҳсулот ҳақидаги асосий маълумотлар;
- в) дастурий маҳсулотни қўлланиш шартлари ва талаблари;
- г) дастурий маҳсулот тавсифи;
- д) фойдаланувчи қўлланмаси;
- е) дастурий маҳсулотнинг банкдаги синовлари бўйича хулосаси.

16. Дастурий маҳсулот ҳақидаги ҳужжатлар тўплами давлат ёки рус тилларида тақдим этилади.

17. Дастурий маҳсулот ҳақидаги ҳужжатлар мазмунига қуйидаги талаблар қўйилади:

- 1) дастурий маҳсулот тўғрисидаги асосий маълумотлар.

Дастурий маҳсулот тўғрисидаги асосий маълумотларда қуйидагилар келтирилиши шарт:

- а) дастурий маҳсулотнинг тўлиқ расмий номи;
- б) дастурий маҳсулотни вазифаси ва қисқача тавсифи;
- в) дастурий маҳсулотнинг таркибига кирувчи асос қилиб олинган дастурий модуллар рўйхати;
- г) дастурий маҳсулотнинг яратилган санаси ва версияси;
- д) дастурий маҳсулотнинг амалга жорий этилиш санаси (агар амалга жорий этилган бўлса);
- е) ишлаб чиқувчи (етказиб берувчи) тўғрисидаги маълумотлар;
- ё) дастурий маҳсулотни сотиб олиш (ишлаб чиқиш) шартномаси рақами ва санаси (агар дастурий маҳсулот банк томонидан ишлаб чиқилмаган бўлса);
- ж) дастурий маҳсулотга эгалик қилиш ёки фойдаланиш ҳуқуқларини тасдиқловчи ҳужжатлар нусхалари;
- з) бошқа идоралар томонидан берилган сертификатлар нусхалари;
- и) дастурий маҳсулотдан фойдаланадиган банк бўлимлари(кодлари);
- й) қўллаш миқёси (туман, вилоят, республика бўйича).

- 2) дастурий маҳсулотнинг қўлланиш шартларига қўйилган талаблар.
- Ушбу ҳужжатда қуйидаги асосий қисмлар бўлиши керак:
- а) операцион тизимига қўйилган талаблар;
 - б) маълумотлар базасини бошқариш тизимига қўйилган талаблар;
 - в) дастурий маҳсулотни яратиш маҳсулотларга қўйилган талаблар;
 - г) мижоз учун мўлжалланган қисми ишлайдиган муҳитга қўйилган талаблар;
 - д) сервер учун мўлжалланган қисми ишлайдиган муҳитга қўйилган талаблар;
 - е) дастурий маҳсулотнинг маҳаллий ва кенг қамровли ҳисоблаш тармоқларида ишлаши шартлари;
 - ё) фойдаланувчилар тоифаси рўйхати;
 - ж) ҳар бир фойдаланувчилар тоифаси малакасига қўйилган талаблари.

- 3) дастурий маҳсулотнинг тавсифи.

Ушбу ҳужжатда қуйидаги асосий қисмлар бўлиши керак:

- а) функционал вазифаси;
- б) мантикий тизимнинг тавсифи;
- в) чақириш ва юклатиш (ишга тушириш);
- г) киритиладиган ва дастурий маҳсулотни қўллаш натижасида олинадиган маълумотлар (реквизитлар, жадваллар, массивлар, файллар, ҳисобот шакллари).

- 4) фойдаланувчи учун қўлланма.

Ушбу ҳужжатда қуйидаги асосий қисмлар бўлиши керак:

а) дастурий маҳсулотни ишлатиш шартлари (маълумотлар ва дастурлар таркиби);

б) дастурий маҳсулотни ўрганиш (ишлаш қобилиятини ўрганиш);

в) дастурий маҳсулотни бажарилиши (маълумотларни ва дастурни юклатиш тартиби, иш тартиби);

г) фойдаланувчига хабарлар бериш.

5) дастурий маҳсулотнинг банкдаги синовлари бўйича хулосаси.

Ушбу ҳужжат дастурий маҳсулотнинг ўтказилган синов шароитлари, тартиби ва натижаларини, жумладан, дастурий маҳсулотни ўрганиш натижасида у ҳамма босқичларда ишга лаёқатлилигини исботлайдиган аниқ масалалар рўйхатини ўз ичига олиши керак.

18. Дастурий маҳсулот ҳужжатлари (дастурий маҳсулот тавсифи, фойдаланувчи қўлланмаси) ўрганишдан ўтказилаётган пайтда Ўзбекистон Республикасида амалда бўлган мезонларга мос равишда расмийлаштирилиши керак.

IV. Рўйхатдан ўтказиш учун тақдим этилган дастурий маҳсулотга қўйиладиган умумий талаблар

19. Лицензияга мувофиқлиги, яъни дастурий маҳсулот лицензияли дастурий маҳсулотдан фойдаланган ҳолда ишлатилиши шарт.

20. Маслаҳатлар бериш ва бошқа турдаги ёрдам бериш имкониятлари мавжудлиги.

21. Ҳисоблаш техникасининг тавсифи, жамланмаси, синфи ва турига мослиги.

22. Лингвистик талаблар: дастурий маҳсулот ҳар қандай кўзда тутилган иш жараёнида давлат тилида ишлаши шарт, шу билан бирга зарурият бўлганда бошқа тиллардан ҳам фойдаланиш мумкин.

23. Дастурий маҳсулот фойдаланилаётган тармоққа(тармоқларига) боғлиқ қабул қилинган кўпчилик фойдаланадиган технологияларидан биттасига мувофиқ келиши лозим (якка фойдаланувчи дастурий маҳсулот бундан мустасно).

24. Ахборотни қисман ёки тўлиқ йўқотилиши ва маълумотлар базаси яхлитлигининг бузилиши ҳолатларининг олдини олиш мақсадида, фойдаланувчи қилган хатолар, техникавий бузилиш ҳолларида юзага келадиган хатолар ва маълумотлар базаси хатолари вужудга келганда, дастурий маҳсулот хатоларни таҳлил қилиб, фойдаланувчига нима қилиш кераклиги (кейинги ҳаракатлар таърифи) ҳақида маълумот беришини ҳам кўзда тутиш лозим.

25. Дастурий маҳсулот (дастур кўп фойдаланувчилар муҳитида ишлаётганда) таркибида дастурнинг ишлашини назорат қиладиган модул бўлиши зарур.

26. Дастурнинг ишлашини назорат қиладиган модул қуйидаги ишларни бажарилишини таъминлаши лозим:

а) фойдаланувчини идентификация (ҳақиқийлигини аниқлаш), аутентификация (ҳақиқийлигини тасдиқлаш) ва авторизация (ваколатларини белгилаш) қилиш;

б) дастурий маҳсулот ресурсларидан фойдаланиш назорати;

в) дастурий маҳсулотдаги ҳолатларни рўйхатга олиш ва таҳлил қилиш;

г) дастурий маҳсулот ресурсларининг яхлитлигининг назорати.

27. Дастурий маҳсулот ишлашидан натижавий шакланган маълумотларга тўғридан-тўғри ўзгартиришлар киритиш имкониятидан ҳимояланган бўлиши зарур.

28. Дастурий маҳсулот киритилаётган маълумотларнинг тўлиқлиги ва аниқлигини назорат қилиши зарур.

29. Дастурий маҳсулотда қўшимча ҳисоботлар олиниши кўзда тутилиши мумкин, аммо бу маълумотлар базаси яхлитлигининг бузилишига олиб келмаслиги ва Ўзбекистон Республикасининг қонунчилигига зид бўлмаслиги керак.

30. Дастурий маҳсулотда Марказий банкнинг Интеграллашган ахборот-таҳлилий тизими таркибига кирувчи ахборот тизимлари ҳамда ахборот ресурслари билан ўзаро ҳамкорлик қилиш шартларига қўйиладиган талаблар ҳисобга олиниши керак. Жумладан:

- а) Марказий банкнинг банклараро тўлов тизими;
- б) банк депозиторлари миллий ахборот базаси;
- в) Кредит ахбороти миллий институти ахборот тизими;
- г) банк тизимининг ахборот омборхонаси;
- д) электрон маълумотномалар ахборот тизими.

V. Дастурий маҳсулотларни ўрганиш бўйича ишларни ташкил қилиш тартиби

31. Дастурий маҳсулотни ўрганиш ишлари қуйидаги босқичларни ўз ичига олади:

1) ҳужжатларни қабул қилиш ва аризани рўйхатга олиш:

а) ҳужжатлар Марказий банкнинг Котибияти орқали Тўлов тизими ва ахборотлаштириш департаментига жўнатилади;

б) Тўлов тизими ва ахборотлаштириш департаменти 17-бандда кўрсатилган ҳужжатлар тўпламини кўриб чиқади;

в) дастурий маҳсулотга доир ҳужжатлар тўплами тўлиқ бўлган тақдирда дастурий маҳсулот ўрганишга бериладиган ариза (1-Илова) рўйхатдан ўтказилади акс ҳолда барча ҳужжатлар ариза берувчига қайтарилади.

2) ўрганиш ишларини ташкил қилиш:

а) Марказий банкнинг Тўлов тизими ва ахборотлаштириш департаменти, Ахборотлаштириш Бош Маркази, Хавфсизлик ва ахборотни муҳофаза қилиш департаменти ва бошқа бўлинмалари раҳбарлари ихтиёрига кўра кўрсатилган мутахассислардан иборат экспертлар рўйхатини белгилаш ишларини Тўлов тизими ва ахборотлаштириш департаменти ташкил этади. Экспертлар рўйхати бир йилда камида бир маротаба кўриб чиқиладиган ва Марказий банк Раисининг ахборотлаштириш масалаларига раҳбарлик қилувчи ўринбосари томонидан тасдиқланади;

б) ариза рўйхатдан ўтказилгандан кейин Экспертлар комиссияси дастурий маҳсулотга тегишли барча ҳужжатларни таҳлил қилади;

в) дастурий маҳсулотни ўрганиш ишлари ариза берувчининг иш жойида ўтказилади;

г) ариза берувчи дастурий маҳсулотини синов ёки амалдаги маълумотлар асосида тўлиқ синовдан ўтказиш учун керакли техник жиҳозлардан иборат пешлаваха(стенд) кўринишидаги тўпламни тақдим этади;

д) дастурий маҳсулот синовдан ўтганлиги тўғрисидаги экспертлар комиссияси хулосаси расмийлаштирилади.

3) Марказий банк рухсатномасини расмийлаштириш ва тақдим этиш:

а) дастурий маҳсулотни ўрганиш тугагандан сўнг, экспертлар комиссиясининг ижобий хулосасига асосан, Марказий банк Раисининг ахборотлаштириш масалаларига раҳбарлик қилувчи ўринбосари ариза берувчига Марказий банк рухсатномаси (2-илова)ни бериш тўғрисида Қарор қабул қилади;

б) акс ҳолда ариза берувчига дастурий маҳсулотни банк тизими талаблари ва

шартларига мос эмаслигини кўрсатувчи экспертлар комиссияси хулосаси тақдим этилади.

4) дастурий маҳсулотни дастурий маҳсулотлар рўйхатида қайд этиш.

32. Дастурий маҳсулотни ўрганиш муддати — ариза рўйхатга олинган кундан бошлаб бир ой.

33. Дастурий маҳсулотни синовдан ўтказиш пайтида ахборотнинг етишмаслиги аниқланиб, қўшимча маълумотлар кераклиги экспертлар комиссияси томонидан асосланган ҳолатларда, қўшимча маълумотлар олинганидан сўнг, бир ой муддат ичида ўрганиб чиқилади.

34. Ўрганиш натижалари ижобий бўлганда дастурий маҳсулот Марказий банк дастурий маҳсулотлар рўйхатида қайд этилади ва Марказий банк рухсатномаси тақдим этилади.

VI. Дастурий маҳсулотлар ҳақидаги ҳужжатлар тўпламини сақлаш тартиби

35. Ўрганиш учун тақдим этилган дастурий маҳсулот ҳақидаги ҳужжатлар тўпламининг нусхаси ўрганиш натижаларидан қатъи назар, ариза берувчига қайтарилмайди ва Марказий банк архивида қолдирилади.

36. Дастурий маҳсулот ҳақидаги ҳужжатлар тўплами ва дастурий маҳсулотнинг намунаси (компьютер ахборотини сақловчи воситадаги нусхаси) «Ўзбекистон Республикасининг тижорат банклари фаолиятида юзага келадиган ҳужжатларнинг сақланиш муддатлари рўйхатини қўллаш бўйича кўрсатма» (2000 йил 26 июль, рўйхат рақами 951)да белгиланган муддатларга мувофиқ сақланади.

VII. Дастурий маҳсулотлар рўйхатини юритиш шартлари ва мақсадлари

37. Дастурий маҳсулотлар рўйхатини олиб боришдан асосий мақсад — Ўзбекистон Республикаси банкларида фойдаланилаётган дастурий маҳсулот ҳисобини юритиш ва улар устидан назоратни таъминлаш, сақлаш, дастурий маҳсулот ҳақида маълумотларни тўплаш, дастурий маҳсулот ҳақида тўлиқ маълумот тақдим этиш билан ахборот хизматини кўрсатишдан иборат.

38. Дастурий маҳсулотларни рўйхатга олиш Марказий банк Тўлов тизими ва ахборотлаштириш департаменти томонидан амалга оширилади.

39. Дастурий маҳсулотлар рўйхати махсус (тикилган, рақамланган, Марказий банк котибияти раҳбари имзоси ва муҳри билан тасдиқланган) китобда қайд қилиб борилади.

40. Дастурий маҳсулотлар рўйхати Ўзбекистон Республикаси банк тизимида фойдаланиш учун Марказий банк рухсатномаси берилган дастурий маҳсулот ҳақидаги маълумотлардан иборат.

41. Марказий банкнинг Тўлов тизими ва ахборотлаштириш департаменти Дастурий маҳсулотлар рўйхатининг сақланиши ва уни долзарб ҳолатда сақлаб туриш учун жавобгардир.

VIII. Дастурий маҳсулотлар рўйхатининг таркиби ва тузилиши

42. Дастурий маҳсулот 16-бандда келтирилган маълумотлар асосида ўзига хос тартиб рақам билан рўйхатга олинади.

43. Дастурий маҳсулотлар рўйхати маълумотлар базасида қуйидаги маълумотномаларнинг бўлиши кўзда тутилган:

- а) Ўзбекистон Республикасида фаолият кўрсатаётган банклар бўйича маълумотнома;
- б) банкларнинг бўлим ва бўлинмалари бўйича маълумотнома;
- в) мамлакатлар бўйича маълумотнома;
- г) Республикадаги туман ва вилоятлар бўйича маълумотнома.

IX. Дастурий маҳсулотлар рўйхатидан фойдаланишни ташкил этиш

44. Марказий банкнинг Тўлов тизими ва ахборотлаштириш департаменти дастурий маҳсулотлар рўйхатида қайд қилинган дастурий маҳсулотлар ахборотномасини тижорат банклари ва Марказий банк таркибий бўлинмалари томонидан келиб тушган аризалар асосида электрон ҳамда ёзма шаклларда тарқатиб туради.

X. Дастурий маҳсулотларни ўрганиш бўйича экспертлар комиссияси аъзоларининг ҳуқуқ ва мажбуриятлари

45. Марказий банкнинг Тўлов тизими ва ахборотлаштириш департаменти дастурий маҳсулотларни ўрганиш ишлари (ҳужжатларни қабул қилиш, ўрганиш ишларини ташкил қилиш, дастурий маҳсулотни дастурий маҳсулотлар рўйхатида қайд этиш ва Марказий банк рухсатномасини бериш)ни ташкил қилади.

46. Марказий банкнинг Тўлов тизими ва ахборотлаштириш департаменти директори дастурий маҳсулотни ўрганиш ишларини ўтказишга масъулдир.

47. Экспертлар комиссияси ўрганиш натижаларининг ҳолисоналиги учун жавобгардирлар.

48. Дастурий маҳсулотни ўрганиш пайтида ариза берувчининг мутахассислари кузатувчи сифатида қатнашиши мумкин.

49. Ариза берувчи дастурий маҳсулотга доир ҳужжатларнинг тўғрилиги ва уларни расмийлаштириш қоидаларига риоя қилиниши учун жавобгардир.

50. Дастурий маҳсулотни ўрганувчи экспертлар комиссияси аъзолари тақдим этилган дастурий маҳсулотларнинг намуналари (компьютер ахборотларини сақловчи маҳсулотдаги нусхалари)ни ва ўрганиладиган дастурий маҳсулот ҳақидаги ҳужжатларни учинчи шахсга бермаслик мажбуриятини зиммаларига оладилар.

XI. Яқуний қоидалар

51. Ушбу Низом Ўзбекистон алоқа ва ахборотлаштириш агентлиги билан келишилган.

*Ўзбекистон алоқа ва
ахборотлаштириш агентлиги
Бош директори*

А. АРИПОВ

*Тошкент ш.,
2007 йил 29 сентябрь*

Ўзбекистон Республикаси банк тизимида
дастурий маҳсулотлардан фойдаланиш
учун рухсатнома бериш тартиби
тўғрисидаги низомга
1-ИЛОВА

Ўзбекистон Республикаси Марказий банки
Тўлов тизими ва ахборотлаштириш департаментига

Ариза берувчи муассасанинг номи,
манзили ва тўлиқ реквизитлари

АРИЗА

дастурий маҳсулотнинг номи

дастурий маҳсулотни белгиланган тартибда ўрганиб чиқиб, банк фаолиятида мазкур дастурий маҳсулотдан фойдаланиш учун Ўзбекистон Республикаси Марказий банк рухсатини беришингизни сўраймиз.

Дастурий маҳсулотнинг асосий тавсифи илова қилинади:

Илова:

-
1. Дастурий маҳсулотнинг намунаси (компьютер ахборотларини сақловчи маҳсулотдаги нусхаси);
 2. Дастурий маҳсулот ҳақидаги асосий маълумотлар (___ бетдан иборат);
 3. Дастурий маҳсулотни қўллаш шарт-шароитларига қўйилган талаблар (___ бетдан иборат);
 4. Дастурий маҳсулот таърифи (___ бетдан иборат);
 5. Фойдаланувчилар қўлланмаси (___ бетдан иборат);
 6. Дастурий маҳсулотнинг банкда синовдан ўтказилганлиги тўғрисидаги хулоса (___ бетдан иборат).
- +

Ариза берувчи муассаса раҳбари
Исми, шарифи

Сана ва имзо

Ўзбекистон Республикаси банк тизимида
дастурий маҳсулотлардан фойдаланиш учун
рухсатнома бериш тартиби тўғрисидаги
низомга
2-илова

Ўзбекистон Республикаси Марказий банки**Ўзбекистон Республикаси банк тизимида**

«Дастурий маҳсулотнинг номи»

дастурий маҳсулотни қўллаш учун
№ _____ сонли

РУХСАТНОМА

200__ й. «_____» _____да

ишлаб чикувчининг (етказиб берувчининг) номи

манзили

_____ томонидан ишлаб чиқилган (етказиб берилган),

_____ версияли

_____ дастурий маҳсулотнинг номи

ўрганиб чиқилди ва у Марказий банк меъёрий ҳужжатлари талабларига жавоб бериши тасдиқланади.

Марказий банк раиси ўринбосари

Ф.И.Ш

200__ й. _____да

Дастурий маҳсулотлар рўйхатида

_____ рақам билан қайд этилган.

ЎЗБЕКИСТОН РЕСПУБЛИКАСИ ТАШҚИ ИҚТИСОДИЙ АЛОҚАЛАР,
ИНВЕСТИЦИЯЛАР ВА САВДО ВАЗИРЛИГИ
ЎЗБЕКИСТОН РЕСПУБЛИКАСИ ДАВЛАТ БОЖХОНА ҚЎМИТАСИ
ЎЗБЕКИСТОН РЕСПУБЛИКАСИ ДАВЛАТ СОЛИҚ ҚЎМИТАСИНING
ҚАРОРИ

480 Электрон шаклдаги контрактлар ва электрон тижоратда қўлланиладиган ҳужжатларнинг бошқа намунавий шакллари тўғрисидаги низомни тасдиқлаш ҳақида

*Ўзбекистон Республикаси Адлия вазирлиги томонидан 2007 йил
21 ноябрда 1740-сон билан давлат рўйхатидан ўтказилди*

(2007 йил 1 декабрдан кучга киради)

Ўзбекистон Республикасининг «Электрон тижорат тўғрисида»ги, «Электрон тўловлар тўғрисида»ги, «Электрон ҳужжат айланиши тўғрисида»ги қонунларини амалга ошириш ва Ўзбекистон Республикаси Вазирлар Маҳкамасининг 2007 йил 30 январдаги 21-сонли «Электрон тижоратни ривожлантириш чора-тадбирлари тўғрисида»ги қарорининг 1-бандига мувофиқ ҳамда замонавий ахборот коммуникация технологияларидан фойдаланган ҳолда электрон савдони ривожлантириш мақсадида **қарор қиламиз:**

1. Электрон шаклдаги контрактлар ва электрон тижоратда қўлланиладиган ҳужжатларнинг бошқа намунавий шакллари тўғрисидаги низом иловага мувофиқ тасдиқлансин.

2. Мазкур қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киради.

**Ташқи иқтисодий алоқалар,
инвестициялар ва савдо вазири**

Э. ҒАНИЕВ

Тошкент ш.,
2007 йил 5 октябрь,
ЭГ-01/10-5248-сон

**Давлат божхона
қўмитаси раиси**

С. НОСИРОВ

Тошкент ш.,
2007 йил 5 октябрь,
01-02/6-28-сон

**Давлат солиқ
қўмитаси раиси**

Б. ПАРПИЕВ

Тошкент ш.,
2007 йил 5 октябрь,
2007-55-сон

Ўзбекистон Республикаси қонун ҳужжатлари тўплами, 2007 й.

Ташқи иқтисодий алоқалар, инвестициялар
ва савдо вазирлиги, Давлат божхона
қўмитаси, Давлат солиқ қўмитасининг
2007 йил 5 октябрдаги ЭГ-01/10-5248,
01-02/6-28, 2007-55-сон қарори билан
ТАСДИҚЛАНГАН

**Электрон шаклдаги контрактлар ва электрон тижоратда
қўлланиладиган ҳужжатларнинг бошқа намунавий шакллари
тайёрлаш тартиби тўғрисидаги
НИЗОМ**

Ушбу Низом Ўзбекистон Республикаси Вазирлар Маҳкамасининг 2007 йил 30 январдаги 21-сонли «Электрон тижоратни ривожлантириш чора-тадбирлари тўғрисида»ги қарорига мувофиқ замонавий ахборот технологияларини қўллаган ҳолда электрон шаклдаги контрактлар ва электрон тижоратда қўлланиладиган ҳужжатларнинг бошқа намунавий шакллари тайёрлаш талабларини белгилайди.

**I. Электрон шаклдаги контрактлар ва электрон тижоратни
амалга оширишда ҳужжатларнинг бошқа намунавий шакллари
қўйиладиган умумий талаблар**

1. Электрон тижоратда контрактлар томонларнинг контракт шартларини келишиши ва электрон ҳужжатни электрон тижорат томонлари ўртасида уларни алмашиш (номуайян шахслар доирасига ёзиш ёки жўнатиш) йўли билан шакллантириш орқали расмийлаштирилади.

Электрон ҳужжатларни шакллантиришда томонларнинг келишуви бўйича умумий қабул қилинган ва норматив ҳуқуқий ҳужжатларда белгиланган тижорат фаолиятида қўлланиладиган (хат, огоҳлантириш, маълумот, рўйхатли ёзув, оферта, акцепт, шартнома, битим, баённома ва бошқа ҳужжат турлари), матнли ёки бошқа ҳужжатли маълумот (ёзув, хабар, файл, сайт, маълумотлар базаси, маълумотлар базасида ёзув) айланиши ва электрон намойишнинг ҳар қандай мумкин бўлган шакллари (форматлар)дан фойдаланилиши мумкин.

Электрон ҳужжатларни шакллантиришда унинг электрон намойишида фойдаланиладиган шакллар (форматлар) аниқ узатиш ва ҳужжат олиш, уни қайта ишлаш, ҳужжатнинг тўлиқлигини ва мақсадини текшириш имконияти, сақлаш ва ахборот тизимида қидириш, шунингдек жўнатувчининг идентификациясини, тузиш ва олиш вақти, намойиш этиш ва ҳужжатли ахборотни бир хилда тушунишни таъминлаши керак.

2. Электрон тижоратда контрактлар ва электрон тижоратни расмийлаштириш ва амалга ошириш билан боғлиқ электрон ҳужжатларнинг бошқа намунавий шакллари мазмуни ва шакли бўйича Ўзбекистон Республикаси Фуқаролик кодекси, «Хўжалик юритувчи субъектлар фаолиятининг шартномавий-ҳуқуқий базаси тўғрисида»ги Қонуни, Ўзбекистон Республикаси Ташқи иқтисодий алоқалар, инвестициялар ва савдо вазирлигида Ўзбекистон Республикаси хўжалик субъектлари томонидан тузиладиган экспорт контрактлари (шартнома ва битимлар)ни рўйхатга олиш ва импорт контрактлари (шартнома ва битимлар)ни экспертизадан ўтказиш тартиби тўғрисидаги низом (2006 йил 3 июль, рўйхат рақами 1588) ва бошқа норматив-ҳуқуқий ҳужжатларда белгиланган талабларга мувофиқ бўлиши керак.

3. Электрон тижоратни амалга оширишда қонун ёки бошқа норматив-ҳуқуқий

хужжат ёки томонларнинг келишуви хужжатни ўз имзоси билан тасдиқлашни талаб қилса, электрон хужжат агар электрон тижорат томонлари Электрон рақамли имзони (кейинги ўринларда ЭРИ деб юритилади) ўрнатиш процедураси бажарганидан сўнг имзоланган деб ҳисобланади.

4. Электрон хужжат электрон тижорат томонлари тарафидан тан олинади, агар: Электрон хужжатда ЭРИ асиллиги тасдиқланса;

ЭРИ калити сертификати ЭРИ асиллиги тасдиқланадиган вақтда ёки электрон хужжатни имзолаш вақтида имзолаш вақтини аниқловчи далиллар мавжуд бўлганда;

ЭРИ электрон хужжатда ЭРИ калити сертификатида кўрсатилган мақсадларда фойдаланилади.

5. Қонун ёки бошқа норматив-ҳуқуқий хужжат контракт ёки бошқа хужжат қоғозда тақдим этилишини ёки сақланишини талаб қилган ҳолда, ушбу талаб электрон хужжатга нисбатан бажарилган ҳисобланади, агар:

ЭРИ рўйхатдан ўтказиш Маркази томонидан юридик ва жисмоний шахсларнинг мурожаатлари бўйича электрон хужжатларда ЭРИ асиллиги тасдиқланган бўлса;

ЭРИ рўйхатдан ўтказиш Маркази томонидан ЭРИ имзоланган қоғозда электрон хужжатлар нусхалари гувоҳлантирилган бўлса.

6. ЭРИ хужжатда электрон хужжатнинг бошқа томон ёки учинчи шахслар олдида тўлиқлиги, аниқлиги ва хужжатли ахборотини ўзгармаслигини таъминловчи ҳимоялаш процедуралари билан функционал бирлашиши мумкин.

7. Контрактга қўшимча талаблар қуйидагиларни ўз ичига олиши лозим:

а) контракт ва томонларнинг контракт бўйича мажбуриятларини ижро этиш билан боғлиқ бошқа хужжатларни имзолаш усули;

б) томонлар ўртасида контракт бўйича ўз мажбуриятларини бажаришда электрон хужжатларни алмашиш тартиби;

в) ЭРИдан фойдаланиш ёки хужжатни имзолаган ваколатли шахсни идентификациялаш, шунингдек хужжатнинг аниқлигини текшириш тартиби;

г) электрон хужжатларга ҳавола ва кўрсаткичлар контрактга киритиладиган томонлар белгиланган ахборот тизимида мавжуд ёки Интернет тармоғидаги сайтда, бошқа очиқ ёки корпоратив тармоқларда белгиланган;

д) томонлар ёзишмалари тартиби ёки контракт бўйича мажбуриятларни бажариш билан боғлиқ бошқа хужжатли ахборотни сақлаш;

е) томонларнинг ўз персонал маълумотларига, ёзишмалар ва контракт бўйича мажбуриятларни бажариш билан боғлиқ бошқа хужжатли ахборотларга киришини таъминлаш тартиби.

8. Контрактнинг баъзи шартлари томонларнинг келишилган ҳаракати бўйича белгиланган шаклда (форматда)ги томонларнинг бирини ахборот тизимидаги маълумотлар базасига киритиладиган контрактнинг ажралмас қисми сифатида алоҳида электрон хужжат билан расмийлаштирилиши мумкинлиги контрактда назарда тутилиши мумкин.

9. Контрактда томонлар контрактни имзолагандан ва расмийлаштиргандан кейин юридик кучга эга бўлган ва баҳслар юзага келганда томонлар унга ҳавола этиши мумкин бўлган нусха сифатида ахборот тизими маълумотлар базасига ёки бошқа ишончли томонга (Интернет тармоғи орқали киришни таъминлаш орқали) сақлаш учун юбориши назарда тутилиши мумкин.

Бунда контракт шартларига қўшимча равишда қуйидагилар киритилиши лозим:

а) томонлардан бирининг сақлаш шартномасини тузиш мажбурияти ва уни тузиш тартиби;

- б) сақлаш ва сақлаш учун берилган ҳужжатга томонларнинг кира олиши шартлари;
- в) ҳужжатнинг жойлашган жойига ҳавола.

II. Контрактдаги томонлар тўғрисида маълумот

10. Ўз номидан муайян шахслар доирасига оферта юбориш ёки оферта таклиф қилишда сотувчилар, етказиб берувчилар, ижро этувчилар ва электрон тижоратнинг бошқа томонлари ўзи ҳақида ахборот тақдим этишга мажбурдирлар.

11. Электрон тижоратда иштирок этувчи томон тўғрисидаги ахборот қуйидаги мажбурий маълумотларни ўз ичига олади:

а) юридик якка тартибдаги ташкилий-ҳуқуқий шакли кўрсатилган тўлиқ номи ёки хусусий тадбиркорнинг фамилияси, исми ва шарифи;

б) юридик шахс ёки якка тартибдаги тадбиркорнинг манзили ва давлат рўйхатидан ўтганлиги ҳақида маълумот, солиқ тўловчининг идентификацион рақами, электрон манзили, почта манзили ва телефони ҳамда агар мавжуд бўлса, сайтининг номи;

в) Ўзбекистон Республикаси қонунчилигида назарда тутилган ҳолатларда — лицензия мавжудлиги тўғрисида маълумот (лицензияловчи органнинг номи, унинг муддати, лицензия рақами);

г) таклиф қилинадиган ёки буюртма бериладиган маҳсулотлар, ишлар ёки хизматлар рўйхати, уларни тақдим этиш шартлари;

д) Ўзбекистон Республикаси қонунчилигида ва савдо қоидаларида назарда тутилган ҳолатларда — маҳсулотлар, иш ва хизматларнинг сертификатланганлиги тўғрисида гувоҳномалар;

е) ҳисоб-китоб тартиби;

ж) банк реквизитлари;

з) электрон тижоратни расмийлаштириш ва амалга ошириш учун зарур бўлган бошқа маълумотлар;

и) ЭРИ сертификатининг рўйхат рақами, гувоҳнома берган марказнинг реестридаги имзо калити сертификатининг амал қилишининг бошланиш ва тугаш вақти;

й) ушбу очик калитли электрон рақамли имзо фойдаланиладиган электрон рақамли имзо воситаларининг номи;

к) ЭРИ сертификатини берувчи гувоҳнома берган ЭРИни рўйхатдан ўтказиш Марказининг номи ва жойлашган жойи;

л) электрон ҳужжат электрон рақамли имзо билан юридик аҳамиятга эга бўладиган муносабатлар тўғрисидаги маълумотлар.

12. Сотиб олувчи ёки буюртмачи тўғрисидаги ахборот қуйидагиларни ўз ичига олади:

а) юридик шахснинг ташкилий-ҳуқуқий шакли кўрсатилган тўлиқ номи ёки хусусий тадбиркорнинг фамилияси, исми ва шарифи;

б) юридик шахс ёки хусусий тадбиркорнинг манзили ва давлат рўйхатидан ўтганлиги ҳақида маълумот, солиқ тўловчининг идентификацион рақами, электрон манзили, почта манзили ва телефони ҳамда агар мавжуд бўлса, сайтининг номи;

в) истеъмолчининг шахсий маълумотлари тўғрисида ахборот;

г) электрон тижоратни амалга оширишда зарур бўлган бошқа маълумотлар;

д) ЭРИ сертификатининг рўйхат рақами, гувоҳнома берган марказнинг реестридаги имзо калити сертификатининг амал қилишининг бошланиш ва тугаш вақти;

е) ушбу очик калитли электрон рақамли имзо фойдаланиладиган электрон рақамли имзо воситаларининг номи;

ж) ЭРИ сертификатини берувчи гувоҳнома берган ЭРИни рўйхатдан ўтказиш Марказининг номи ва жойлашган жойи;

з) электрон ҳужжат электрон рақамли имзо билан юридик аҳамиятга эга бўладиган муносабатлар тўғрисидаги маълумотлар.

13. Электрон тижоратда истеъмолчининг шахсий маълумотлари тўғрисидаги ахборот, фақат уларсиз сотувчи амалга оширилаётган электрон тижорат бўйича ўз мажбуриятларини бажара олмайдиган маълумотларни ўз ичига олиши керак.

Истеъмолчининг шахсий маълумотлари тўғрисидаги ахборот қуйидагиларни ўз ичига олади:

а) фамилияси, исми, шарифи;

б) телефон рақами;

в) электрон манзили (e-mail);

г) манзили (етказиб бериш, яшаш);

д) банк ҳисоб рақами, банк картаси ёки бошқа тўлов воситаларининг реквизитлари;

е) солиқ тўловчининг идентификацион рақами;

ж) электрон тижорат бўйича мажбуриятларни бажариш учун зарур бўлган бошқа маълумотлар.

14. Банкдан ташқари тизимда чакана тўловларни амалга оширишда мазкур Низомнинг 11-бандда кўрсатилган маълумотлардан ташқари қуйидаги маълумотлар талаб қилинади:

а) кўрсатиладиган молиявий хизматлар рўйхати, уларни тақдим этиш шартлари;

б) фойдаланувчиларни рўйхатга олиш тартиби;

в) ҳисоб-китоб тартиби;

г) Ўзбекистон Республикаси қонунчилигида назарда тутилган ҳолларда тўлов ўтказиладиган ташкилот ва/ёки тўлов тизими аъзоларининг лицензияси мавжудлиги тўғрисида маълумот (лицензия рақами, амал қилиш муддати, лицензияловчи органнинг номи).

15. Электрон тижорат ташкилотчиси тўғрисида ахборот ушбу Низомнинг 11-бандида кўрсатиб ўтилган маълумотларга қўшимча равишда электрон тижоратни амалга ошириш қоидаларини ўз ичига олиши керак.

16. Ушбу Низомнинг 11-бандида кўрсатилган, электрон процедураларни таъминлаш бўйича битим томонларига хизмат кўрсатувчи давлат ва бошқа нодавлат муассаса ва ташкилотлари тўғрисидаги ахборот ўз ичига хизматлардан фойдаланиш тартиби ва қоидаларини, Ўзбекистон Республикаси қонунчилигида назарда тутилган ҳолларда — лицензия мавжудлиги тўғрисидаги маълумотни (лицензия рақами, амал қилиш муддати, лицензияловчи органнинг номи) олиши керак.

III. Электрон тижорат доирасида амалга ошириладиган электрон операциялар ва тадбирлар

17. Электрон тижорат томонлари агарда Ўзбекистон Республикаси қонунчилигида ўзгача тартиб белгиланган бўлмаса, ўзаро келишган ҳолда қуйидагиларни белгилайди:

а) ҳар қандай алоқа воситалари орқали электрон ҳужжатларни алмашиш тартибини;

б) контрактни тузиш бўйича ҳаракатларни амалга ошириш тартиби;
в) электрон имзони ўрнатиш усули ва фойдаланиш тартиби;
г) офертани жойлаштириш, жўнатиш ва қабул қилиш тартиби;
д) акцептни жўнатиш ва чақириб олиш тартиби;
е) ахборотнинг аниқлигини текшириш тартиби;
ж) томонларнинг ахборот тизимини таъминлаш дастурларидан фойдаланиш тартиби.

18. Электрон тижоратни расмийлаштириш бўйича томонларнинг электрон процедуралари контрактни тўлалигича ёки унинг алоҳида шартларини, тузишнинг ва электрон тижоратни амалга оширишнинг (ёзишув) алоҳида элементларини келишиш бўйича электрон ҳужжатлар алмашинувини ўз ичига олиши мумкин. Шунингдек, қонунда, бошқа норматив-ҳуқуқий ҳужжатларда ёки томонларнинг келишувига мувофиқ, аниқ турдаги ҳужжатларнинг мазмунини расмийлаштириш бўйича белгиланган талаб ва қоидаларга риоя этилиши лозим.

19. Электрон тижоратда электрон ҳужжатларни (маълумотларни) алмашиш бўйича томонларнинг электрон процедуралари сотувчи томонидан оферта тартибидан тақдим этиладиган ва агарда акцепт шакли ва уни юбориш процедуралари белгиланган бўлса, олувчи (буюртмачи) томонидан ҳеч қандай ўзгартириш ва қўшимча шартларсиз қабул қилинадиган контрактни расмийлаштиришни ўз ичига олиши мумкин. Бунда шартнома турлари бўйича фуқаролик қонунчилигининг барча талабларига риоя этилиши лозим.

IV. Тўлов тизими субъектлари

20. Электрон битим томонлари электрон тижорат ва тўлов тизими субъектлари ўртасида тузилган келишув белгиланган уларнинг мажбуриятлари доирасида тўлов тизими субъектлари билан ҳисоб-китобни амалга оширишлари мумкин.

21. Тўлов тизимидан фойдаланган ҳолда ҳисоб-китобларни ва банк операцияларини амалга ошириш ҳамда умумий ташкиллаштириш тартиби Ўзбекистон Республикаси Фуқаролик кодексига ва банк фаолияти тўғрисидаги қонунчиликка зид келмаслиги лозим.

V. Яқуний қоидалар

22. Ушбу Низом Ўзбекистон алоқа ва ахборотлаштириш агентлиги ва Ўзбекистон Республикаси Марказий банки билан келишилган.

*Ўзбекистон алоқа ва
ахборотлаштириш
агентлиги Бош директори*

А. АРИПОВ

*Тошкент ш.,
2007 йил 4 октябрь*

*Марказий банк
Бошқаруви раиси*

Ф. МУЛЛАЖОНОВ

*Тошкент ш.,
2007 йил 4 октябрь*

Ўзбекистон Республикаси
Адлия вазирлиги маълум қилади:
вазирликлар, давлат қўмиталари ва идораларининг
умумий мажбурий тусдаги норматив ҳужжатларини давлат
рўйхатидан ўтказиш ҳолати тўғрисида
2007 йил 10 ноябрдан 23 ноябргача бўлган маълумот

I. Давлат рўйхатидан ўтказилди:

1. «Товар келиб чиққан жой номини ва товар келиб чиққан жой номидан фойдаланиш ҳуқуқини беришни рўйхатдан ўтказишга доир талабнома тузиш, топшириш ва кўриб чиқиш қоидаларига ўзгартириш ва қўшимчалар киритиш тўғрисида»ги *Ўзбекистон Республикаси Давлат патент идораси директорининг 2007 йил 17 октябрдаги 72-сонли буйруғи.*

2007 йил 13 ноябрда 1185-1-сон билан рўйхатдан ўтказилди (2007 йил 23 ноябрдан кучга киради).

2. «Уруғлик пахта хом ашёси етиштириш миқдорини аниқлаш ва унга асосан шартномалар тузиш тартиби тўғрисидаги низомни тасдиқлаш ҳақида»ги *Ўзбекистон Республикаси Молия вазирлиги, Қишлоқ ва сув хўжалиги вазирлигининг 2007 йил 2 октябрдаги 89, 3/11-сонли қарори.*

2007 йил 14 ноябрда 1738-сон билан рўйхатдан ўтказилди (2007 йил 24 ноябрдан кучга киради).

3. «Давлат активлари иштирокида ташкил этилган қўшма корхоналарнинг ҳисоби ва фаолияти мониторингининг ягона тартиби»ни ўз кучини йўқотган деб топиш тўғрисида»ги *Ўзбекистон Республикаси Давлат статистика қўмитаси, Давлат мулкни бошқариш давлат қўмитасининг 2007 йил 5 ноябрдаги 15, 01/16-18/15-сонли қарори.*

2007 йил 16 ноябрда 797-1-сон билан рўйхатдан ўтказилди (2007 йил 26 ноябрдан кучга киради).

4. «1-МОН «Маҳсулотни ишлаб чиқариш ва жўнатиш бўйича ҳисобот»ни тўлдириш тартиби тўғрисида йўриқномани тасдиқлаш ҳақидаги қарорни ўз кучини йўқотган деб топиш ҳақида»ги *Ўзбекистон Республикаси Давлат статистика қўмитаси, Монополиядан чиқариш, рақобат ва тадбиркорликни қўллаб-қувватлаш давлат қўмитасининг 2007 йил 6 ноябрдаги 18, 13-сонли қарори.*

2007 йил 16 ноябрда 1066-1-сон билан рўйхатдан ўтказилди (2007 йил 26 ноябрдан кучга киради).

5. «Ўзбекистон Республикаси банк тизимида дастурий таъминотлардан фойдаланишга рухсат бериш тартибини тасдиқлаш тўғрисидаги қарорни ўз кучини йўқотган деб ҳисоблаш ҳақида»ги *Ўзбекистон Республикаси Марказий банки Бошқарувининг 2007 йил 29 сентябрдаги 25/3-сонли қарори.*

2007 йил 20 ноябрда 856-1-сон билан рўйхатдан ўтказилди (2007 йил 30 ноябрдан кучга киради).

6. «Ўзбекистон Республикаси банк тизимида дастурий махсулотлардан фойдаланиш учун рухсатнома бериш тартиби тўғрисидаги низомни тасдиқлаш ҳақида»ги *Ўзбекистон Республикаси Марказий банки Бошқарувининг 2007 йил 29 сентябрдаги 25/4-сонли қарори*.

2007 йил 20 ноябрда 1739-сон билан рўйхатдан ўтказилди (2007 йил 30 ноябрдан кучга киради).

7. «Электрон шаклдаги контрактлар ва электрон тижоратда қўлланиладиган ҳужжатларнинг бошқа намунавий шакллари тайёрлаш тартиби тўғрисидаги низомни тасдиқлаш ҳақида»ги *Ўзбекистон Республикаси Ташиқи иқтисодий алоқалар, инвестициялар ва савдо вазирлиги, Давлат божхона қўмитаси, Давлат солиқ қўмитасининг 2007 йил 5 октябрдаги ЭГ-01/10-5248, 01-02/6-28, 2007-55-сонли қарори*.

2007 йил 21 ноябрда 1740-сон билан рўйхатдан ўтказилди (2007 йил 1 декабрдан кучга киради).

II. Давлат реестридан чиқарилди:

1. Давлат активлари иштирокида ташкил этилган қўшма корхоналарнинг ҳисоби ва фаолияти мониторингининг ягона тартиби. *Ўзбекистон Республикаси Макро-иқтисодиёт ва статистика вазирлиги, Давлат мулкни бошқариш ва тадбиркорликни қўллаб-қувватлаш қўмитаси томонидан тасдиқланган (рўйхат рақами 797, 1999 йил 6 август).*

Адлия вазирининг 2007 йил 16 ноябрдаги 221-мҳ-сон буйруғи билан реестрдан чиқарилди.

2. 1-МОН «Махсулотни ишлаб чиқариш ва жўнатиш бўйича ҳисобот»ни тўлдириш тартиби тўғрисида йўриқнома. *Ўзбекистон Республикаси Макроиқтисодиёт ва статистика вазирлиги, Монополиядан чиқариш ва рақобатни ривожлантириш давлат қўмитаси томонидан тасдиқланган (рўйхат рақами 1066, 2001 йил 15 сентябрь).*

Адлия вазирининг 2007 йил 16 ноябрдаги 222-мҳ-сон буйруғи билан реестрдан чиқарилди.

3. Ўзбекистон Республикаси банк тизимида дастурий таъминотлардан фойдаланишга рухсат бериш тартиби. *Ўзбекистон Республикаси Марказий банки Бошқаруви томонидан тасдиқланган (рўйхат рақами 856, 1999 йил 21 декабрь).*

Адлия вазирининг 2007 йил 20 ноябрдаги 223-мҳ-сон буйруғи билан реестрдан чиқарилди.

III. Давлат рўйхатидан ўтказилиши лозим эмас:

1. Нефть ва газ қудуқларини қуриш, ишлатиш ва таъмирлаш жараёнида газ, нефть ва сувни отилиб чиқишини ва очиқ фаввораларни олдини олиш йўриқномаси. *«Саноатконтехназорат» давлат инспекцияси бошлиғи томонидан тасдиқланган.*

2. Нефть ва газ қудуқларида отилиб чиққан ва очиқ фаввораларни бартараф қилиш ишларини ташкил этиш ва хавфсиз олиб бориш бўйича йўриқнома. *«Саноатконтехназорат» давлат инспекцияси бошлиғи томонидан тасдиқланган.*

Ўзбекистон Республикаси қонун ҳужжатлари тўплами, 2007 й.

Адлия вазирлиги билан келишилган ҳолда ушбу ҳужжатлар техник ҳужжат деб топилди.

Мазкур ҳужжатлар белгиланган тартибда кўрсатилган идоралар томонидан тасдиқланиб, кучга киритилиши мумкин. Адлия вазирлигида давлат рўйхатидан ўтказилиши лозим бўлмаган меъёрий ҳужжатларда амалдаги қонун ҳужжатларига зид қоидалар бўлмаслиги лозим.

ЎЗБЕКИСТОН РЕСПУБЛИКАСИ АДЛИЯ ВАЗИРЛИГИ

ЎЗБЕКИСТОН РЕСПУБЛИКАСИ
ҚОНУН ҲУЖЖАТЛАРИ
МАЪЛУМОТЛАРИ
МИЛЛИЙ БАЗАСИ

ҲУҚУҚИЙ АХБОРОТ БИЛАН ТАЪМИНЛАШ МАРКАЗИ

Ўзбекистон Республикаси қонун ҳужжатлари маълумотлари миллий базасининг ахборот излаш тизими (ҚХММБ LexUz) аҳолининг ҳуқуқий маданияти даражасини кўтариш, норматив-ҳуқуқий ҳужжатлардан юридик ва жисмоний шахсларнинг кенг фойдаланиш имкониятини таъминлаш, жамиятни ҳуқуқий ахборотлаштириш тизимини такомиллаштириш мақсадида яратилган.

LexUZ фойдаланувчиларга ҚХММБда Интернет орқали фойдаланиш имкониятини таъминлайди ва бунда:

норматив-ҳуқуқий ҳужжатларни таркибий қисмлари ва реквизитлари, шунингдек, юридик таҳлил карточкаларидаги маълумотлари асосида, яъни:

— *Ўзбекистон Республикаси қонунчилик тармоқлари умумҳуқуқий классификатори бўйича;*

— *қонунчиликнинг мавзули маълумотномаси бўйича;*

— *тушунча ва терминлар маълумотномаси бўйича;*

— *алфавит-предметли кўрсаткич бўйича кўпмезонли, кенгқамровли қидириш имконини беради.*

излаш натижалари жадвал қаторлари кўринишида акс эттирилади ва улар билан ишлашнинг қуйидаги имкониятлари мавжуд:

— *танланган ҳужжатларнинг реквизитлари бўйича саралаш;*

— *танланган ҳужжатларнинг реквизитлари бўйича гурuhlаш;*

— *ҳужжатлар билан ишлаш учун натижавий жадвалда уларни танлаш;*

— *излаш натижасида танланган ҳужжатларга оид барча маълумотларни олиш;*

— *ҳужжатларга киритилган қўшимча ва ўзгартиришларнинг хронологик тарихини кўриш;*

— *ҳужжат матнини алоҳида ойнада очиш;*

— *ҳужжат матнининг фойдаланувчи танлаган санадаги ҳолатини кўрсатиш;*

— *«Ҳаволалар ҳаритаси» — танланган ҳужжатга нисбатан корреспондент / респондент ҳужжатлар рўйхати;*

— *ҳужжат таркибида расмий матн қаторида норасмий ахборотларни (тушунтириш ва изоҳлар каби) акс эттириш;*

— *ҳужжат таркибида матн, жадвал, расмлар ва графикларни акс эттириш;*
фойдаланувчи ишлаган ҳужжатлар тарихини автоматик тарзда тизимда сақлаб қолиш ва бунда:

— *танланган ҳужжатлар рўйхатини сақлаб қолиш;*

— *излаш шартларини сақлаб қолиш;*

— *фойдаланувчи ишлаган ҳужжатлар тарихини тизимда сақлаш;*

фойдаланувчи маълумотларини ва интерфейсини ўзбек ва рус тилларида олиб бориш;
базага киритилган ҳужжатлар ҳақида электрон почта орқали хабар йўллаш.

WWW.LEX.UZ

сайтига марҳамат қилинг

—

+